


# EKHOTTO YUULUPALEXA

## YAATONKO OWANIWA

 Kooxukhuru, Munna Orman. Apwiya yooreeriheni.

<sup>2</sup> Mooxeleliwa, axipatthani. Kinnithapa okhala-tho va voosiis'ula, ni voohiwehererya, wona waka, wa miyo, ni kookupali wira siiso t'eryaaya wa muthukumano. Ni miyo kaamusoma paahi ni...Kooxukhuru, munna. Nto Apwiya yaakhala ntoko yaarohela etthu yaamukhaani vamurimani vaka, wira kiruuhele Ekereja, ni kuupuwela wira waari p'ukathi wo wira yeeyo. Nto vano ela . . .

<sup>3</sup> Vaphin'ye aka, vano nto kihisuwelaka wira naarowa okhala vaava Ettiminku ila, miyo koohimya wira kookhalana mu—Mutthaka wa Ekereja. Ni kintthuna o, Muluku atthuna vale, oruua Mutthak'ola Ettiminku enirwa. Nto onookhala okathi wowaattexa, siiso, alakela khunrowa okhuma ehinatthi ewoora ya namuloko ni piili ni minuutu miloko miraru, ewoora emosa ya makaaripi, khino, vaweryaneya okathi yoowo. Eri vamurimani vaka okhuma khalayi, ni kinoona wira kihaana owaakhula atthu mwaha wa xeeni ohinkhal'aka kivaraka muteko vapuwani. Ni miyo koolaleerya sothene ya yeeyo, masi kookupali wira khenaphiyeryeke sana vatthu vaatthuneya wira ekhale-vo. Vano miyo kinoona wira, Apwiya yatthuna vale, Ettiminku enirwa, kintthuna paahi kikuxe okathi aka nto kooniherye paahi, niwoko naya ni mwaha wa xeeni, ni koosuweliheni, mwa Yolempwa, etthu eniiraneya, moone, paahi mwaha wa xeeni sothene iya. Okhala wira, alakela kinookhala kirowaka ilapo s'okhopela wala nipuro nlo naanaanoru. Kinoowehererya vano wira koone ephiro xeeni Awo anrow'aya okiihana wira kirowe. Yookiserya . . .

<sup>4</sup> Ohiyu woophiyaka miraru sivinre, wala ohiyu miili, kaahimwaakhula telefooni waattamela ohiyu eriyari; yaari wira kinvekelele muthiyana mmosa aari oxipiritali. Vano miyo khulikareliwa, khwiriwa, “Nvekele.” Vano kinooliyala nsina awo yaakivanh'aya, wira...Khwiriwa wira aari mpatthani a Muhano James Bell, munn'ihu va mukereja, munna mmosa ooriipa, muthiyana oororomeleya sana, ooreera murima. Kookupali wira nsina nene naari Shepherd, kaaleeliw'aka. Vano miyo kikhuma voolilini kikokhora, nto—nto khwaaleela amwaar'aka. Telefooni orumaka, khwaavenxa. Nto miyo khwira, “Nihaana onvekelela Muhano Shepherd, munna mmosa olikanri, owo mpatthani a Muhano James Bell.” Vano hiyo khunvekelela, khutthikela voolilini.

<sup>5</sup> Vano nto ohoolo waya voophiyaka ewoora ya namuloko wala muloko n'imoso, mmeeloni mwaya, kaahilikareliwa-tho. Aari Billy. Nto owo khwira, khaari Muhano Shepherd, khwira wira aari Muhano Bell, yoowo ene, kahi mpatthani a Muhano Bell. "Aari Muhano Bell, ni owo ori oxipiritali, vootepexa." Ni aakuviheriwaka oxipiritali, masi iira okhwiye-ene. Apwiya yaahimwiihana Muhano Bell, Owaani.

<sup>6</sup> Muhano Bell aari mulipa-oothukumana oororomeleya ni hiyo wa mukereja, miyaakha sinci-ene. Aiy'awe, James, ni miyo, naavaraka vamosa, n'atithi aka, miyaakha sinci-ene sivinre, nithyawaka...Hiyo naatthyawaka arampha ala, okhuma oPennsylvania, mpakha vaColagate va, miyaakha sinci-ene khalayi, kinoona wira miyaakha miloko miraru khalayi, wala ovikana. Ni hiyo ninnimpenta Munna Bell. Owo aari mutthu ooreera murima.

<sup>7</sup> Ni kiniwa wira owo aari mukhalelo w'omuwereya sana wamwe, nto awo...Meetiku awe, aasuwela saana-ene mwah'owo, khaakhanle mpooma okathi uwo. Vano meetiku mukina khurwa omuweha, nto—nto khurumiha operasawu wowaakuveya, vano owo khuhivilela. Ni—ni owo aari... Miyo kinoona wira awawe...Moota kiniwaaka yeeyo, wira meetiku awe oolimaleleya khaarowa olaiherya o—operasawu, okhala wira owo aari ooneneva ni wamwe awe khaari sana. Ni owo aahikhalana mathekeneke muhina mwa wamwe, wona waka, wala etthu mwa yoowo, nto—nto Apwiya yaahimoriwa ikharari. Owo aamwiira owereiwe-ene khalayi nave Apwiya yaahikhapelela awo, imaara sinci-ene. Masi khwiiraneya paahi wira...Ahe, hiyo nahimya-ru eyo ephimelo aya yoomalela, naamuhimya wira: Muluku aahimwiihana Munna Bell, vano eyo p'namuna vaatthuney'aya okuxiwa, moone.

<sup>8</sup> Ni moota Owo aahalenly'awe...aaruuhenly'awe wa miyo, miyo kuupuwel'aka wira aari Muhano...Muhano Shepherd. Miyo nkaamusuwela Muhano Shepherd. Muthiyan'owo siiso oryeene vaava, voosiis'ula, ni alakela kinoowerya omusuwela kamuweha-ru owiitho wawe. Masi, yaahimmwe wira aari Muhano Shepherd. Nto sinto sotheene siiriwe siiso, wira vakhala wira...Vaakhanle wira kaahisuwela wira aari Muhano Bell aari ekhalelo yeele, khino kaamwiira kironwe-ene iwe kikhale kimulapelelaka naanaanoru. Vano nto, moone, wira, Muluku khaatthunne wira hiyo niire yeeyo, khino. Tivo, "Hiyo noosuwela wira itthu iya sothene sineettiheriwa vamosa wira ereerihiwe ale animphenta Muluku."

<sup>9</sup> Ni miyo kookupali wira Munna Bell aanaaphenta Apwi'ahu. Owo aari muthiyana ooreera murima. Vano, owo mmosaa a hiyo. Mu, hiyo khanrina hata mikaano sa makhwili. Amusi a Muluku khankweretha mikaano sa makhwili. Hata nikhalaka ooxeerya, ookhwila, ooriipa, ahiso a ncano, khiva mulattu, akunya. Enakhaleru etthu p'itthu,

hiyo n'axinna alopwana n'athiyana mwa Kristu. Nto siiso hiyo—hiyo ninnimpenta. Ni hiyo onooninkhela owo, atthu a mutapernakulu. Moota anrow'aya okinkhela, “ameni” ale, aalupale, oovuwa, oolimaleleya a Munna Bell ottuli iwe vakutoni. Ni oroihiwaka owaani, owo aanilavula mwaha wa Pwiya Yesu.

<sup>10</sup> Nto vakhala wira kinnisuwela sana, nkinasuweleke mpakha okathi vakhaani ovinre, masi kinoona wira ovithiwa wawe ori wira ovarawe vaava mukereja. [Munna Neville oniira, “Ti siiso.”—Mol.] Enamaili ila enoorwa [“Ewoora emosa ya makaaripi.”] ewoora emosa. Ni kinoona wira nyuwo ni miyo nri wira nihoolele [“Ti siiso.”] muteko ola wo ovitha.

<sup>11</sup> Masi, mmuthukumanoni paahi, wira hiyo nri ootteettheya voosis'ula, wa ntittimiho wa Munn'ihu Bell, nrowe nivenye neemele okathi vakhaani paahi, nuuramihaka miru sahu.

<sup>12</sup> Muluku a ekumi, Ole onvaha ni onikuxa ekumi, ntoko Yobi ule khelayi sihimmy'awe wira, “Apwiya ti yaakivanhe ni Apwiya t'akunxe; noottotopeliwa nikhale Nsina n'Apwiya.” Miyaakha vakhaani sivinre, Nyuwo mwaamurunhe Munna Bell eriyari ahu, wira okhale mwaapara a elapo emosa ni hiyo, ya etthunelo yuulupale ya Muluku. Ni hiyo ninnooxokhuruni Nyuwo mwaha wa khula etthokelelelo yuulupale owo aakhanly'awe ohoolo wahu, moota waamusivel'awe wiipa ni ohimya onamoono, ni aakhal'awe oosareya Eroho mpakha vaawery'awe okhuwela n'anyakula. Ni owo khuuleliwa muru Ehapari yooreera ya Yesu Kristu, maana, wa owo, Eyo yaari Owerya wa Muluku woophwanyiha woopowa. Noonaka wira miyaakha sawe soophiyerya, ni okathi onimoorwa hiyo othene orin'ahu waakhula. Nto Nyuwo moomukuxa owo mwa hiyo, voosis'ula, wira okhale Ohoolo Wanyu. Maana, eyo ekeekhaii wira, hiyo nakhuma va, nri Ohoolo wa Muluku.

<sup>13</sup> O Muluku, hiyo ninnooxukhuruni Nyuwo mwa sothene. Ninvekela wira Nyuwo mwaareerihe aiya'awe, mpatthani aka, James; mwan'awe mwamulopwana, ni an'awe axithiyana, othene awo. Hiyo noosuwela wira mwan'awe mwamulopwana onoorwa mmuttekeni okhuma w'Alemanya, okhuma mw'anatoropa, wira orwe owaani, wira ooniherye osuru wawe wookiserya sinwery'awe, elapo ya vathi, w'amey'awe aronwe. Moota murima wa mmirav'owo ori-aya wooriipiwa voosis'ula. Miyo kinnimuvekelela owo, Pwiya. Muluku, mmureerihe. Mmureerihe Jimmy, ni moota owo ori. . . Omoonaka owo ovara muteko iwe, ni iwoora soowoceiha, wira ophwanye etthu yo waavaha amusi awe. Miyo kinvekela wira emusi ila yuulupale ehikawanyeye, masi nttheke nla n'amusi nikhale noohinteya Muttetthe ole epantte ele ekina.

<sup>14</sup> Wira hiyo, Pwiya, vano nilipihe ekaruma ni mwaampa, vootthukweyaxa, ni nikhume nrowaka okhottoni vano, wira

nawane nimukumihaka mmosa ovikana saawanne ahu esumana evinre. Hiyo ninvekela wira Nyuwo munikhaliherye ni munivahe ikuru, ni munikhaliherye okathi onrow'ahu ohoolo, ni nihiku nlo hiyo othene nithukumane-tho epantte ekina. Vano hiyo ninvekela mwa Nsina na Yesu. Amen.

<sup>15</sup> Vano munepa wa munn'ihu oronwe wiithyuuwe ni murettele. Kaatthuna kihimye wira woo—woovithiwani wawe onookhala olaleiwa va Ttiminku, wala Namaili, ni hiyo naatthuna. . . Khula mutthu arweeke ole onththuna orwa. Miyo kinoona wira Munna Neville va ootthokiherya. [Munna Neville onnaakhulela—Mol.] Ni nyuwo mwaahikhalana awo. Vano, olelo, miyo paahi. . .

<sup>16</sup> Moore, khakhanle anci-enexa. Vaaweryaneya okhala ekhukulu nipuro nlo eniruuhiwa ya Munna mulopwana ni Munna muthiyana Slaughter ottuli iwe. Kaahimwaakhela oraami anyu, Munna Slaughter, ni kaahirowa onvekelela awinyu. . . Munna Slaughter mukina, Munna Jean Slaughter ni ettekuxa ele ya namarokolo, tularemiya. Owo vekeekhai ti woomutepela mwah'owo, masi hiyo nimmuroromela Muluku wira owo onookhala sana.

<sup>17</sup> Vano nintthuna nisome Yoolempwa emosa. Ni kintthuna paahi wiixuttiha voosiis'ula, kikuxaka okathi aka, 'okhala wira okhuma okathi ohokolonw'aka, wArizona, vano, vammilo vaka vooriiriwa vakhaani.

<sup>18</sup> Nto vano, Ettiminku enirwa, muhiliyale, ni kinoona wira Billy oolepa ipaphelo s'o—s'olattula. Ni onoorowa okhala muteko woolekela sana, nookupali, vano murwe voopeherya ntoko sinwery'anyu. Hiyo nintthuna opacerya, naanaanoru ewoora ya neethanu na xexe ni minuutu miloko miraru, ahiso kiireke, ewoora yanamuloko erumakaru. Nto khino enookhala, muupuwele, khino emosa wala emosa- . . . khino, wala ewoora yanamuloko ni piili, ewoora emosa ya makaaripi, etthu ntoko siiso, iwoora tthaaru ahiso xexe, wala soovikana, kaatthun'aka okuxa, ni okuxa Soolempwa paahi. Muruuhe elaapi anyu ni epaphelo, nto muruuhe tu. Yakhala yookoha, nyuwo mukohe—mukohe, moone, alakela hiyo nnoowerya otaphulela, nnimwiira ele enwery'ahu wira nookhaliheryeni.

<sup>19</sup> Vano nrowe nisome Soolempwa kamosa—kamosa, toko, vano. Kookhalana mapuro mararu mBibiliani, kaatthun'aka wira kisome. Nto noopacerya wa yaawo, mwaatthunaka olepa, ni mwaarine-ene elaapi, kintthun'aka ohimya, voosiis'ula, wa soosoma soohiyana-hiyana kaatthunaaka. . . ahiso Soolempwa soohiyana-hiyana, kiireke, kaatthun'aka ohimya. Yoopacerya enrowa okhala Pedru Oopacerya 5:8-10, aEfeso 6:10-17, ni Daniyeli 12:1-14. Vano, nisomaka, nikuxaka okathi ahu.

<sup>20</sup> Nto niireke atthu othene aakilaathi. Vano, vakhaani nlelo arimweemela, ottuli ni oloomoni. Masi ninrowa wiilipiha wira

nimalihe vowaakuvexa ntoko sinweryaney'aya ni wira noohiyeni mukhume, numala ninrowa waavekelela aretta.

<sup>21</sup> Ookhala mwaamuthiyana okilanthi va voosiis'ula, ohinreere owereiwa. Kinniiwa wira owo khaareere owereiwa, nsana. Ni miyo—miyo kaatthuna paahi wira owo aiwe, voosiis'ula, toko, kihinatthi omuvekelela. Ni koosuwela mukhalelo wa mwaamuthiyana ene yoowo. Ni owo khonreere owereiwa, masi hiyo nookhalana Tithi mmosa muulupale a Wirimu Yoowo otempe oxintta iretta sothene. Ni kookhalana ya—yaamukhaani. . .

<sup>22</sup> Koomuvekela Muhano Woods sinto aamusoma, masi owo—owo aari ntoko oohitthuna wi—wira siiso. Artiiku mmosa, vaavo tothoro mmosa aari-awe ootikinihiwa vekeekhai. Okathi, owo aari oowuulumela ovoniha wa Muluku ni khaatthuna hata omuhiya mutthu olavula yeeyo muskritooriyu mw'awe; ni nfurumeera awe, nave. Vano, yaahiiraneya wira, aahikhalana muretta aari mwaha wa kankuru, kankuru muulupale. Owo khaatthuna okhalana naata n'iyoyi, tivo owo khimuruma orowa eklinika ekina. Awo khiyaatthuna okhalana naata n'iyoyi iwe, tivo awo khimuruma ohokolowa. Vano awo. . . Oh, aari vanipeleni, ni aari mwa mukhalelo mmosa wowoopiha. Nto esapala yothene yaahikhuureya. Vano kankuru, owo aaronwe muhina munipeleni, mpakha mpararini. Kinoona wira nyuwo munnisuwela enihim'y'aka.

<sup>23</sup> Awo yaahimwiihana tothoro mwaamukhaani mpatthan'ihu onikhuma oNuruweeka okilanthi ni hiyo voosiis'ula.

<sup>24</sup> Vano owo khiruuha ikaruma sawe sothene soolikana-sene, maana aahimye wira owo aanisuwela wira—wira ole aatthuna wira omooperari akumihe nipele nene. Nto waari muteko w'oyeehi ephome yinci-ene. Nto—nto owo khikuxa maphuta awe othene, itthu sothene. Nfurumeera khimutthokiha muthiyana ene khimuruuha vasaala va operasawu, vano nto owo khutthika wira akuxe ikaruma wira. . . seiyo saarowa orumeeliwa ni tothoro ni mulipa—ookhaliherya, wira nikumihive-vo nipele. Nto siiso awo yaahikhalanasa ituwaya ni itthu siri-ene vale. Nto siiso awo khupaceryasa. . .

<sup>25</sup> Owo vapacenry'awe orukunuwa, aiy'awe yaatthuna osuwela sinto vaaniweryaneya okhala wookiseryani w'esaala wira elompe. Owo aari mulaleyi ooreera murima. Vano owo khukilaathi vale waattamela vamwettoni v'olili, olompaka. Vekeekhai, tothoro khaasiveliwe sana ni yeeyo, nyuwo moosuwela, owo okhala memme. Masi okhala wira owo khaarowa oweha, ni eyo khiyaarowa omuriipiha murima, vano, "Miyoyi kinoona wira vaahilikana; khaarowa—khaarowa otteetheya."

<sup>26</sup> Vano okilanthi-ene, avekelaka, khurwa etapaanyeyo musaala. Vano tothoro khurukunuwa wira orowe a. . . ni

ekaruma awe, wira opacerye okumiha nipele. Owo khuthamula murupa ti murupa. Khiwaakhanle hata murala vanipeleni; hata murala mmosa. Owo khwira, “Eno—eno...Owo onneetta?” Vano owo khupacerya...Nto nfulumeera khuhimya onamoona awe. Owanli aya arookhuma khurowa khukhala apentekosite, oosareya Eroho Yowarya, yaarumeelaka Apwiya. Hata murala mmosa tu!

<sup>27</sup> Tothoro Holbrook khuhimya, mwaneene, khwira, “Minuutu mmosa ottuli vale, aahikhala mu—muthiyana aammanthi vale, ni nfulumeera, ni kankuru muulupale othene aakhuma vanipeleni vawe. Nto munuutu mmosa ohoolo waya, khiwaakhanle hata murala vaavo eett’awe-vo.” Owo mmosa a matothoro ahu mameetiku oosuwelexa wAmerika nno. Owo khwira wira aahikupali naanaanoru vaavo. Nto owo, nlelo, owo aari tiyaakono mukereja. Munnona?

<sup>28</sup> Moone, athu anuupuwela wira ekereja etthu emosa nyuwo munrow’anyu-wo paahi, ni wira eyo ti, “Oh, nyuwo munoorowa-wo wira mwiiixutte okhala ooreera murima, ahiso etthu ntoko siiso.” Kahi yeeyo, mpatthani. Nnari. Muluku ti Muluku. Owo muulupale olelo ntoko Owo saari-awe, aatonko awe okhala. Ni Owo onookhala mmosaru okathi wothene. Ni owo ti...Hiyo ninnimphenta paahi.

<sup>29</sup> Vano, ninthuna nisome vano mwa Pedru Oopacerya, kapiitulu 5, eversiikulu 8 ni 10, voopacerya.

*Mwiisuumaalihe, . . . mwiipasoope; okhala wira nwanan’inyu xetwani, . . . kharamu onooa murukulu, onrukurerya, amphavelaka mutthu oomukhuura;*

*Mmukhootteke yoowo mulimpe-ene mo . . . waaminini, musuwelaka wira soohaawa simosaru sinnaaphwanya axinn’inyu ari elapo yothene.*

*Masi Muluku orina mahala othene, oniihanne mwaha w’ovuwa wawe woohimala mwa Yesu Kristu, numala ohaawa vakhaani, ooreeriheni, ookhomaaliheni, oolipiheni, ni ookhaliheryeni.*

<sup>30</sup> Muluku avuwihwiwe! Vano muLiivuruni mwa aEfeso. Naatthuna nikhunle va muLiivuruni mwa aEfeso, kapiitulu 6, ni kaatthuna nisome versiikulu 10 mpakha 17, kilempe aka.

*Vookiserya, axinn’aka, mwilipiheke mw’Apwiya, n’uwerya wa ikuru saya.*

*Nwareke ikaruma sothene sa Muluku, wira nwereke wiilipihwa mwaawanaka n’ulavilavi wa xetwani.*

*Siiso hiyo khaninwana n’erutthu n’iphome, masi ninwana ni makhulupale, ni ikuru, n’alipa anlamulela olumwenku—olumwenku ula wa mw’epiphini, ninwana ni irooho sootakhala siri osulu.*

*Tivo, nware mwa nyuwo ikaruma sothene sa Muluku, wira nwereye ovilela nihiku nootakhala, . . . numala wira itthu sothene, mukhale oohittikinyeya.*

*Tivo mukhaleke oolikaneene, mwiitthukele muyuununi ekhulula ni ekeekhai, . . . nwanreene vatthirima nikula n'ekhotto na exariya;*

*Ni inawu sanyu nware ixapattho ni wiilikanyiha olaleya ehapari yooreera ya murettele;*

*Mwa itthu sothene, . . . nikula noowiisakaha-no ori waamini, nenlo mukhanl'anyu oowerya ottipiha matthere othene a mooro wa mutakhali.*

*Ni nware ekapaseeti ya woopola, ni xoowa a Erooho, yaawo ari masu a Muluku:*

<sup>31</sup> Vano muLiivuruni mwa Daniyeli, kaatthuna kisome voovikana tho. Vano, Daniyeli kapiitulu 12. Kintthuna opacerya 1, kisome ni—nipuro noorakama wa yeela, iversiikulu muloko ni xexe.

*Vano mahiku awo . . . Onookhumelela Mikhayeli, mukhulupale oomalela yoowo onaakhapelela aana a nloko nanyu: nto anoookhumelela . . . mahiku oovelavela, ahinatoko okhumelela okhuma wopaceryani w'elapo hata mpakha mahiku yaawo: nto mahiku awo atthu a nloko nanyu animoopowa, othene anrowa ophwanyiwa elempwe-ene muliivuruni.*

*Vano anci-ene a ale anrupa mmahiye elapo ya vathi anoovenya, nto akina anoophwanya ekumi ehinimala, . . . akina anoophwanya wuuliwa muru n'utakhaliwa ohinimala.*

*Vano atthu a ankhili animwaarya ntoko waarya wa wirimu; ni ale anaarukunxela—anaarukunxela anci-ene mwa exariya ntoko ittheneeri mahiku othene.*

*Vano nyuwo, O Daniyeli, mutthuke—mutthuke e . . . eliivuru ila, mpakha mahiku ookiserya: anci-ene anootthimaka nno ni nno, ni osuwela onimuncerereya.*

*Vano miyo Daniyeli kiira kiwehaka, nto, khuwoona, yaahikhala akina anli, . . . mmosa ekhopela ela nno okerekhere wa muro, nto mukina oki . . . ekhopela ele iwe ya muro.*

*Vano mmosa khumwiirela mulopwan'ole aawanre ikuwo s'eliinyu, yoowo eemenle vasulu va maasi a mur'owo, Onrowa okhala liini emalelo wa itthu iya saari . . . sootikiniha?*

*Vano kaahimwiiwa mulopwana aawanre ikuwo s'eliinyu, yoowo aari vasulu va maasi a muro, okathi ovenxal'jawe ntata nawe noolopwana ni ntata*

*nawe noothiyana ateexeryaka wirimu, khimulaphela ole onkhala mahiku othene wira onrowa okhala okathi mmosa, okathi, nuusu; vano okathi owo ommaliheryawe omwaramwarya oweriya w'atthu ooreera murima, . . . itthu uya sinoomaliheriwa.*

<sup>32</sup> Kookupali wira kimmalela vaava va. Kintthuna kikuxe yoosoma, vaakhanle wira yaamwiihaniwa yoosoma vaavo, mwa yeeyo, wira kikumihe-vo emaliheryo ela ya: *Ekhotto Yuulupalexa Yaatonko Owaniwa*. Ti yeeyo entthun'aka orumeela ntoko yoosoma.

<sup>33</sup> Vano, moota onirwaaka ophwanya yeela wa yoosoma voosiis'ula: Hiyo nnoomalaru otthika; maatiministaratore aili, vakereja va, ni yoomi, naari wArizona. Ni hiyo naaronwe, vekeekhai, okhalana muthukumano oPhoenix, ni Munna Sharrit, mutapernakulu mw'awe. Masi vasuwenly'aka wira munna mmosa aari mpooma, okhalanaka miteko s'okokhorela muheemani, ahe, vano miyo kaahoona ntoko oohitthuna vakhaani okhalana muthukumano. Miyo khuupuwela wira khino kaamukhalana Ttiminku oxekuwa, wira ohikhale hata mutthu aarowa ohaaxeya mukereja mw'aya. Masi, khusuwela, wira owo aahikhalana miteko sa Ttiminku oxekuwa, nave. Nto miyo kaari o—oovelavela vakhaani wa okhalana muteko owo.

<sup>34</sup> Nto vano hiyo axinna, ohiya orowa nihiku nothene, okhala wira hiyo naarookhuma nixayaka, naaronwe opooma, khurowa khwiilikanyiha, nto khurowa omittekoni s'okokhorela sa Munna Allen. Munna A. A. Allen aarina miteko s'okokhorela. Vano hiyo khurowa omittekoni, vano Munna Allen khulaleerya ehapari wooreera ya ikuru. Hiyo naahikhalana o—okathi, okathi wooreera, nimwiiwaka Munna Allen, niwiiwaka a—alipa oowiipa, ni sikina, moota awo yiip'aya, ni onyakula, nto waahikhala muteko muulupale.

<sup>35</sup> Nto hiyo naahoona, mukwaha wothene, ntata n'Apwiya. Mapuro othene waarow'ahu, Apwiya Yesu yaanikumana ni hiyo. Ni yookhala etthu wa okhala ota mmansinyu, ota mothakoni. Yookhala etthu wa yeeyo, wira nyuwo mwaatonko ene okhala meekh'inyu siiso, yookhala etthu enookhanyereryani. Iwo ti, woona waka, mwaha wa yeeyo miyo enikisivelel'aya mapuro ale oota. Nyuwo munoorakamela ikuru sa nwanani, vanci-ene ntoko sirin'ahu va.

<sup>36</sup> Xetwani ori ntoko oohiira sootakhala woohikhala wira onookhalana etthu y'ovara-mo muteko. Owo orina. . . Nyuwo munnwuupuwela axetwani ale yaakumihiwe mwa Muttiithi? Awo yaarinasa. . . awo antthuna wiirexa sootakhala, mpakha yatthunne aya okela mukuluweni. Vano, axetwani ahaana okhalana etthu wira evare-mo muteko, mutthu wira evare muteko mwa yoowo.



<sup>37</sup> Ni ti siiso Muluku oniiraawe, nave. Owo ohaana okhalana hiyo. Owo onnitthuna hiyo, wira ovareke muteko mwa hiyo.

<sup>38</sup> Nto anci-ene yaahirwa okathi wentte ahu mukwaha, ni soloha. Nto Apwiya Yesu khanavonyeke masi yaahitaphulela voolikane-ene, nave khukhala siiso tu, vekeekhai voolikane-ene siiso.

<sup>39</sup> Ni Awo yaahinireerela murima, oneettiherya wooxayani ni onileela vatthu vaaryaaya. Nto, nyuwo moosuwela, okhala siisaale saale, ti yooreera tu. Okhala siisaale, ohiyu, waattamela vamooroni wa mmaxaaxani, ottai w'atthu othene, imilya ni imilya ni imilya sene, ni oweha mo—mooro onaarya wa mmaxaaxani mukerekhere wa mwala. Nto, oh, yaari yowinnuwexa!

<sup>40</sup> Munna mmosa weiwo, aakhalana mulattu n'amwaar'awe, aarina...Miyaakha sivinre, awo yaarooventxa muru aya vamuathukumanoni, vaavo kaarin'aka muteko. Nto miyo khwaavekela wira ekhale ni miru saya soowuurama; yaahikhala erooho yootakhala yahaatthuna omuhiya mu—muthiyana mmosa, vaplataforma. Nto muhan'owo, oohittittimiha paahi, khuvenxa muru awe khula enamuna. Nto erooho eyo khimuhiya muthiyan'ole, vaplataforma, vano khimuwrowela yoowo. Nto eyo yiireiye miyaakha soophiyaka muloko ni mixexe, vano muhan'owo onikhala mukhalelo wooxankiha; vanci-ene, hata voothokelela, mpakha owo onniira itthu sihikhanle hata sooloka. Mwa ethoonyeryo, khwaahiya aiy'awe, khurowa khutheliwa ni mulopwana mukina okhalaka n'aiy'awe; onahimya wira owo khaasuwelela wira ohiira yeeyo. Nto awo—awo khweererya omuthokosa mwaha wa yeela...Exeeni ile nyuwo muniihan'anyu ele, okathi nyuwo...Eliyalelo? Eyo...Wulu, enakhaleru ti nsina naya. Kinoona wira ti siiso, tothoro. Masi khiyaari yeeyo. Yaari eroohoo. Nto awawe... Nto muhan'owo aari mpatthani aka ooreera murima. Masi okhuma ohiyu yoowo, mpakha ohoolo, owo aanikinyokha mwayiini. Vekeekhai, munoowerya woona yaari mwaha wa xeeni.

<sup>41</sup> Masi nto okathi aiy'awe arwiiy'aya, vano hiyo khukokhura mpaani wira nivekele, vano Eroho Yowarya khikhuruwa. Yaari yeeyo. Nto Eyo khwaarweela aiy'awe ohiy'ule, molohani. Awo khutthika ni yooloha, awo yona wira waari othweela. Khurwa khuphwanya wira, waari ti waakhuliwa w'ovonihiwa amwaar'awe. Moota Eroho Yowarya yaavanry'aya muteko!

<sup>42</sup> Nirowaka oTucson, ni Munna Norman n'akina, nto weiwe Apwiya khupacerya ovara-tho muteko ni itthu suulupale, sa ikuru ni wuupulula itthu.

<sup>43</sup> Ohiyu umosa, etthu ekiphiihenrye emaliheryo ela va, miyo kaarimweemela ni Munna Wood ni Munna Sothmann. Nto hiyo naari...Yaari okathi woophiyaka ewoora yanamuloko ohiyu, vano miyo kaaweha osulu, vano othamala wuulupale

khukirweela. Nto miyo khwira, “Nwehe paahi! Muttitthi ule wothene, muulupale wa wirimu!” Nto miyo khwira, “Itthu sothene siri soowiiraana voolikane-ene.”

<sup>44</sup> Vano Munna Wood khwira, “Owehaka ittheneeri piili sahaareere waattamana, wira, saakhaliha wooneya ntoko muthuko.”

<sup>45</sup> Miyo khwira, “Masi, moosuwela, Munna Wood, voomutthariha siensiya, Mmulokoni wa ittheneeri mme, Muloko wa ittheneeri mukhaani, Muloko wa ittheneeri muulupale, ittheneeri iye khasinooneya wira soorakamelana voovikana ipolekaata piili [5.08 cm]; nave iye siri soorakamelana emosa ni ekhw’aya ovikana sirakamenly’ahu hiyo. Vano vaakhanle wira saamupacerya omorela vathi va, saamukuxa, imiilya ikonto sene khula ewoora, saamukuxa miyaakha imiya imiya sene wira iye siphaye elapo ya vathi.” Ni miyo khwira, “Mwa mukhalelo ola wothene, wowunnuwa muulupale va, nto nlelo nniimeeriwa wira ale anoona n’illumeta, anniwerya woona miyaakha imilyawu emiya ni miloko miili sa waarya okathi, weiwe; ni nlelo sookhala miyeeri ni ittheneeri. Nave—nave, nlelo, Muluku oropaka khula emosa wa seiyo. Ni Owo onkhala eriyari aya.”

<sup>46</sup> Nto miyo khwira, “Nipuro nlo mme, kaahiithoonyiherya miyo, em meta emosa munweheryoni, sotiiyako; opaceryaka ni Harusi, orwaaka oviraka mpakha Okathi wa Kanseri, ekhuruwaka erwaaka mpakha ookiserya aari kharamu, Leo kharamu. Orwa woopacerya wa Kristu, mwa harus; orwa wa neili, mwa Kharamu a nloko na Yuta.” Nto miyo khwira, “Miyo kihilipiha vooverya waka wira kimoone sotiiyako ule, vano nkinwerya omoona. Masi, nlelo, owo ori weiwe. Ale yiixunte, annisuwela wira ori weiwe. Yobi aahimoona. Atthu yaaninwehaka. Aari Bibiliaa, nihiku nlo. Masi mwa muxov’ole muulupale wa imilyawu ni ipilyawu sa—sa aanuxi—luxi, Muluku onikilaathi eriyari aya yothene eyo, ni Owo oniweha vathi. Paulo ori memme. Ame aka ari memme, nipuro nlo, ewehaka vathi.”

<sup>47</sup> Nto miyo kaahuupuwela ethathaanelo ya muttitthi ule wa wirimu, khiyaavo hata emosa ehikhanle nipuro naya. Khula emosa enikhala n’ukathi aya, voolikane-ene. Anakhotto aalupale a Muluku! Miyo kaahiwuupuwela anatoropa; wira vaakhanle wira yaamwiiraneya mweeri ule okhuma mphironi, elapo yaamukhuneeliwa-tho ni maasi, muhina mwa minuutu vakhaani paahi. Elapo yaamukhala siisaale ntoko yaaryaaya okathi Muluku uupuwelenyaawe orumeela, wira anikhalane hiyo va mwa yeeyo. “Yaari yoohilikana, ni khiyaakhanle etthu, vano epipi, ni maasi yaarookhuneela elapo.” Vano vaakhanle wira mweeri ule waamukhalakhala weettaka, yaamwiira-tho etthu emosaru. Okathi mweeri onihakhinyey’aya vakhaani orakamelaka elapo, eyaavula enoosarya. Okathi onrow’aya vathi, onthara eyaavula paahi. Owo muttitthi muulupale

w'anakhotto wa Muluku. Nto okathi kuupuwel'aka mwaha wa . . . ole okhala muttitthi w'anakhotto a Muluku iwe . . .

<sup>48</sup> Vano, hiyo khurowa orupa. Vano nto miyo khupacerya wuupuwela wira khiyaavo hata emosa wa seiye sinkhuma vooপুরoni vaya. Iye sothene sinkhala vooপুরoni vaya. Nto yakhala eneetta, nipuro pi nipuro, wa seiyo, nookhala niwoko, nto enoophwanya elapo ela. Hiyo vekeekhai ninnoona ikhumelelo saya vano, wa kamosa-kamosa wa seiyo saakhumaka mapuro aya makina. Ennireerela. Eyo enniphiererya itthu sothene.

<sup>49</sup> Nto miyo kaahuupuwela, nto, vakhala wira muttitthi ule muulupale wa wirimu, ntoko ole, ohaana okhala vooপুরoni vaya, wira okhalihe itthu sothene soolikana, ankhil epurumapuruma ya muttitthi w'elapo ya vathi? Moota, emosa yakhumela ota wa nlamulo, moota eyo enikelih'aya etthu yothe ne ota w'ovaheriwa waya! Mutthokiheryo wothene wa Muluku onoononeya akhalaru mmpuru mmosa onikhumela ota wa nlamulo. Hiyo naahaana wiilipiha voohiyererya wira nisukeke nlamulo na Eroho.

<sup>50</sup> Nto miyo kaanithuna, wa Muluku, voosiis'ula, wira hiyo niruuehele ela mpakha muteko w'ovoniha w'ekeekhai, wira hiyo niwerye osuka epantte ela . . . nikhuru hiyo nithukumann'ahu vathi vanipatho nla voosiis'ula, mwa wiiwanana nno, wira Eroho Yowarya emukhalihe khula mutthu a Erutthu, ori va voosiis'ula, mwa wiiwanana omosa, mpakha waarow'aya okhala ovonihiwa vookhweya wa munepa ni erutthu, vakhalaru wira hiyo nnoovarela opuro ahu.

<sup>51</sup> Vano, ntoko sihimmy'aka wopaceryani, muhan'ola aarina kankuru yoowo Tothoro Holbrook aamuku . . . aarow'awe omukumiha. Vano, Muluku yoowo aaruhenle onyakula iwe w'etapaanyeyo okela muklinika mme, ni khimukumiha kankuru ule ohihin'ye hata murla, khamunsuwela wira Muluku ene yoowo ori vaava? [Muthukumano onira, "Amen."—Mol.] Nto etthu emosa paahi Owo onweherery'awe, ti wira Wawawe—muttitthi Awe okhale nipuro naya, ntoko ittheneeri, okhala nipuro naya.

<sup>52</sup> Vano, nyuwo moosuwela wira, naahikhalana ikhotto ikhotto sene, ni oruma wa ikhotto? Yiiraru ekhanle-ene elapo, nnookhalana ikhotto sinci-ene sikina. Masi nyuwo munisuwela wira vekeekhai siri ikuru piili molumwenkuni mothene? Wa ivirikanelo sahu sothene variyari va ilapo, ni ivirikanelo mmosa ni mukhw'awe, ni itthu sothene, sothene simmalela mwa ikuru piili. Siri ikuru piili paahi, ni ori omwene miili paahi; ikuru piili, ni omwene miili. Sothene sikina, itthu iye sikhaani-sikhaani, simphitaana ni emosa emosa wa ikuro seiyo. Nto ikuru iyo ti ikuru sa Muluku ni ikuru sa Satana. Ti yeeyo eni . . . Khula ekhotto, khula epurumapuruma, itthu sothene sinkhumelela,

sineettiheriwa ni ikuru sa Muluku wala ikuru sa Satana, 'okhala wira iyo ti ikuru piili paahi sikhhanle. Ni iyo ti ikuru sa ekumi ni ikuru sa mookhwaani. Vano, iyo ti sikhhanle ikuru piili paahi.

<sup>53</sup> Vano Satana onwerya paahi. . . Ikuru sawe, owo orin'awe, ikuru sa Muluku sohononiwa. Khasihiyo ikuru s'ekeekhai. Eyo ohononiwa wa ikuru sa Muluku, itthu sothene Satana orin'awe. Okhwa ti ohononiwa w'ekumi paahi. Wootha ekeekhai paahi yooihimmwa sana. Munnona? Oraruwa ti e—eyiirelo yoohirumeeliwa sana, eyiirelo y'ekeekhai yoohirumeeliwa sana. Munnona? Itthu sothene Satana orin'awe etthu emosa ehononiwe, masi eyo ekuruu.

<sup>54</sup> Nto hiyo nri, olelo, ookilaathi va, nto emosa—emosa wa ikuru iyo enoorowa oneettiherya. Vano nrowe noomole ele yootakhala. Nrowe nikuxe opuro ahu ntoko ittheneeri sa wirimu.

<sup>55</sup> Ntoko Bibilia sinihimy'awe, "Ittheneeri sithweelenle," muLiivuruni mwa Yuta, "sinkumiha nipheru wa soonanara saya so wuuliha muru." Vano hiyo khaninthuna okhala ittheneeri sithweelenle; kiireke *ela* ti y'ekeekhai, kiireke *ele* ti y'ekeekhai, kiireke eyo *enimwiiraneya*, kiireke khino. . . vaaniweryaneya okhala yeeyo. Muhithweelele. Mukhale ntoko ittheneeri iye sa wirimu, ntoko nakhotto eekeekhai ori voopuroni vawe wa muteko. Mukhale vaavo, mwaaminiki! Ekumi ni okhwa.

<sup>56</sup> Vano, muttitthi w'anakhotto, okathi vekeekhai muttitthi w'anakhotto, elapo emosa yaaitthokihaka wira erowe otuphela elapo ekina, yaahaana toko okilaathi n'utthokelela exeeni eri yooreera ni yootakhala, ni wira sinto awo anoowerya orowa otuphela elapo ekina wala nnari. Yesu ohiixuttitha yeeyo. Vano vaakhanle wira atthu yaaniira yeeyo, vaakhanle wira ilapo saani—saanikilaathi, ni weemela ni wuupuwelela itthu seiyo, ipantte soopiili, khinaarowa okhalana-tho ekhotto.

<sup>57</sup> Vano, hiyo ninnoona wira, mutthu aahiire yeeyo, vakhala wira akhulupale a anakhotto a elapo khanikilaathi, toko, ni otthokelela ni wona sinto ari sana, ni mawoko aya ni soothuneya saya ti sooloka, ni wira sinto aakhalana owerya ni ikuru wira exintte muttitthi w'anakhotto mukina, nto awo vekeekhai anooxinttiwa.

<sup>58</sup> Ti vaavo Mukhulupale Custer vaavonny'awe vookhwa-vo. Mukhulupale Custer, ntoko siniw'aka, aahirummwa ni kuveerunu, wira ahirowe mpakha muttethe wa aSiyu, okhala wira waari okathi w'otthapela etiini wa yaawo. Waari okathi w'okokhorela. Awo yaarinasa niira. Masi Custer khuhapaliwa, nto owo uupuwela wira aamurowa tu iire siiso khula enamuna. Wira owo aamulapuwela, hata waari orummwa wala ohirummwa. Vano nto awo khuwoopelasa atthu yahaatthenke, khuwoopelasa. Kinoona wira awo yaarimwaamana amosa-amosa a yaawo. Yaari maxikuteero, yaakhumme, ephavelasaka yolya, wira yaavahe awaya—atthu

aya okathi yir'aya ekokhorelaka. Nto Custer, olapuwaka, khuwoona, nto uupuwela wira awo yaarimwaavirela, nto siiso awo khuwoopela maxikuteero ale. Vano maxikuteero ala khutthyawasa, khutthika. Awo yiiranse exeeni? Awo khwiitthokihasa n'ikapwitthi, vano awo khurwaasa. Vano eyo yaari emalelo ya Mukhulupale Custer, okhala wira khaakilaanthi khuupuwela, toko.

<sup>59</sup> Owo khaarina hata muteko iwe. Owo khaarina ehaakhi y'okhala iwe. Owo aahiwoomola aHinti okhuma Olimani Onkhuma nsuwa, khwaaroiha mpakha Onkela nsuwa, khula enamuna. Vano awo yaahikhalana mwiiwanano, masi owo khuhonona mwiiwanano ene. Vano vahononne awe mwiiwanano owo, vano owo khuxinttiwa ekhotto.

<sup>60</sup> Nto siiso muttitthi w'anakhotto, toko, wiitthokihaka wira orowe okhottoni, yoopacerya ehaana okhala ethanlelo, anatoropa amosa-amosa. Awo ahaana olikanyihiwa wira yawane. Awo ahaana oxuttihiwa wira yawane.

<sup>61</sup> Ni miyo kookupali wira ekhotto yuulupalexa yaatonko owaniwa, ti yoolikana vano wira epacerye wiiraneya. Miyo kinnaamini wira Muluku onnaathanla anakhotto Awe. Kinnaamini wira Owo onimwaalikanyihya yaawo, onimwaaxuttiha yaawo. Ni ohoolela w'ekhotto wookhalihya vano, wiilikanyihaka wira epacerye.

<sup>62</sup> Ekhotto ela, yuulupale yoopacerya yaatonko owaniwa, yaapacerye Wirimu, okathi Mikhayeli ni Malaikha Awe yaawanne aya ni Lucifere ni malaikha awe. Eyo yaapacerye toko, ekhotto yoopacerya waari Wirimu. Vano, etampi khepacerye vathi, eyo epacerye Wirimu.

<sup>63</sup> Vano nto khurihiwa okhuma Wirimu, khoomoliwa Wirimu, khurwa elapo ya vathi, nto khwaamorela atthu. Nto ekhotto, ya malaikha, khukhala ikhotto s'atthu. Nto Satana khurwa wira ohonone soopattuxiwa sa Muluku, seiyo Muluku aapatunxe awe wira sikhale Sawawe yoowo. Owo aarina, Satana, khurwa wira ahonone yeela. Eyo ti yaari etthu aathun'awe, waari ohonona yeeyo. Vano ekhotto khupacerya vathi va, nto khupacerya mwa hiyo, vano ennimwaramwareya okhuma vaavo.

<sup>64</sup> Vano, khula ekhotto ehinatthi opacerihiwa, nihaana toko othanliwa nipuro n'okumana-vo, wala nipuro ninthuna owaniwa-vo ekhotto ene, nipuro noothanliwa.

<sup>65</sup> Ekhotto Yoopacerya ya Mulaponi, yaahikhalihya siiso, muttetthe ni mapuro oohikhala mwaneene memmo waawaniwamo. Ni awo ahaana okhala mapuro oothanliwa.

<sup>66</sup> Ntoko okathi Isarayeli aaronw'awe owana ni aFilisti, waahikhala mwa—mwa—mwaako mmosa khula epantte awo yaathukuman'aya-wo. Ni ti vaavo Koliyathi aakhumme awe khuwiihana anakhotto a Isarayeli. Ti vaavo David aamukumananne awe, veekhatoni, okathi aalapunw'awe muro

mwaamukhaani waavira eriyari ya miyaako miili, owo khuttotta maluku.

<sup>67</sup> Naahaana okhala nipuro noothanliwa. Nto mwa yeela, nookhala ni—nipuwa n'atthu oowanli, muttethe woohikhala ni mwaneene, vano awo anwana *vaava* nipuro nenla. Awo khaniira paahi, mmosa owana *nno*, nto mukina *nno*, ni mukina otthyawela *nno*. Nookhala nipuro n'ekhotto vaavo atthu ankuman'aya ni ophima ikuru saya, vaavo khula muttitthi w'anakhotto omphim'aya owerya waya ovirikanyaka muttitthi mukina w'anakhotto, nipuro n'okumana-vo atthu oowanli. Vano, muhi (mwiiwe) muhialelele ela.

<sup>68</sup> Okathi ekhotto ela yuulupale epacenry'aya elapo ya vathi, naahaana okhala nipuro n'okumana-vo n'atthu oowanli. Naahaana okhala nipuro noothanliwa wira ekhotto epacerye, ni wira ekhotto emwaramwareye n'uwali. Nto mapuro awo eekhotto yaapacenrye mmuupuweloni mwa mutthu. Ti memmo ekhotto empacery'aya-mo. Muupuwelo wa mutthu t'othanliwe wira okhale nipuro n'ekhotto, memmo yaapacenry'aya, nto okhala wira itthunelo sinipakiwa okhuma mmuupuweloni, muru. Vano, awo khanapaceryeke mmutthenkesoni. Awo khanapacereke okhuma etthu ya erutthu. Mapuwa ene khanapaceryeke memmo. Tivo, mutthenkeso owo khunkhalakhala, nnakhala ovaraka muteko wa Muluku, okhala wira mapuwa eekhotto, memmo murin'anyu ookumana ni nwanan'inyu, ti mmuupuweloni. Nyuwo muhaana othanla. Enoorweelani nyuwo.

<sup>69</sup> Kintthuna wira mwaaruusi ula va, ohinreere owereiwa, awiriyane ela sana vano, oratta-enexa.

<sup>70</sup> Itthunelo siniiriwa mmuupuweloni, muru. Ti memmo Satana onoophwany'aweni, ni itthunelo ti siry'aya-mo, okhala wira Muluku ompanke siiso mutthu.

<sup>71</sup> Vano, kihaana (vakhala wira mwaaweha yoolepa aka va) maapha makhaani yaapakiwe. Kaahikhalana yaawo va kahi khalayi, va...kaarumeel'aka vakwaaturu. Mutthu opakiwe voolikane-ene ntoko enuku y'etriku. Eyo epyoo. Vano mutthu ti epyo. Mw'erutthu, nyuwo mwa epyo y'atith'inyu n'ame anyu; vano ekumi enikhuma mw'atithi, ethayi enikhuma wa maama. Vano, soopiili, vamosa, nooce ni e—ephome, sinootakanxana. Nto mw'erukurukuni mw'ephome eri ekumi. Ni memmo t'enipacery'aya-mo, wunnuwa, emupakaka mwa—mwaana. Vano, khula epyo yookhalana nikatamphe ota waya; muhina muri ethayi; nto muhina mw'ethayi ti muri erukuruku y'ekumi. Ahe, ti siiso hiyo onipakiw'ahu. Hiyo na erutthuu, munepa, ni erooho. Ota, erutthu, nikatamphe; muhina mwaya, ankhili ni sikina, ti munepa; nto muhina mwa munepa, eri erooho. Nto erooho t'enruma sothene.

<sup>72</sup> Vano, nyuwo mwakilaathi mwaphiya owaani, nto mukweretha mattheke awo mararu. Munimoona wira erutthu y'ota erina miyoonelo mithanu sinikwanyywaaya-no, nto eyo ti woona, olawiha, waapapela, woona wunkha, wiiwa. Iyo ti miyoonelo mithanu sineettiherya erutthu ya mutthu.

<sup>73</sup> Muhina mw'erutthu ori munepa, nto munep'owo oneettiheriwa ni otthokelela, ankhili, wuupuwela, othokorerya, ni osiveliwa. Eyo t'itthu eneettiherya munepa.

<sup>74</sup> Masi, erooho, erina moonelo mmosa paahi. Erooho... Oh, nrowe niwe eyo. Erooho erina moonelo mmosa, nto moonelo owo t'ula, onruma eyo, onikhala waaminii ahiso ohoverya. Ti yeeyo tu. Ni eri ephiro emosa paahi emphiya vaavo, owo otthuna w'otaphuwa. Nyuwo munoowerya okupali ohoverya ahiso munoowerya okupali waamini, khula emosa nyuwo enthun'anyu orumeela. Tivo, Satana aapacenrye epantte yuulupalexa, wiiriha erooho ya mutthu ohoverya Masu a Muluku. Muluku aapacenrye epantte yuulupalexa, okeliha Masu Awe muroohonni mmo. Eyo eri vo. Ti yeeyo eniira.

<sup>75</sup> Vaakhanle wira ekerej'ela, naanaano va yaaniwerya otakanxiwa vamosa, opathana ni yeeyo wira khula mutthu okhale ni murima mmosa, woohihoverya hata vakhaani hata nipuro, khaarowa okhala hata mutthu ootteettheya eriyari ahu, mwa minuutu mithanu mikina. Khaarowa okhala hata mutthu va otthunaka Eroho Yowarya khuhaakhela Yeeyo, vaakhanle wira mwaamuwerya paahi olakiherya etthu ile. Vano, ti vaavo ekhotto enipacery'aya, mmuupuweloni mwanyu mwene, sinto munimwiira.

<sup>76</sup> Vano muupuwele, ola kohiyo Siensiya a oKristu, vano, muupuwelo onxintta etthu. Eyo kherina... Muupuwelo onikupali Ekumi, yaawo ari Masu a Muluku, ni vaavo aniruuha Ekumii. Ankhili anyu paahi khaniira. Masi, Masu a Muluku, aniruuhiwa mmukotini w'ankhili anyu. Munnona? Kahi ankhili, ntoko Siensiya a oKristu onwery'awe, muupuwelo onxintta etthu. Nnari. Kahi yeeyo.

<sup>77</sup> Masi, muupuwelo anyu t'onikupali Iyo. Owo t'onikaphula Eyo. Muupuwelo anyu oneettihiwa n'ixeeni? Erooho anyu. Vano erooho anyu enivara Masu a Muluku, nto eyo t'itthu erina Ekumi mwa Yeeyo. Awo aniruuha Ekumi mwa nyuwo. Oh, munna! Okathi eniiraney'aya yeeyo, okathi Ekumi enirw'aya mpakha mukoti ule, ekelaka mwa nyuwo, Masu a Muluku animooniherya mwa nyuwo. "Nyuwo mwakhala mwa Miyo, nave Masu Aka yakhala mwa nyuwo, vano nvekeleke etthu enthun'anyu nto munoovahiwa."

<sup>78</sup> Vano eyo eniira exeeni? Okhuma eriyari ya murima, yoowo okhanle munepa, okhuma vaavo enoorowa, elyihaka khula mukoti. Mulattu aya okhala wira, hiyo nniphwanyaneya *mu* n'uhoverya wunci-ene, nitthunaka okupali ele eri ota *iwo*.

Nyuwo muhaana weemexa eyo; nto murwe mmukotini memmo ni Masu a Muluku eekeekhai, nto vo enookhuma, mmansaya, voohikhanyererya. T'ile eri muhina. Eyo t'itthu entthuneya, ti muhina.

Waattama wa Satana onikhuma muhina.

<sup>79</sup> Vano, nyuwo muniira, “Miyo nkiniya. Nkinwurya. Nkiniira itthu iya.” Eyo kherina naata n'iyoy.

<sup>80</sup> Moone, eyo ti muhina. Hata wira mureenre murima sai, hata mulakeiye sai, hata munroromeleya sai, itthu iyo sinnittittimihiwa. Masi Yesu ohimmye wira, “Woohikhala wira mutthu oniyariwa-tho vasya.” Munnona? Ehaana okhala etthu eniireya muhina. Mwaahikhale, eyo enikhala wiikhuneela woopakiwa, maana muhina mmurimani mwanu munnitthuna wira eyo khula enamuna. Ehikhaleke yootakihiwa. Ehaana okhala y'eekeekhai.

<sup>81</sup> Nto eri ephiro emosa paahi enweryaney'aya orwa-wo, nto eyo enikhala n'inamuna y'otthuna w'otaphuwa, enoorwa mpakha mmunepani, mwa ankhili anyu. “Ntoko mutthu sinuupuwel'awe mmurimani mwawe, siiso t'onikhal'awe.” “Nyuwo mwiirela mwaak'ola, 'Othaame-vo,' muhihoveryaka mmurimani mwanu, masi mwaaminiki wira ehimmy'anyu enimwiiraneya, munimwaakhela ele ehimaly'anyu.” Munniwa? [Muthukumano onira, “Amen.”—Mol.] Eyo eri vo. Munnona? Vo t'ari mapuro oowaniwa-vo ekhotto. Vaakhanle wira mwaampacerya paahi, toko.

<sup>82</sup> Hiyo nnikhala ootthunexa woona itthu siiriwe-ene. Hiyo nnikhala ootthunexa omwiirela etthu Muluku. Mwaamuthiyan'ola kahi o...ootthunexa, vekeekhai, ootthunexa okhala mukumi. Owo onnitthuna okhala mukumi. Akina ari va, annitthuna okhala akumi. Nto hiyo naaiwaka mwah'owo, ntoko tothoro, ohihimuwa w'alipa-okhwa, itthu suulupale sa ikuru Muluku ahu oniiraawe, vano hiyo nnikhala ootthunexa. Vano etthu aya t'ila, hiyo ninthuna ophwanya ni miyoonelo iya, okaphula etthu va, ntoko ankhili.

<sup>83</sup> Aththu anci-ene, imaara sinci-ene, annitaphulela Masu voohiloka. Nto miyo kinnikhalaka oohiiwiwa sana mwa yeela, mwaha wo wiihanaka waltari. Miyo kiirale, “Miyo nkaakhaliheryaxa wiihana waltari,” kihihimyaka wira nyuwo khimwaakhanle owiihanaka waltari.

<sup>84</sup> Masi mutthu onoomuvara mutthu moonoo, wira, “Oh, Munna John, moosuwela? Miyo ni nyuwo nihaattamana okathi ula wothene. Murwe nno waltari, mukokhore.” Owo oniirani? Kaanitthuna kikhalanne-ene ekwaaturu yooriipa va, kaamuwerya owoonihani etthu owo oniir'awe. Owo oneererya ovara muteko ni munepa awe, mwa isiveleliwo. Eyo khenivara etthu. Eyo kehiyo t'ephiro. Vekeekhai, kehiyo.



85 Khino owo onvara mwa (exeeni?) muupuxeryo, ni moonelo wa munep'awe. "Oh, Munna John, mwaahikhalana ame anyu ooreera murima. Awo akhwiiye khalayi." Muupuwxeryo! Munnona? Muhiireke siiso.

86 Eyo ehaana orwa ettharihaka otthuna wootaphuwa. Nyuwo, mmansinyu, muhiye Masu a Muluku. . .Nyuwo khamunrwa mwaha wo wira ame anyu yaari muthiyana ooreera murima. Nyuwo khamunrwa mwaha wo wira mwa namaitthoko ooreera murima. Nyuwo murwa okhala wira Muluku t'oniwiihanani wira murwe, nto nyuwo munoomukupali muttharihaka Masu Awe. Masu awo t'anihimya itthu sothene. Masu awo! Nyuwo mwaaweryaka okumiha-mo itthu sothene mphironi, ankhili othene, miyoonelo sothene, ni ohiya Masu paahi okela, Masu awo anookumiherya voolikane-ene.

87 Va, munnoona etthu Awo akhuneelaniw'aya? Nyuwo muniira, "Ahe, vano," nyuwo muniira, "ahe, ankhili ni miyoonelo, iya, ni sikina, khasirina naata n'iyoy, Munna Branham?" Vekeekhai, sihaana. Masi mwahiyaru Masu okela, ni okhuneela Awo ni ankhili, nto Awo khaninnuwa; anookhala masu ootepanyeya.

88 Nyuwo mootoko woona enuku ya nakhuwo yooloka yo waaliwa vatthayani, khuhiya ekopo omorela vasulu vaya? Eyo eninnuwa ekhutupunwe-ene. Khula mwiri, etthu p'itthu eninnuwa erowaka osulu, enimwiira siiso, okhala wira yookhala etthu ekhoottihenrye.

89 Ahe, owo t'uri mulattu ni Waamini wahu wa pentekosite olelo. Hiyo nnoohiya itthu sinci-enexa okhoottiherya Owo, Waamini oniixutthiw'ahu, Eroho Yowarya enikhalaka mwa hiyo. Hiyo nnoohiya itthu sinci-enexa, nimuwehaka mutthu mukina.

90 Vano xetwani okathi wothene oneererya woothoonyeryani ovonya wa mutthu mukina, masi owo oneererya wookhalihani ottai wa onamoona w'ekeekhai ori wooloka. Owo onimoothoonyeryani namirima miili, emaara ekina, okhumme otakiheryaka etthu. Owo khiirale, okhala wira aamutakiherya. Masi vakhala wira enoorwa ekhumaka v'evaheryo y'eekeekhai ya Masu a Muluku, "Erimu n'ilapo ya vathi sinoomala, masi Masu Aka khammala," Ahaana okhala vaavo.

Munnoona yeeyo, munna?

91 Awo ahaana okupaliwa mmuupuweloni, nto Awo anaaminiwa ni murima. Nto Masu a Muluku anikhala ekeekhai, nto khula miyoonelo sa munepa ni erutthu sinookukuttheliwa ota ni Eroho Yowarya. Vano moonelo anyu wa Muluku, ankhili anyu a Muluku, itthu sothene siri sa nttittimiho, sinookhwalala mwa nyuwo. Khokhanle ohoverya hata vatthu. Khiyaavo hat'etthu eniwerya ovenya.

<sup>92</sup> Khiyaavo hat'etthu enivenya mmuupuxeroni, ni wira, "Ahe, kinnuupuwela wira Muhano Jones aaheererya omuroromela Muluku, ni Muhano *Lexe ni lexe*. Muhano Doe aaheererya omuroromela Muluku wira ovonihwe, emaara emosa, vano khuvonya." Munnona?

<sup>93</sup> Masi vakhala wira mukoti uwo wookukutthiwa ni wooreerhiwa, ni woosarihiwa muhina mwaya ni Eroho Yowarya, eyo hata khenoorwa mmuupuxeryoni, hata khenicala mwaha wa Muhano Jones ni etthu owo iiraly'awe. Ti nyuwo ni Muluku, vamosa, ni khaavo mutthu mukina woohikhala nyuwo aili anyu. Eyo eri vo. Vo t'eri ekhotto anyu. Mmwiiwe wopaceryani wene. Mmweemexe ookhwa-ene mphironi mwawe. Kahi okathi xeeni nyuwo onwery'anyu okhaliha ekhotto opisa. Eyo ti, omaliha naanaano va!

<sup>94</sup> Nyuwo mwarwa vale, n'ukhaliha miyuupuxeryo iyo ni ankhili, n'itthu sothene, ni muupuwelaka, "Ahe, pooti ovonya. Eyo pooti ohikhala y'eyeekhai." Muhiire siiso, hata vakhaani.

<sup>95</sup> Murihele itthu sothene, nto mutthukule mukoti, mwiire, "Muluku, Masu Anyu t'ekeekhai Mahiku othene, ni Awo t'awaka. Ekereja yothene yavonya vale, olumwenku wothehe wavonya vale, miyo nlelo nkinvonya, okhala wira miyo kinikuxa Masu Anyu." Vo ti vari ekhotto. Eyo t'itthu ene.

<sup>96</sup> Mwaha wa xeeni Muluku Oowerya sothene aarow'awe omukumiha kankuru munipeleni mwa muthiyana, woohikhala murala, nave khinamuhiya mwaana wummaathi khukhwa? Nnari, mulopwana.

<sup>97</sup> Mwaaruusi mmosa aaroorwa va, kahi khalayi, aakhuma oxikola sekuntaariya. Ame awe khukiihana, khwira, "Munna Branham, mwan'aka orina eretta ya Hodgkin." Owo kankuruu, onikumihya iphutu. Nto matothoro khikuxa eneneeryo yaannunwe vammilo vawe, khuveleeliha, nto vekeekhai yaari eretta ya Hodgkin.

<sup>98</sup> Vano owo khwira, "Ekina enrowa ophomowa, pooti ophomowa vamurimani vawe. Yirayaru siiso, owo onimookhwa." Khwira, "Owo khorina... Enamuna simphomow'aya, owo orina, nipuro pi nipuro, miyeeri soophiyaka miraru, wira okhale."

<sup>99</sup> Ame awe khwira, "Kinrowa wira exeeni? Kimuhokoloxerye oxikola?"

<sup>100</sup> Khwira, "Mmuhiye orowe, okhala wira owo alakela onoorowa naanaanoru." Ni khwira, "Mmuhiye orowe ni akhaleke makhalelo a nihiku ti nihiku, ntoko sinwery'awe. Muhimuleele hat'etthu wa yeeyo."

Vano muhan'owo khukiirela miyo, "Kiireke exeeni?"

<sup>101</sup> Miyo khwira, “Mmuruuhe mmuhele muliinyani mwa mavekelo.” Nto miyo khwira, “Murwe ni yoowo.” Kaahoona etthu yootikiniha.

<sup>102</sup> Nto varuuly’awe mwanamwane mwaamuthiyan’owo, voosiis’ule, ni iyano sooneya ntoko sooripelela, soopintariwa, ni ntoko ixikola sinikhalan’aya. Nto—nto mwaamukhaani uwo khurwa. Miyo nkaasuwela owo aarowa okhala pani; aarowa okilikarela mutelefoonini. Miyo kivara ntata nawe. Miyo khwira, “Mooxeleliwa, munna.” Owo aari vale. Aari yoowo. Okathi vakhaani paahi, kaahaaweha ame awe khuwoona oowaili aya ehirina Muluku, ehirina Kristu, “Munwehererya sai ovonihiwa mwa mikhalelo seiyo? Munoomukupali Yesu Kristu ntoko Moopoli anyu?” Miyo khwira, “Munimoorwa etanki ila va mpatisiwe ni Nsina na Yesu Kristu wira muleveleliwe itampi sanyu?”

Awo khwiirasa, “Hiyo nnimwiira yeeyo.”

<sup>103</sup> Oh, moosuwela etthu yaakhumlenle. Muthiyan’owo siiso okilanthi-ene vaava voosiis’ula. Anci-ene a nyuwo munnisuwela mwaha ene yoowo. Munna Mike Egan, mmosa a maatiministratore va, aahiweha mwaha ene. Soovira miyaakha soophiyaka mixexe wala mithanu khalayi. Mwaaruusi ene khuttikiheriwa wa tothoro, hata nlepa tu na eretta ya Hodgkin kuhiphwanyiwa mwa yoowo.

<sup>104</sup> Exeeni yaari mulattu ene? Mwaahaana otthukula mukoti, toko. Nyuwo muhaana okhalana Surtaatu, Eroho Yowarya, okhanle-ene ohoolo w’ekhotto, antthuneya Masu a Muluku. Owo ti Masu. Ni Owo onkhala vo, khiyaavo hat’etthu enrowa weemexa Eyo nto. Khiyaavo hat’etthu enwerya . . . Khula mmosa wa mikoti ti sookukutthiwa. Ntoko etthaana ya khalayi paahi erina ephaka ya mwiixi ettiyeiye; nyuwo mwahela mooro muhina, enoophutula etthu anyu. Owo ti mulattu n’aKristu anci-ene oophutuwa, okhala wira awo khanikukuttha mikoti, awo khanrowa vathi mpakha muhina. Nyuwo muhaana okukuttha, ankhili, muupuxeryo, miyuupuwelo, okumiha ithu sothene, n’urwa okhuma muhina mpakha ota, ni Masu ale a Muluku oohihononiwa, yaawo T’ari Ekeekhai.

<sup>105</sup> Hata wira atthu ikonto muloko yaamookhwa epantte *ela* nno, olelo, eroromelaka: ikonto muloko khukhwa epantte *ele* iwe, meelo, eroromelaka; eyo kherina naata ni miyo. Miyo ka mutthu mmosa. Miyo ka ole onroromela. Miyo ka ole onaamini. Ni hiyo ninoona ottuli ottai, naatthunne-ru otthukula mikoti sahu okathi ule, naaweryaka vale, ni woona. Hiyo nimmuphwanya *ola* mmosa *n’ule* mmosa, ni *ola* mmosa *n’ule* mmosa, ikonto sene, ekhalelaka onamoona.

<sup>106</sup> Masi xetwani onimweererya orwa ottuli wene. Moone, owo aaweryaka-ru okela mmo, voomalela, owo onimwaaxintta anakhotto anyu naanaanoru vaavo.

<sup>107</sup> Nyuwo mwaarine-ene miyoonelo sanyu, woona, woona osiva, waapapela, woona wunkha, ni wiiwa, iyo siri sana, masi muhiroromeleke seiyo woohikhala wira sinimwiiwanana ni Masu. Iyo siri sana, masi, saavirikanyanaka ni Masu, muhiiwelele seiyo. Vano, itthokelelo, ankhili, miyuupuxeryo, othokorerya, ni isiveleliwo, iyo siri sana vakhala wira sinniiwanana ni Masu. Masi vakhala wira esiveleliwo anyu kheniiwanana ni Masu, mukumihe. Munoophutula ephaka, vowaakuva. Munnona? Vakhala wira othokorerya wanyu onoovirikanyana ni Masu, mukhume mwa yeeyo. Eyo ekeekhaii. Mutooro...Vakhala wira muupuxeryo anyu, vakhala wira otthokelela wanyu, vakhala wira ankhili anyu, khula etthu, enoovirikanyana n'Ile eri muhina, mukumihe.

<sup>108</sup> Murina exeeni nto? Murina ekhalelo ya nsuwa. Aleluya! Owo ti, Muluku ohenle ittheneeri voolikane-ene khwira, "Mwiithomeye vaavo mpakha Miyo kiwiihaneni!" Iyo sinikhala vaavale. Khiyaavo hat'etthu enrowa ottikinya iyo. Okathi Muluku onimukux'awe mutthu mmatatani mw'Awe, mpakha owo okumiha miyoonelo, ankhili, itthu sothene ota, mpakha okhala ni Muluku ottuli waya, mwa erooho, khaavo hata xetwani molumwenkuni onwerya oruuha ohoverya mmo. Ti yeeyo.

Owo onoorwa ni wira, "Khamunoona hata ekumi."

<sup>109</sup> Ankhili anyu aamala, wa yeeyo. Ephaka ti yoohikhala etthu, eyo enookhuwela, "Aleluya!" Ekhumelo enoopa muturi, "Avuwiihiwe Muluku!" Eyo enimwaarya, vekeekhai, yooreera ni yoothuwa, wira Masu a Muluku evare muteko mwa yeeyo, Owerya wa Muluku. Munnona? Eyo ti etthu yuulupale.

<sup>110</sup> Vo ti nipuwa nanyu n'ekhotto. Nipuwa nanyu n'ekhotto nri ottuli nno wopaceryani, ottuli nno mmunepani, ottuli mmuupuweloni mwanu onthukuwa. Mu—muupuwelo ti mukhora wa munepa, mukhora wa erooho, kiireke. Muupuwelo anyu onootthukuwa ni okupali erooho, wala okhootta erooho. Munoowerya okhalana ankhili akhaani, ni miyoonelo sikhaani, ni iyoonelo, itthu iya sothene. Eyo kherina naata n'iyoy. Iyo miyoonelo sikhaani paahi ni itthu siiso. Masi yaphiyererya ekeekhai, muupuwelo anyu onootthukulela. Muupuwelo anyu onookupali ahiso onookhootta. Ti yeeyo, axipatthani.

Muluku, muhimuhiye hata mmosa a awo ohaleela.

<sup>111</sup> Moone, ti muupuwelo anyu onihula mukhora; wala t'oniwala mukhora, ni wiiwelela ankhili anyu, wiiwelela muupuxeryo anyu, wiiwelela isiveleliwo sanyu. Masi okathi muupuwelo anyu oniitthuk'aya wa itthu iya, khimuhiya Muluku, Eroho ya Masu Awe, okela, Eyo enookumiherya itthu iyo sikina ota. Ohoverya wothene onoomala. Woova wothene onoomala. Moonelo wothene wa ohoverya onoomala. Moonelo wothene onoomala. Khiyaavo hat'etthu enikhala mmo woohikhala Masu a Muluku, ni Satana

khonwerya owanana Awo. Nnari, mulopwana. Owo khonwerya owanana Eyo. Vano, hiyo noosuwela wira eyo ekeekhaii.

<sup>112</sup> Ikhotto iya sirumme opacerya nihiku na omatta wo Edeeni, ekhotto mmuupuweloni mwa mutthu. Satana t'opacenyre. Exeeni owo iiralyaawe vamuphwanny'awe Hawa? Owo khaakhontte Masu a Muluku, masi owo aarookhuneela. Owo aaroottiyela mikoti kamosa-kamosa va nipuro nlo. Owo iirale, "Masi vekeekhai Muluku..." Maphattuwelo 3:1. Munnona? "Vekeekhai, Muluku, itthu iya sothene Owo—Owo—Owo ohimmy'awe..." Owo aanisuwela wira Masu yaahikhalana exariya. Masi aanisuwela wira khaawerya orwa tu n'uthikilasa Awo kapatti-kapati, onyakula siiso, masi owo—owo—owo aaroosiviha Awo ntoko esukhari.

<sup>113</sup> Ntoko ame aka yaanikuxak'aya wira niwurye murette, nto awo yeereryaka ohela maasi eerarance mmakhurani mwa ikhura. Wulu, fataari owurya makhura a ikhura ahikhalanne maasi eerarance! Etthu p'itthu eri yoowootha! Munnona? Awo... Hiyo naahaana okhala oovenya ohiyu, vano awo yaaninivahaka kerosene, mwaha wo wiipa naalokolokho. Nto yaanimuhela kerosene, n'umuhela esokhari; moone, ntoko enamirima miili. Masi owo aanimupaha naalokolokho anyu, onahalela, omora, nuumala esukhari ene.

<sup>114</sup> Ahe, ti siiso eryaaya, mpatthani. Satana oneererya o—okhala namirima miili mwa yeeyo. Owo oneererya owoonihani etthu yooreera, enamuna yookhweyaxa, eyiirelo yootthokeleyaxa. Masi khekhanle hata eyiirelo yootthokeleyaxa yoovikana ele Muluku aakhalinh'awe wopaceryani, Masu Awe. Nvarele Masu yaawo. Mphurele Yaawo. Muhiye Awo yoophureleni nyuwo. Mukhale vaavo ni Yaawo. Eyo ti—eyo ti etthu ene.

<sup>115</sup> Ekhotto yaapacenyre okathi Hawa aatthukunly'awe muupuwelo awe, wira aiwelele waanyiherya wawe. Eyo ti ephaka yaavolonwaaya-mo. Owo ti—owo ti mukoti waavinry'aya-mo, waanyiherya wawe. Owo, mmunepani mwawe, aarimwaanyiherya.

<sup>116</sup> Maitho awe yaari woona. Owo oonne enowa. Eyo yaari yooreera, yoophwaneliwa, vanci-ene waavikana aiy'awe ene. Eyo yaari mulavilavi ovikana inama sothene sa mmatta, ni alakela eyo yaari mulopwana ooreerexa waavikana aiy'awe. Eyo yaakhala ntoko enama y'elopwana yuulupale yeemenle-ene vale. Moota yaari-aya yuulupale! Nto eyo yeererya omuleela moota yaaryaaya etthu yuulupale.

<sup>117</sup> Nto etthu yoopacerya owo iiraly'awe, owo aatthukunle muupuwelo awe. Nto vairaly'awe siiso, waanyiherya w'omutthu khukela. "Vano, khiyaarowa okhala yookuxa murima?"

<sup>118</sup> Eyo t'itthu owo onimwiirih'awe muthiyana olelo. Muthiyana orina iy'awe oophenteya, onimuphwanya mulopwana mmosa muulupale, oowunnuwa, ookhalexu mulopwana. Mulopwan'ola

onimweererya oruuha waanyiherya. Muupuwele, owo ti Satana. Owo ti xetwani. Ahiso, nno ni nno, mulopwana wa muthiyana, muthiyana wa mulopwana, khula epantte. Exeeni eniir'awe? Onvara muteko mwa ikuru iye so waanyiherya, ankhili ale wala etthu siiso, khupacerya weetta orowaka.

119 Masi nvahe Masu a Muluku nipuro noopacerya. Mutthu hata khonwerya orwa va . . . Owo khonwerya wira etampi . . . Aleluya! Ela eri va. Ela enimoorwa, esya. Mutthu khaniira etampi mpakha opacerye okakha Masu a Muluku. Owo khonwerya hata wira *etampi*, eyo “p’uhaaamini,” mpakha toko owo aisyaikihe Masu a Muluku, Mukhalelo wa Muluku, owo khoniira etampi.

120 Hawa khaawerya wira etampi ahitonko okakha Masu a Muluku, atthukulaka mukoti awe wa waanyiherya muhina mwa munepa awe, nto khupacerya waanyiherya. “Vano, vekeekhai. Aiy’aka khanakileeleke itthu iya, masi kinnaamini wira nyuwo . . . Awo akileenle wira nkaakhanle wira ela, masi, nyuwo moosuwela, nyuwo munikhaliha y’eekekhaixa ni yoowiiweya saana. Miyo—miyo kookupali wira yaamukhala yooreera, okhala wira nyuwo munnikhaliha yoowiiweya saana wa miyo.” Moone, vo ti vaari ekhotto yoopacerya. Nto, mwa ekhotto yeele, khiruuha khula ekhotto ekena. Ni khula oyeeheya w’ephome otonko orwa, opance weiwe wene oEdeeni. Owo aarooahaamini Masu a Muluku.

121 Vano vakhala wira yoota mwaamukhaani a Masu a Muluku ahaaminiwe, aahikhumeleliha mukattyamiho ola wothene, ninrowa otthikela sai hiyo ottuli, nihaaminiki Masu? Khivanweryaneyya wira siiso. Nihaana owala itthu iya sothene sikina, ankhili, miyuupuxeryo, ni wira . . . waanyiherya, ni itthu iya sothene sikina. “Okakha waanyiherya.” Hiyo khinnaanyiheryela eyo, nnakhala, hat’etthu tu.

122 Hiyo nnookupali paahi Masu vootthariha wira, “Muluku ohimnye siiso,” nto enookhaliha muro wa nyuwo ni Muluku. Khula mukoti onoorwa wootthukuwa wa nyuwo ni Muluku, nto.

123 Vo ti vari ekhotto, yoopacerya ene, ohoolo. Nihirumeele ekapwitthi ya miloko miili ni piili [22mm wunnuwa wa mulithi wa kapwitthi—Mot.]; nrowe nikuxe e—epompa atoomika. Nrowe nivare muteko oratta-ene. Nrowe nikuxe epompa atoomika ya Muluku. “Exeeni iyo, Munna Branham?” W-a-a-m-i-n-i Masu Awe. Eyo t’eri epompa atoomika ya Muluku. Eyo enimwiiseela eretta n’axetwani, moonoo woolopwana ni woothiyana. Eyo—eyo enoonyaanyasa iyo. Enoovirikanyiha. . . Oh, eyo ti. . . Eyo enoopwanyula tu. Eyo enoopwexakasa itthu sothene siri soohifayi. Okathi epholovolo eyo ya waamini emmorel’aya vo, ni Masu a Muluku ottuli waya, eyo enoomwiiseela khula xetwani, khula owereiwa, khula eretta.

124 Nyuwo muniira, “Eyo ekeekhaii, Munna Branham? Vano mwaha wa xeeni eniirey’aya, mw’athu kamosa kamosa, nave mw’akina nnari?”

125 Mwaha wa mukoti. Nyuwo munoowerya oweha ota ni woona. Masi muhaana okhalana muhina *mu*, muwehaka epantte *ela* nno. Kahi ota *iwe*, muwehaka muhina; nyuwo muhaana okhala muhina, muwehaka ota. Munnona? Muhirweeke ni waanyiherya. Muhirweeke ni itthu iya sikina. Muhaana orwa mpakha mmukotini wa Muluku wa yeeyo, mpakha muhina mmunepani. Nto muniira sai yeeyo? Mukoti wookiserya t’uvi?

126 Eyo enimwaany-. . .mpakha vathi. Nyuwo muniira, miyoonelo, “Oh, miyo—miyo kinniwerya woona eyo. Ayo, eyo eri vo. Uh-huh. Oh, miyo—miyo pooti woona wunkha, wala sikina. Itthu iya siri vo. Ayo.” Etthu yoottharana, nyuwo munimwaanyiherya, “Ahe, enikhala ntoko ohaana osuwela enihimy’awe. Tothoro onihimya wira khivanweryaneya miyo okhala mukumi. Eyo yaahaana okhala.” Moone, vaavo vo nyuwo mo—nyuwo moovonya. Owo ti xetwani oniphwanyaneya vo. Owo ti xetwani onihela itthu iyo mwa nyuwo. Muhaamini iyo.

127 “Aleluya! Masu a Muluku ahimye wira miyo kino. . . ‘Mwa itthu sothene, kintthuna wira mweetteke ekumi.’ Ti yeeyo.” Munwerya sai okhala nakhotto eekeekhai ota iwo? Moone, “‘Miyo kintthuna wira mweetteke ekumi.’”

128 Eyo eri vo, vaavo vo, mikoti iye. Nyuwo mukuxeke paahi, mutthukule. Muhixerekele iyo.

129 Vano Satana aaweryaka okela mmo, okela n’ankhili ala ni itthu iya sothene sikina, nto owo onookhuruwela mu mpakha wookiseryani wa munepa, mmuupuweloni. Vano, owo aweryaru paahi wookhalihani. . .Nyuwo khamu—nyuwo khamunkhalakhala muwehaka hata emosa wa seiyo mpakha toko nyuwo omuhiya owo okela *mu*. Nyuwo muhaana omuhiya owo okela. Nto owo akelaru, owo onimweettiherya. Vano exeeni oniiraawe? Owo ompacerya orumeela ankhili. Owo ompacerya orumeela *ela*, ompacerya orumeela ekhumelo *ela*. Exeeni iyo? Woona, olawiha, waapapela, woona wunkha, wiiwa; sootthokelela, ankhili, muupuxeryo, iyaanyiheryelo, soosivela. Owo onoopacerya orumeela mikoti iyo sothene sikhaani, owo aaweryakaru okela-mo, vasulu va *yeela* emosa va. Owo ohaana okela mmuupuweloni mwanyu, toko, ni nyuwo muhaana okupali. Khenwerya. . .Nwiriyaneyo. Eyo enoowerya woomanani nyuwo, masi khenwerya okela mwa nyuwo mpakha nyuwo mukupali.

130 Okathi Satana eentte awe mpakha wa Hawa, nto khwira, “Moosuwela, muhokorokho owo ti woosiva,” owo aaheemela okathi vakhaani. Oh, owo p’ukathi waavonny’awe, okathi eemenly’awe vakhaani.

131 Muheemele mwawa wa hat'etthu. Nyuwo muhaana Mutthaka ene. Yesu mukumii. Muluku ti Mpenuxa. Owo ti Mutthaka. Muheemele mwaha wa hat'etthu, hata iyaanyiheryelo, hat'etthu ekina.

132 Masi owo aarimweemela okathi vakhaani. Owo p'ukathi Satana eente awe akelaka mmuupuweloni mme. Khwira, "Ahe, enikhala ntoko yoothokeleleya." Oh, muhiire eyo. Mukuxe paahi ele Muluku ohimmy'awe.

133 Abrahamu, ankhi owo eemenle wira aanyiherye, okathi Owo aamunlenly'awe wira aamurowa okhalana mwaana ni Sara, nave owo aarina miyaakha miloko mithanu na mosa ni mithanu ni ole arine-ene miloko mithanu na miili ni mithanu? Nto okathi waarin'awe emiya emosa, ni mwaar'awe aarina—ni mwaar'awe aarina miyaakha miloko mithanu na xexe, owo, nlelo, owo—owo—owo aanihimya wira Masu a Muluku yaari eekeekhahi. Vano owo aanihana itthu iye, sahaakhanle, ntoko saakhanle. Munnona? Owo. . . Hata nrromelo, waahikhala nrromelo? Owo hata khaarumeenle nrromelo.

134 "Ahe," nyuwo muniira, "Kinroromela wira kinookhala sana. Kinroromela wira kinookhala mukumi. Kinroromela wira kinimwaakhela Eroho Yowarya. Kinroromela wira ka muKristuu. Kinroromela wira kinimwiira *ela*." Khentthuneya eyo.

135 Abrahamu hata khaawenhe yeeyo. Amen. "Voovirikana ni nrromelo, owo nlelo aaminni Masu a Muluku." Waamini woovikana nrromelo. Waamini onikhuma ottuli *nno*, muhina. Waamini onikhuma *nno*.

136 Owo onkela sai? Ni muupuwelo ola, mu—mukhor'ola, ohoolo w'ekhotto eryeene vo.

137 Vano, nyuwo mwapacerya vale ekhotto ene! Vano, xetwani okilaanthi vakhiviru ni khula murima, voosiis'ula. Owo ookilaathi, vamurima va mwaaruusi ula. Owo ookilaathi vamirima sanyu. Owo okilaanthi mapuro othene iwo. Owo oniira, "Oh, miyo kaahiwoonani mweerenrye-ene khalayi. Miyo kaahinto wiiwa eyo khalayi."

138 Mmoomole. Ti yeeyo tu. Mmoomole. Exeeni Bibilia ohimmy'awe va, yoosoma ahu? "Mmoomole." Ti yeeyo. "Mmoomole." Hiyo nihiixuttihiwa.

139 Miyo kinnuupuwela, "Mulattu ene t'uvi ni hiyo alaleyi?" Kaatthuna kisuwele wiixuttihiwa xeeni hiyo waakhenly'ahu.

140 Muluku onnixuttiha mwaha w'ekhotto ela yuulupale. Matewu 24 oohimya mmo, ni Daniyeli 12 nave, oohimya, "Onookhala okathi woovelavela, ohinakhumelele mulaponi khalayi." Nto hiyo ninkhala okathi ene yoowo, okathi ilimalelo, ni osoma, ni itthu, sivuvunry'aya Masu a Muluku, khukela mo waanyiheryani ni sikina. Ekhotto ene eri vano. T'ani onrowa





Mukhulupale Oomalela a ekhotto. Vano, xetwani khokhanle hata mwa mwah'owo.

<sup>147</sup> Ekhotto yuulupale yaatonko oruma n'uwali, ti yoolikana vano. Vekeekhai, yookhala. Oh! Aleluya!

<sup>148</sup> Kuupuwelaka yeeyo! Keemelaka vale ni omoona Owo wira itthu, omoona Owo wuupulula itthu, otthukula itthu, wira, "Enrowa okhala so ni saale," eyo eri vo! Oh, oweha ottuli nno, ni wira, "T'ani Mukhulupale ola muulupale?" Oh, miyo nkinweha ottuli ni woona sinto ti Tothoro *Lexe ni lexe*. Kinoona ele Mukhulupale ohimmy'awe. "Owo ti Mukhulupale a woopowa wahu." Aleluya! Exeeni woopowa? Ovuluwa! Ovuwa! "Owo ti Mukhulupale a ovuluwa wahu."

<sup>149</sup> Okathi muulupale wo wira ekhotto ori vakhiviru. Aleluya! Nakhotto, ni ikaruma saaryaka, makhwili atuthaka! Waamini ni ohoverya sinoohelani mukhottoni, mutapernakulu mu, voosiis'ula; ohoverya epantte emosa, waamini epantte ekina. Anakhotto, mukhale voopuroni vanyu va muteko. Aleluya! Mukhulupale ahu, Ettheneeri Yooxaka, onooholela. Owo khonathikeleke ottuli. Owo (khonatoko) khonsuwela nuulum otthikela ottuli. Owo khorina y'otthikela ottuli. Amen. Vekeekhai.

<sup>150</sup> Ekhotto yuulupalexa yaatonko owaniwa, eyo enoorowa vaava va vano, ayo, mulopwana, vari okhwa n'ikumi, vari eretta n'okumi, vari waamini ni ohoverya, oh, wulu, vari otaphuwa ni opottha. Ekhotto yoopacerya! Mwaaryihe mavaka anyu, anakhotto. Mukutthe ikaruma. Muluku onaalikanyiha anakhotto Awe. Amen. Muluku onoohererya muttitthi Awe w'anakhotto.

<sup>151</sup> Amerika onaawariha anakhotto awe mwa sooreera awo anwery'aya okhalana wira yaawarihe: ikapaseeti sa aaso, ni ikaruma, ni etthu p'itthu awo arin'aya, itanki plintaatu, etthu p'itthu awo ankel'aya-mo.

<sup>152</sup> Muluku onnaawariha anakhotto Awe. Aleluya! Muthinto zeeni wa ikaruma hiyo onrumeel'ahu? Eroho ya Xoowa, Masu a Muluku! Amen! "Masu a Muluku t'owiitha onvikana xoowa oniitha nno ni nno," aHeperi 4, "annivolowa mpakha okawanya makhuva, hata va—vankumana makhuva, mpakha Annuupulula miyuupuwelo sa muroohoni." Masu a Muluku! Waamini Masu Awe, nto ti siiso Muluku oniwarih'awe ikaruma.

<sup>153</sup> Ti yeeyo Owo aamuvanhe awe Hawa wira iiwarihe mmamsawe. Vano owo khupwexerya ikaruma sawe vathi. Iirale sai yeeyo? Mwaha wo otthukula muupuwelo awe wira aanyiherye. Nyuwo khamunaanyiherya ni Masu a Muluku. Khivakhanle waanyiherya. Nyuwo... Awo Masu a Muluku paahi. Khokhanle—khokhanle hata ohoverya wa Yaawo. Khokhanle hata waanyiherya wa Yaawo. Awo Masu a Muluku.

Eyo ennimaliha mwaha. Awo t'arina eyo. Eyo ennimaliha mwaha mahiku othene.

154 Munnoona enihimy'aka, oophentiwa? [Munna muthiyana onwereiwa oniira, "Amen."—Mol.] Awo Masu a Muluku. Muluku t'ohimmye. Muluku ohimmye siiso.

155 Awo yaanimwiirela Abrahamu, "Munsuwela sai wira munoorowa okhalana mwaan'owo?"

"Muluku ohimmye siiso." Eyo yaanimaliha mwaha.

"Ahe, muhikhalanenleni?"

156 "Nkisuwenle okathi onrow'aka okhalana, masi kinoorowa okhalana. Muluku ohimmye siiso. Eyo khenikeemexa hata vakhaani." Owo iiha- . . .

157 "Muhinthikelani murowaka owanny'inyu, weiwo okhumm'anyu-wo?"

158 "Kiri wira kikhale naweettasa ni mmalapo muttethe ola." Amen! . . .? . . . "Muluku t'omuhimmye natiri. Muluku onookivaha mwaana muttethe ene yoola Owo okirumm'awe." Aleluya!

159 Muluku onimoovonihani mwa mukhalelo yoola wa Eroho Yowarya, vaavo Owo oorummy'aweni. Muluku onimoovahani iyo. Mwaamini paahi. Amen. Mutthukule iphaka iyo sa munepa ni erutthu, miyoonelo, ni ankhili, muhiye Masu a Muluku paahi evolowe toko, ekuxe muupuwelo owo. Vo ti vari nipuwa n'ekhotto.

160 Kahi wira, "Ahe, vaakhanle wira kaaniwerya woona, vaakhanle wira kaanoona ovuwa wa Muluku omoraka! Oh!" Eyo kherina naata n'iyu; hata etthu emosa.

161 Mutthukule muupuwelo owo. Owo ti nipuwa n'ekhotto. Ti memmo ekhotto empacery'aya owaniwa, vaava eliinya y'ohoolo, muupuwelo anyu. Mutthukule, mwiire, "Miyo. . . Ohoverya wothene, miyo kinnihoverya ohoverya waka." Amen. "Miyo kinnihoverya ohoverya waka vano. Kinaamini Masu a Muluku. Miyo kinoorwa va, Satana." Yookhala etthu enrowa wiiraneya. Vekeekhai, eniwmiiraneya. Ayo, mulopwana.

162 Owo onnaareeriha arumeyi Awe ni Eroho Awe. Owo onnaaveleeliherya malaikha. Atthu anoonyemulasa eyo, imaara sikina, "malaikha." Mukihiye—mukihiye paahi kikhunle etthu va ni nyuwo, minuutu mmosa paahi. Nrowe nikhunle va mwa aHeperi, minuutu mmosa paahi. aHeperi kapiitulu 4, kapiitulu 4, ni nrowe. . . Kiireke, kapiitulu 1 ya aHeperi, nto nrowe nikhunle versiikulu 14.

*Khasihiyso sothene iya irooho sinrumeela, sirummwe wa. . . sirummwe wira saarumeeleke ale anrowa ohiyeriwa woopowa?*

*...nlaikha xeeni owo ohimenry'awe...Mukilaathi  
mooono aka woolopwana...?*

*...malaikha othene a Muluku...*

<sup>163</sup> Vano, va Bibilia onootthika n'unileela hiyo va, wira Muluku onaaruma malaikha. Ovuwa! T'ani awo? "Irooho sinrumeela." Ovuwa! Irooho sinrumeela, sinrummwa (woowi?) sinkhuma Ohoolo wa Muluku. Wira exeeni? Orumeela Masu Awe. Amen! Awo khari wira emurumeeleke teologia a nikhuru na muromolelo, masi wira erumeeleke Masu Awe. Ti yeeyo. "Irooho sinrumeela, sirummwe."

<sup>164</sup> Ninsuwela sai hiyo wira ti yaawo? Bibilia ohimnye, wira, "Masu a Apwiya jaarwa wa maprofeta." Eyo ekeekhahi? Malaikha ala anrumeela Masu Awe, mwa Eroho Awe; orumeela Masu, mwa Eroho Yowarya. Vano Eroho ni Masu jaarwa wa maprofeta, nto maprofeta ti jaarina Masu a Muluku. Tivo awo yaawery'aya opaka miiriirya awo yaapak'aya. Khaari mutthu; yaari Eroho ya Muluku mwa mutthu, Eroho ya Kristu mwa mutthu. Maana Masu a Muluku...Owo iirakani? Oreerih khula mukoti. Muluku aaroomuthanla, nto owo aamureheriwa ni Eroho Yowarya. Vano khaari owo. Owo khiiraka hat'etthu mpakha owo okhalana yoowoona. Eliya iirale, vaMwaako Karmelo, "Sothene iya kiirale ntoko okiruma Wanyu. Vano, Pwiya, muhiye esuweliwe wira Nyuwo mwa Mulukuu." Oh, avuwihawe Muluku!

<sup>165</sup> Miyo kihoona eyo imaara sinci-ene, okathi onoon'anyu Eroho ya Muluku orwa vatthu, vano nipuro nlo khukhala vathi va mureeriho! Vaakhanle wira nikhuru nla naamukhaani va voosiis'ula, naamuwerya paahi okuxa muupuwelo ola va, okumiha ohoverya wothene mphironi! Munwerya sai ohoverya-  
tho, nwoonaka alipa-ookhwa—alipa-ookhwa ohihimuxiwa, ale yaarakanle yeettaka, ale yahoona yoonaka, ale yahiiwa yiiwaka?

<sup>166</sup> Nlaikha n'Apwiya, hata elatarato Awe ethomeiwe-ene va vaxirini, yoomukhaliha siensiya otikinhiwa, mapuro othene. Exeeni Owo onir'awe? Mukhale oratte-ene ni Masu. Amen! Awo animuthikila khula xetwani. Ayo, Awo animuthikila. Exeeni Iyo? "Irooho sinrumeela, sirummwe sikhumaka Ohoolo wa Muluku," wira saareerihe alipa-oolavula Masu, ale ankhala ni Masu. Vano Owo onnilipiherya Masu ni ithoonyeryo sintthara, onnimuruuha Yesu mmosaru yoole a nsana, olelo, ni mahiku othene. Owo ori vo.

<sup>167</sup> Naarowa owerya sai ohoverya, Owo oryeene oowooniheriwa mwa soopiili mwa siensiya, mwa erutthu, mwa erooho, khula enamuna vanweryaney'aya, Owo onooniheriw'awe va?

<sup>168</sup> Mulattu ene xeeni? Ori mmuupuweloni mwahu. Hiyo nnoothukulela miyuupuwelo sahu etthu, wira, "Ahe, vano, miyo nkinsuwela sinto vaamuweryaneya okhala wala nnari.

Khino, vakhala wira kinimoona sana meelo.” Oh, eyo kherina hat’etthu n’iyo.

169 Ntoko sinihimyak’aka imaara sinci-ene, Abrahamu khino aahimuleela Sara...Owo aahiviriha okathi wo—wo okhala muthiyana. Nyuwo moosuwela enihimyak’aka; owo okathi w’ekumi, mahiku awe miloko miili ni mathanu na mararu. Moone, owo aarina miyaakha miloko mithanu na mosa ni mithanu. Alakela saahivira miyaakha muloko ni mithanu, miloko miili, owo ovinhe-ene. Vano owo khumwiirela, khino, mahiku vakhaani anoorwa, khwira, “Munnoona evirikanelo, mwaar’aka?”

“Khiyaavo evirikanne hata vakhaani.”

170 “Eyo kherina naata n’iyo. Hiyo nnoorowa ohoolo, khula enamuna. Ahe, vano, nyuwo mwatthikela-tho okhala ntoko mwa—mwali, hiyo noosuwela, mwa ephome ele y’ekumi, ahe, nto, hiyo ninnoona vo wira enoorowa omukhapelela mwaana, nto sotheene sinookhala sana. Vano, munnoona evirikanelo olelo? Woovira mweeri okhuma okathi Owo okimanenly’awe natiri. Munnoona evirikanelo, mwaar’aka?”

171 “Hata vakhaani, Abrahamu. Khekhanle hata eneneeryo ya etthu. Miyo—miyo nlelo kiri siisaale ntoko miyo—miyo sinikal’aka vano mwa miyaakha iya sookiserya. Khekhanle evirikanelo hata vakhaani.”

“Avuwihwe Muluku! Hiyo nnoorowa okhalana, khula enamuna.”

172 “Nyuwo munihimya wira, Abrahamu, mwa...Nkawehani, vakhala wira Owo ohoovahani natiri, vekeekhai Owo onoonivaha ethoonyeryo enamuna *ela*. Vekeekhai Owo onoonivaha ethoonyeryo.” Uhm! Aleluya!

173 “Nloko nootteettheya ni noohiwelela nimphavela ithoonyeryo.” Ti yeeyo. Owo aahikalana ethoonyeryo. Yaari exeeni? Masu a Muluku. Awo ti yaari ethoonyeryo.

174 Moota xeeni Muluku aarow’awe owerya omuvoniha mwaan’ola? Masu a Muluku ahimye siiso; vakhala wira kookhalana moonelo, wala hata moonelo. Vakhala wira miyo... Eniireya yiireye, Muluku ohimye siiso. Eyo ennimaliha mwaha.

175 Abrahamu iirale, “Muthukumanye ixapheyo sanyu ni itthu sotheene vamosa, hiyo nnoovenya nirowaka muttetthe ene.”

“Munrowa woowi?”

176 “Nkisuwenle.” Amen. “Masi, hiyo nnoorowa, khula enamuna. Hiyo ninrowa va!” Khithukumanya ni khunarowa. Aleluya! Awo ti Masu a Muluku eekeekhai. Exeeni owo aavarel’awe ohoolo wawe? Natiri a Muluku, Masu a Muluku. “Hiyo nnoorowa okhalana.”

177 “Mukhume eriyari y’atthu anyu, Abrahamu. Awo t’o, etthu aya okhala wira, awo anamahoverya ni oohaamini. Awo animoopharihani nipuro nimosaru. Mukhume. Mwiivalaanye, mukhale mukittharaka Miyo.” Exeeni iyo? “Muhiye ankhili anyu othene ni miyoonelo ottuli wanyu, siiso. Mutthukule muupuwelo anyu, ni muupuwele, ti Miyo. Murwe, mukhaleke ni Miyo.” Amen.

178 Muluku oniihanela khula Osuulu wa Abrahamu, voosis’ula, enamuna emosaru ya makhalelo. Ekhotto yuulupale yoopacerya, vano, mulaponi mootheene. Muluku onthuna wira an’Awe yiivalaanyeke ni exeeni? Woonu, olawhi, waapapela, woonu wunkha, wiiwa; itthokelelelo, ankhili, miyuupuxeryo, waanyiherya, isiveleliwo; itthu sothene. Etthukule miyuupuwelo saya ni ehiye Masu ekele-mo, ni yeetteke ni Masu. Owo ti nakhotto eekeekhai.

179 Eyo t’inamuna sinkhal’aya ittheneeri. Mukhalelo wa nsuwa khorukununwe; sotiiyako. Ettheneeri y’oxaka envenya vooপুরoni vava va muteko, khula voosisu, siisaale ntoko yiiraly’aya okathi epattuxiw’aya elapo. Ettheneeri y’ohiyu enikhala vooপুরoni vava; khula ettheneeri. Muloko wa ittheneeri Mukhaani, nto okathi ene yoowo w’ehuhu, enikhala vaavo vene entthuney’aya wira ekhale. Ettheneeri y’Onikela nsuwa enikhala yoolipa ni kheniittikinya. Aleluya! Etthu yothene enrukurerya Ettheneeri y’Onikela nsuwa, sothene saya, okhala wira eyo enikhala varyari vene v’elapo.

180 Owo ti Kristu. Amen. Owo onkhala vo, onaaruma anakhotto Awe ntoko Mukhulupale muulupale.

181 Ntoko Moise vamwaako ni miyoono sawe osulu, vano Isarayeli aamuwana, otthukulaka ephiro awe y’ovira, nto owo aakhala ni matat’awe osulu. Owo aakhala ni matat’awe osulu mpakha nsuwa otupweela. Awo yaahaana ovarelela matat’awe osulu. Owo aari Moise.

182 Owo aari ethooneryo ya Kristu. Wira olipiherye wira matat’Awe yaakhala osulu, matat’Awe yaakhomeliwe vamwiikimanyo. Aleluya! Nto Owo oowela ixiri sa Moovuwani, olelo, ni ikuwo Sawe s’Ephome ohoolo wa Muluku, moonu woolopwana w’Omwene Awe Iwe. Nto ekhotto, wa khula nakhotto, onootthukula ephiro awe y’ovira. Khenikicala etthu eniiranya; ni Masu a Muluku, owo onootthukula wira otaphuwe. Amen.

183 Ntoko mwalyakhu muhina mwa nooce, ankhil vaakhanle wira aamoova wunla? Ankhil vakhala wira owo aamoova ottyuula nooce? Ankhil mwalyakhu mwaamukhaani muhina mwa nooce, mwaapalame mwaamukhaani, aamoova othorola nikatamphe na nooce? Ankhil vaakhanle wira owo aamwiwelela nsu na vate, wira, “Muhithorole nikatamphe nlo, munimwiituthula”? Masi ephattu ene mmansaya, mwa

mwaapalame, ennimuleela, “Muworokhole! Mukumihe mwiithe vaavo.”

184 Muhiye mitthenkeso sothene sa khalayi siire, “Mahiku a miiriya aamala. Nyuwo munimwiituthula. Nyuwo munookela moothipelelani.”

185 Muworokhole nikatamphe nene, voviilipihexa sinwery’anyu. Aleluya! “Satana, mukhume vo! Miyo kinookhumela ota.” Ti yeeyo. “Miyo nkinikhala-tho, mu. Miyo nkinikhala-tho, mu. Miyo nkikhanle-tho vapuwani va va xetwani. Miyo kinoothorola ephiro aka wira kikhume, voosis’ula. Amen. Miyo ka xawawe.” Amen! Aleluya!

186 Masi xawawe ole mwaamukhaani, exiko ele ntoko martela a mukwaha iwe, oworokholaka nikatamphe nle. Hata wira nikatamphe naalimpe sai, owo aamuworokhola mpakha otyuula. Naanaanoru, nto, owo aamuwerya omoroxa mapupha awe vakhaani. Owo aari sana.

187 Muworokhole ephiro anyu y’okhumela ota. Ti yeeyo. Muniira sai yeeyo? Mmanaka ni, “SIISO ANIHIMYA T’APWIYA. SIISO ANIHIMYA T’APWIYA. SIISO ANIHIMYA T’APWIYA.” Vookiserya, munoopacerya wiimurya epheyo yooriiry. “SIISO ANIHIMYA T’APWIYA.” Mukumiherye muru anyu ota. “SIISO ANIHIMYA T’APWIYA.” Mwiilipihe sana vano, munookhuma!

188 Owo khonthhikela-tho munikatampheni. Amen. Owo t’otaphuwa. Oh, wulu! Masu awo emalakarū okela, muhina mwa miyoonelo iyo sothene ni ankhili ni itthu, wira sikhalihe sana *va*, ni muupuwelo owo onootthukuwa khukeliha Yaawo. O Muluku, animorele ikharari! Khiyaavo hat’etthu enkhalakhala ekhalihaka epottha. Mootaphuwa. Ole okhalihawe ootaphuwa ni Mwaana ori ota wa nikatamphe. Muromolelo anyu khonwerya-tho owiihanani wira mutthike. Xetwani khonkhalakhala-tho overyaka owiirihani etthu. Owo pooti woopa muturi ni orunya, nto.

189 Masi nyuwo muri Ephiro yuulupale, mutthyawaka wo waakuva saana, oh, wulu, mutthyawaka nwelaka Ephiro ya Mwene, anakhotto ooreerihiwa a vamwiikimanyo. Ni ti nyuwo othene axawawe, ni waamini, munvuwihe Yesu, Muthuko wa mulaponi, mutthyaweke nwelaka Ephiro ya Mwene. Vekeekhai. Ayo, mulopwana!

190 Sookhala “irooho sinrumeela,” sirummwe sikhumaka Ohoolo wa Muluku, wira sikhale arumeyi, wira sirumeele (exeeni?) Masu Awe; kahi teologia, masi Masu a Muluku. Iyo irooho sinrumeela, sirummwe sikhumaka Ohoolo wa Muluku, wira sirumeele. Irooho sinrumeela! Oh! Nto, muupuwele, saarumeelaka etthu ekina yoohikhala Masu, eyo khekhumme wa Muluku. Okhala wira, “Masu Anyu okathi wothene annilipiheriwa Wirimu.” Okathi wothene, Wirimu, Masu ya- . . .

Muluku onnithokererya Yaawo. Ni Owo khonrowa nnakhala oruma erooho wira erumeele etthu ekina ohiya Masu.

<sup>191</sup> Owo khonruma erooho ni D.D.D, Ph.D. muulupale, ni mukala awe wookhuneliwa ottuli, itthu sothene ntoko seiyo, wira, “Ahe, vekeekhai, mahiku a miiriya aamala. Hiyo othene noosuwela eyo.” Nnari, nnari. Eyo khekhumme wa Muluku. Eyo ti yoovirikana ni Masu. Amen.

<sup>192</sup> Owo onruma ele enrumeela Eroho ya Masu. Amen.

<sup>193</sup> Oh, miyo kaahikhalana itthu sikina soophiyaka xexe wala thanu, masi kinoohiya orowa okathi ula, kinookuxa Ettiminku enirwa. Vaareera.

Satana ni axetwani awe annirehereriwa.

<sup>194</sup> Vakhala wira irooho iya sa malaikha sinnireerihwa wira sooruheleni Masu, wira siwaaminiheni Masu, vano mwaamuwerya woona vatthu otonko anyu omwiiwa profeta, profeta eekeekhai a Muluku, okhooataka Masu a Muluku? [Muthukumano oniira, “Nnari.”—Mol.] Nnari, mulopwana. Exeeni yiiraneieye okathi mitthenkeso sa nihiku naya saavenny’aya khwira, “Vano, owo oovonya”? Owo aari mmansawe, ni aari meekh’awe. Owo iirale, “Ti ekeekhai.”

<sup>195</sup> Nkanweheni Mikaya iwe nihiku nle, santu oophirikeya mwaamukhaani, moone, mwaana a Yimula. Yaahikhala imiya xexe oorehereriwa, yaahimmwa okhala, maprofeta oorehereriwa, othene oolyihiwa sana, ni ookhalihwa, ni iniivele suulupale, ni asomi oosoma sana ni oorattihwa. Khwira, “Rowakani, mwene ahu ooromeleya. Apwiya ekhale ni nyuwo. Ele ti yawihu. Yoxuwa t’onivanhe. Vano nyuwo murowe mwakuxe. Vekeekhai ti yeeyo. Murowe mwakuxe. Exeeni. . .” Owo khwira, “Ahe, Yoxu- . . .”

<sup>196</sup> Nyuwo moosuwela, Yosafati khwira, “Khokhanle-tho mukina, nipuro nlo?” Ahe, awo yaarina imiya xexe. Mwaha wa xeeni ohiwaaminiki ale imiya xexe? Owo khwira, “Masi, vekeekhai nyuwo muhaana mukina, nipuro nlo.”

<sup>197</sup> Khwira, “Miyo—miyo. . . Ahe, hiyo nihaana mmosa. Ookhala mukina mmosa, masi, oh, miyo kinnimunyokha.” Hum! Munnona?

<sup>198</sup> “Vo—vo, owo ti mmiravo kaatthun’aka wira kimwiiwe, moone.” Khwira, “Mmuruuhe. Nrowe noone etthu onrow’awe ohimya.”

<sup>199</sup> Nto siiso awo khurowa khimuleela, khwira, “Vano, mwiiwe. Nyuwo mutthokihe oratteene olaleerya wanyu, voosis’ula, ’okhala wira munrowa omulaleerya mwene. Munrowa omulaleerya a. . . othene—asosiasawu ministeriale a *lexe ni lexe*, moone, a oPalestina, asosiasawu ministeriale othene. Vano, nyuwo muupuwele, ela t’itthu awo ahimmy’aya. Nyuwo



muhimye etthu emosaru. Nyuwo mwaamini etthu emosaru.” Ele ekhaani. . .

<sup>200</sup> Owo—owo aarina mutthu oovonyeya vo. Mulopwan’ole aahikhuma mowaanyiheryani mu mwa khalayi. Owo aahikukuttha iphaka sothene, moone, ankhili awe.

<sup>201</sup> “Nto, ahe, vano, moosuwela etthu awo anrow’aya wira? Nyuwo mwahimyaruru etthu emosaru, kinnitthokelela wira awo animookhalihani humu a otistritu. Alakela awo animookhalihani. Awo ani—awo animookhalihani mulipaoowehexaxa a atthu othene a etistritu ila vaava, nyuwo mwa—mwairaana vale n’awo.” Owo khaari mulopwana eekeekhai a Muluku.

<sup>202</sup> Vano, iphaka sawe saahikukutthiwa, ankhili awe othene ni itthu sothene saahithuwa. Muupuwelo awe waahitthukuwela Masu a Muluku. Nto Masu a Muluku, paahi, owo aamwaamini. Iyo ti sikhanelle irooho sinrumeela. Eyo t’ekhanle erooho enrumeela.

<sup>203</sup> Owo khwira, “Nkinsuwela etthu yo ohimya vano. Masi, miyo kinimooleelani etthu emosa ela, miyo kinoohimya paahi ele Muluku onikileel’awe wira kihimye.”

Vano awo yaahiwehererya ohiy’ule. Owo khukhalana yoowoona.

<sup>204</sup> Voosiisu aya, kinniwerya omutthokelela Mikaya owehaka mwa Soolempwa ni wira, “Vano, nrowe noone vano. Yoowoona eyo enni. . . Vano, axilopwana ale othene, yookhala etthu evonyeie va nipuro nlo, ’okhala wira Eyo ti yoovirikana n’ile awo ahimmy’aya. Ahe, Eyo enihimyani? Nrowe noone ele Eliya ohimmy’awe ottuli nno, profeta, ’okhala wira hiyo noosuwela wira owo aari profeta. Noone etthu. . . Masu a Apwiya yaamurwenle Eliya. Ayo. Nto Awo yaahimyani? ‘Ni alapwa anoolata ephome anyu. Yesabeli, alapwa anoomukhuura. Ni ’mwaha wa naxariya Akhabi. . . naxariya Napoothi.’” Owo khwira nto. . . Voonaly’awe yeeyo, owo khoona wira yoowoona awe yaari yoolikana sana ni Masu a Muluku, nto, Akhabi ule mutokweene aahikhalana eyo emurweelaka.

<sup>205</sup> Khweetta mpakha vale, khwira, “Murowe. Masi koomoona Isarayeli. . .” Moone, owo khuuleliwe muru ohimya yoowoona awe nto, ’okhala wira yaari Masu a Apwiya. Owo aanisuwela wira aaniwerya okuxa etthu ile voolikane-ene. Exeeni? Owo aahitthukula murim’awe, muupuwelo awe, wa Masu a Muluku, ni Masu a Muluku yaahuupululiwa khalayi, tivo owo aanisuwela wira ele yaari voolikane-ene Masu a Muluku.

<sup>206</sup> Vano, nyuwo muniira, “Oh, vaakhanle wira kaaniwerya paahi okhala Mikaya!” Munooowerya okhala. Nyuwo mwa yoowo. Nyuwo mwa yoowo, nave, oophentiwa. [Munna Branham onlavula-tho ni munna muthiyana onwereiwa—Mol.] Nyuwo mwa Mikaya, profeta. Mwiireke exeeni? Mutthukule

muupuwelo anyu. Exeeni entthun'aka wooleelani voosiis'ula? Masu a Apwiya. Munnona? Mutthukule muupuwelo anyu, mwiire, "Vano, moosuwela, miyo kinnaamini wira kinoowerya ovonihiwa." Ahe, exeeni Iyo, nto? Awo ti Masu a Apwiya? Vekeekhai, Awo ti Masu a Apwiya.

207 Nto mmiravo *ola* va oniira, "Mahiku a miiriirya aamala. Khamunwerya wira *ela*. Ni nyuwo. . ." Muliyaale eyo. Mmuhele Muluku okhale oopacerya.

208 Va anoorwa Masu a Apwiya, vano owo khulavula Yaawo, vano Awo khukhala siiso.

209 Vano, exeeni Satana iiraly'awe? Satana aahikhalana akina oorehereriwa. Vano, Satana onnaarehererya arumeyi awe. Oh, vekeekhai. Uh-huh. Vekeekhai. Owo onnaarehererya arumeyi awe. Owo onaareherya n'ixeeni? Ni ohaamini. Satana ni axetwani awe anaarehereryasa atthu wira ehaaminiki Masu a Muluku.

210 Vano, nyuwo mwaatthunaka olipiherya yeeyo, mukhunle Maphattuwelo 3:4. Nrowe nikhunle ottuli nno nto niiwe ela, minuutu mmosa paahi, noone sinto kahi mwiirelo awe woopacerya. Eyo t'itthu yoopacerya owo iiralyaawe. Owo khonahiyeke miirelo sawe seiyo. Owo onniira okathi wothene. Vano, moone paahi sinto eyo—eyo ti yeeyo. Vano, owo khaavanyinhe Masu. Owo aamwiirinhe ole otaphulela Awo voovonyeya vakhaani, moosuwela, wira paahi okhalihe oowiiweya ntoko owo saatthun'awe wira Awo yiiweye, muhikuxe Masu othene. Vano, Maphattuwelo, miyo kookhalana va, Maphattuwelo 3:4. Nrowe noone sinto eyo t'ile eyo ehimmy'aya vano. Vaareera.

*Enowa yaahimwiirela muthiyana wira, vekeekhai  
khamunookhwa:*

211 "Vekeekhai khamunookhwa." Munnoona moota owo aahimmy'awe? "Oh, hiyo nookupali wira mahiku a miiriirya aamala. Hiyo khinnaamini wira yookhala etthu iyo ntoko atthu waakhela Eroho Yowarya ntoko siiralyaaya oPentekosite. Oh, khula enamuna munipatisiw'anyu, khivanvirikana hata vakhaani." Munnimoona xetwani? Munnoona miirelo sawe? "Ahe, vakhala wira tothoro ooleenleni wira khivanweryaneya nyuwo openuwa, eyo ennimaliha mwaha."

212 Vano, kahi ohimwiiweleliha, ohimwaamini tothoro. Tothoro onivara muteko omuttharihaka siensiya. Ni tothoro ohiira itthu sothene owo onwery'awe, wira oopole ekumi ya mutthu, nave khivanweryaneya woopoliwa, okhala wira khiyaavo hat'etthu ekina owo onsuwel'awe wira. Owo oophiya woomaleloni wa miruku sawe. Mulopwan'owo ohaana exariya. Masi, vano, mwiri wa osuweliha ori sana, masi nyuwo mwaarowaka mpakha owo vammalel'aya, vano mutuphele Mwiri w'Ekumi nto mutthikele murowaka. Amen. Ti yeeyo. Owo onoorowa ottaiwenexa. Ayo.

213 Vano, mwiirelo wa Satana oniira exeeni vano? Owo aahimye exeeni va? Vano nwehe 1 ni e—eversiikulu 2. Vano muhiye—mukihiye kisome eversiikulu 1 va, mpakha 3.

*Vano enowa yaari mulavilavi ovikana sothene, khula enama ya mmatta APWYA Muluku saapattuxalyaya. Vano eyo khumwiirela muthiyana, ekeekhai, wira Muluku oohimya, Nyuwo muhilye...miri sothene sa mmatta?*

214 Nkamwiiweni uwo vano, moota onikhal'awe oophweeliha, ni moota owo—owo onikhuneel'awe Masu awo. Munnona? Owo ti...Exeeni owo oneerery'awe wira? Okela mmuupuweloni mwawe. Munnona? Owo onlavula n'owo, vaamanly'aya Masu olipihiwa vale.

215 Vano, muhimuhiye Satana olipiha hat'etthu. Munnona? Mukhale ni Masu a Muluku oolipihiwa mmurimani mwanyu. Munnona? Nyuwo mwiire yeeyo. Vano nwehe, nyuwo aMikaya.

*...muthiyana aahaakhula enowa wira, Ninniwerya olya mihokorokho sa miri sa mmatta: masi mu... .*

*Masi muhokorokho wa mwiri ori eriyari (variari, moone) mmatta, Muluku...ohimye wira, Muhilye-ru yoowo, nnakhala muhivare-ru yoowo, mwalya-ru munimookhwa.*

216 Moone, vano, awo ti Masu. Owo onthikela omuleela Yaawo. Vano nwehe.

*Nto enowa khumwiirela muthiyana, Vekeekhai khamunookhwa:*

217 Munnoona mwiirelo awe? Munnona? Owo oneererya wira exeeni? Mutthu ule oopacerya, owo oneererya omurehererya muthiyani'owo ooreerexa vo, mwaana muthiyana a Muluku, ni ohaamini Masu a Muluku. Vekeekhai eyo t'ile owo oneerery'awe omuphihiha wira owo iire.

218 Ti yeeyo owo oneerery'awe wira nyuwo muphiyererye wira, oophentiwa. [Munna Branham onlavula-tho ni munna muthiyana onwereiwa—Mol.] Ti yeeyo owo oneerery'awe omuphiiherya khula mmosa a nyuwo wira mwiire, ota iwo, woorehereryani. Nto etthu emosa paahi erin'anyu wira vano... . Nyuwo mwa mutthu ootthuna vootaphuwa. Vano nyuwo munoowerya okupali iyo mwatthuna vale. Masi mukumihe. Vaakhanle wira Hawa kheemenle okathi ule, wiira awiriyane! Muheemele mwaha wa hat'etthu. Muheemele.

219 Okathi—okathi Eliya aamuleenly'awe Gehazi, wira, "Mmukuxe ttootto aka, murowe mwampweherye mwaana okhwiiye. Ni akhala mutthu ti mutthu onlavula ni nyuwo, muhimwaakhule. Akhala onthuna oweemexani, mukhale murowaka ohooolo paahi."

220 Nkanweheni muthiyan'ole vaamwiihanne awe murumeyi awe. Owo iirale, "Mmuwele mwaapuuru murowe, ni muheemele mpakha miyo woorumani." Ti yeeyo.

221 Okathi muniwaanyu Mutthaka, mutthikele murowaka. Amen. Wira, "Nkinwerya weetta kiwelaka-tho. Nnari, koopacerya wooceya." Mukhale murowaka paahi. Muheemele. Mukakhaka itthu sothene, mukhale mphovaka paahi. Munna, nyuwo mookhalana Xoowa mmatatani mwanyu, mukhale muthikilaka paahi.

222 Miyo kaahikela mukampu mwa poola, emaara emosa, nto kaarowa olaleerya. Vano miyo keemela vamukhora kiweha osulu, osulu iwe. Yaahimya wira, "Kahi wunnuwa wa mwalapwa mukhottoni. Ti wunnuwa wa ekhotto mwa mwalapwa." Vano eyo t'enzinxinta ekhotto. Munnona?

223 Nyuwo muniira, "Ahe, nkawehani. Nkawehani ikereja sothene suulupale sinoovirikanya Ela."

224 Miyo khenikicala wunnuwa xeeni iyo siri-aya. Ti ekhotto eri mwa mwalapwa, ti yeeyo entthuneya. Ti waamini ori mwa mutthu. Nyuwo mwaari namoova, mutthikele mmuttuphani mwanyu moolemeya-mo. Masi, munna, mwaari nakhotto, mweemele ota iwo. Yookhala ekhotto eniiraneya. Ekeekhai ni yoovonyeya t'eri mukhottoni. Nrowe niwane.

225 Ntoko Peter Cartwright, aaroorowa epooma emosa, khwira, "Apwiya arookileela wira—wira kikele mu kikhallane muhakalaliho." Owo khimurentteri arumasiya mmosa a khalayi, khuvolowa mme khupacerya omutatha.

226 Nto namapuherya mmosa muulupale a mpooma, omuthomeiye-ene kapwitthi mpararini mwawe, khweetta orwaaka. Khuphiya vamikhora... Akina a awo, khwira, "Exeeni eniir'awe mmirav'ole ohitto iwe?"

227 Khwira, "Ole mulaleyii. Onrowa okhalana muthukumano, ohimya wawe."

228 "Ahe," owo khwira, "kinoona wira kihaana orowa kamsukhumele ota mphironi, ni kimoomole akhume mu. Ti yeeyo tu. Hiyo khaninthuna hata mithukumano mmuttettheni mwahu."

229 Vano owo khurowa vale, khunyakela mukhora. Vano Peter Cartwright aawanre ekhasako awe, moosuwela, vano owo aarapiha icanela ni ixiri. Mutthu mmosa ookhweya, moosuwela.

230 Mulaleyii uwo mutokweene khimutheya, moosuwela, mwaha wo omukhuura mwalakhu ni matat'awe; yeeyo ekhanle ekano olelo, moosuwela.

231 Vano owo aarapiha icanela paahi ni otthokiha mapuro othene. Namapuherya muulupale ole khurwa, khusukhumela

ekhasako awe ottuli, kapwitthi ori-ene mpararini mwawe, khwira, “Muniira exeeni?”

232 “Oh,” owo khwira, “Kinrapihaka icanela.” Vano owo khutthikela orapihaka ecanela, moosuwela. Yookhala etthu owo aatthun’awe. Muluku aaroomuleela wira okhalane muhakalaliho. Orapihaka icanela, siisaale.

Ole khwira, “Hiyo khanintthuniherya mihakalaliho mapuro ala nno.”

233 Owo khwira, “Oh, masi Apwiya akileenle wira—wira kikhalane muhakalaliho ola.” Munnona? Owo khukelela ohoolo paahi, ovaraka muteko awe. Munnona? Munnona?

234 “Ahe,” owo khwira, “yookhala etthu emosa nyuwo—nyuwo muhaana wiiwa sana.” Owo khwira, “Miyo kinlamula epooma ela nno.”

235 Owo khwira, “Oh, ti nyuwo?” Vano owo khutthikela orapihaka icanela paahi, moosuwela.

236 Owo khwira, “Muhinatthi okhalana muhakalaliho, muhaana okeepettha miyo toko.”

Owo khwira, “Oh, kihaana? Ahe, miyo kinimwiira yeeyo ohoolo nto.”

237 Owo khurula ekhasako awe. Khweetta mpakha vale, khimuvara mukala, khummana khummoroxela vathi, khimutuphela vamuru vawe. Khwira, “Kihaana owana, vakhala wira kihaana oruma. Mwincererye ominyala waka, Pwiya.” Khimuphameela piriniisi yoowo.

Khwira, “Ehoophiyeryani?”

238 Owo khwira, “Ayo.” Owo khuvenya khunvaha mukhono. Owo khoopowa ohiyu yoole, mukereja.

239 Nyuwo muri vo. Munnona? Eyo ti, okuxa Masu a Muluku ni ophova ephiro muhina wa ohoverya wothene. Munnona eyo? Vekeekhai, ti yeeyo. Owo ti muteko ontharelana, nrowe nivare. Ekeekhai. Etthu enttharelana wira kiire ohiya ohoverya waka, omoroxa. Owo ti muteko aka ontharelana, ti ohiya osarasareya waka wothene. Vakhala wira miyoonelo saka sinikileela wira, “Ahe, munoona owereya,” etthu yootharelana wira kiire othikila etthu iyo. Ti yeeyo.

240 Nyuwo muniira, “Ahe, nyuwo... Awo anikileela wira... Nyuwo moosuwela, ankhili aka anikileela wira, Munna Branham, wira miyo...” Ahe, ni nyuwo munoowerya othikila etthu iyo. Khamunrowa ophiya hata ottaiwene ovikana yeeyo. Nvare muteko anyu ontharelana. Murule ekhasako anyu nto mukele mwa yeeyo voohiwar’etthu. Mukhale murowaka paahi. Etthunelo emosa, “Kinoorowa oxintta.” Amen. “Khivanweryaneyya oxinttiwa. Kinoorowa oxintta.” Amen.

241 Satana onnirerhererya. Munnona? Mwiirelo awe woopacerya t'uvi? Ti nvi naari nipuro nawe noopacerya okela? Muupuwelo. Muthiyana khweemela okathi vakhaani, wira iiwelele etthu owo aahimmy'awe. "Oh, nyuwo khamunihimya siiso?"

242 Ti vaavo axithiyana anci-ene anivonyaaya-vo, ni axilopwana anci-ene anivonyaaya-vo; ekeekhai, eemenle okathi vakhaani, eemenle okathi vakhaani paahi. Moota imaara sinci-ene miyo otonko aka woona myaha soomwalana ni itthu siiso okhumelela, mwa yeeyo.

243 "Ahe, miyo kinimooleelani, Munna Branham, owo oopale muturi ntoko e 'uish-wish' moosuwela, nto miyo khweemela, nto, ohimya exariya, miyo—miyo nkaatthuna." Uh-huh. Nyuwo muri vo.

244 "Oh, owo, miyo kaarookilaathi ohoolo wa mesa awe. Owo—owo aarina maitho ooreerexa!" Munnona? Uh-huh. Munnona eyo? Ti yeeyo.

245 Xetwani oniira etthu ene yeeyo. "Oh, tothoro okileenle wira khivaaweryaneya miyo openuwa, vano miyo. . ." Nyuwo muri vo, etthu emosaru, moone, ekhotto yuulupalexa yaatonko owaniwa.

246 "Ahe, awo anikileela wira. . .miyo kinnimoona *Lexe ni lexe* ohimyaka wira ookhalana Eroho Yowarya." Ayo, nyuwo mmoonale nawoothe mmosa a khalayi. Ankhi ale vekeekhai yaarina Yeeyo? Uh-huh. Ayo. Xetwani onimoothoonyeryani ecampo ya nakhuku a khalayi, masi owo khonrowa owoonihani epompa y'ekeekhai. Uh-huh. Ti yeeyo. Owo khonrowa owoonihani yeeyo, nto owo onookhaliha eyo yoohooneya wa nyuwo.

247 Oh, owo nakhottoo, nave, muupuwele. Masi muulupale t'awihu. . . "Muulupalexa ti Ole ori mwa nyuwo, omuvikana ole ori mulaponi." Masi nvarelele Masu a Muluku; mwaamini Yaawo, nyuwo akhulupale a anakhotto va. Nvarelele erinka anyu, munna. Ti yeeyo, nvarelele opuro anyu wa muteko.

248 Vano, kaahikhalana mwaamuthiyana mmosa va, emaara emosa. Muhan'owo siiso okilanthi-ene va naanaano. Nsina nawe naari Nellie Sanders. Emaara yoopacerya kaatonko aka omoona xetwani woomoliwa. Hiyo naakhala, vano, vakhala wira kinniweriya wuupuwela nipuro nene; ni nnikhala ikwarterawu soophiyaka tthaaru osulu nno, ovikana omahiye. Nto miyo kaammala—ru okhala mulaleyi, ni kaalaleerya vaava ekompa ela, ni muthukumano wa muheemani.

249 Nto mwaamuthiyana owo aari mmosa w'alipa—oowiina ooratta. Owo aarowaka oxikola sekuntaariya ohitto nno, vano owo ni Lee Horn. Ni anci-ene a nyuwo opooma nno munnimusuwela Lee Horn ohitto nno, onihoolela esaala ya ipilyaare. Nto siiso awo, owo ni Lee Horn, yaari alipa—oowiina ooratta yaakhanle mulaponi. Owo muKakatolikaa, yoowo ene.

Vekeekhai, etiini khiyaahimya hat'etthu wa awo, tivo awo. . . Nellie n'awo. Vano, owo aari mulipa-oowiina muulupale, ni ole aari siiso, nave. Nto awo yaarinasa wiina nno va onihaniwa "black bottom," ni "jitterbugs," ni itthu iye sothene. Vano owo aari mu. . . Awo anli yaarisa oorattexa mulaponi.

<sup>250</sup> Nihiku nimosa, owo khurwa nno oveveleyaka, ohiyu umosa, mpakha vamuthukumanoni. Vale owo khumora, waltari, Nellie mwaamukhaani. Oreerihiwe murim'awe. Owo khukhala vale waltari. Owo khuyenxa muru awe. Nto khunla, nto maithori emoraka mmalakuni mwawe. Owo khwira, "Billy. . ." Owo aanikisuwela. Owo khwira, "Kinthuna koopowe, othunexa."

<sup>251</sup> Nto miyo khwira, "Nellie, enooweryaneya nyuwo woopowa. Yesu oowoopolani, mwali. Nyuwo muhaana okupali naanaano muttharihaka Masu Awe."

<sup>252</sup> Vano owo khukhala vale. Nto owo khuyanla, khuyalompa, ni khimuleela Muluku wira owo khaarowa-tho wiiwelela itthu sa molumwenkuni. Naanaanoru, murettele woomaaleleya khurwa mmunepani mwawe. Owo aavennyeye vale, onyakulaka ni omuttotopelaka Muluku, onvuwhaka Muluku.

<sup>253</sup> Nto vaviraly'aya miyeeri soophiyaka mithanu na mosa wala mithanu na miraru, owo aamukhuruwela Ephiro Spring, ohiyu umosa.

<sup>254</sup> Vano, mwali paahi, owo aari okathi awe w'emwali, oophiyaka miyaakha muloko ni mithanu na miraru. Nto owo khukirweela, vano owo khwira, "Hope. . ." Awo yaari amwaar'aka, ale aronwe. Owo khwira, "Kaanitthuna kikhalaka ntoko Hope ni Irene." Owo khwira, "Moosuwela, awo khanakhumaseke ekelaka molumwenkuni." Khwira, "Olumwenku onnihela nlepa mwa nyuwo." Khwira, "Kinooneya onanara." Khwira, "Vano, koohiya wiipintari ni itthu siiso, masi kinooneya okhala oonanara sana. Hata ekhalelo aka, owiitho waka," owo khwira, "Kinooneya onanara." Owo khwira, "Awo anooneyasa okhala a nneema ni ooreera murima." Khwira, "Kaanitthuna kihinre siisaale."

<sup>255</sup> Miyo khwira, "Nellie, Ephome ya Yesu Kristu ennikukuttha itampi sothene, oophentiwa. Mukeleleke ohoolo, mwaamini."

<sup>256</sup> Wayne Bledsoe, anci-ene a nyuwo munnimusuwela va, mpatthani aka a vatthirima, mwa miyaakha ni miyaakha. Owo aari namuhapaliwa. Nto owo khurwa va ni muhim'aka, Edward. Vano owo aarohapaliwa ohitto nno mphironi, vano miyo kimuttotta, 'okhala wira mapiliisa yaamurowa omuvara. Vano miyo kimuruuha nno. Ni miyo kaari mulaleyi ni kaakhala osulu nno, w'ame aka n'atithi aka, kiira kihinatthi othela. Vano miyo kimukuxa, kimupweha voolilini mpaani mme. Miyo kinrupa. . . kaarupaka voolilini wookhuneya. Naahikhala nikhuru nuulupale na maBranham, moosuwela, naari muloko. Nto siiso hiyo naarina ikatthi soophiyaka xexe, nto hiyo

naahaana wiikhuna, vakhaani. Vano, kaahikhalana olili waakhuneya waarup'aka-vo. Miyo khipurula *siisa sa*, nto—nto kimupweha Wayne voolilini ni miyo. Oohapaliwa, kaahaana omuroiha mpaani khumwaatalela.

<sup>257</sup> Ni miyo kaammanthi vaavale. Miyo khwira, “Wayne, khamunuuliwa muru mmansinyu, siiso?”

<sup>258</sup> Nto owo khwira, “Hum, Billy, muhilavuleke ni miyo siiso.”

Vano nto miyo kimwiixathera ntata naka. Miyo khwira, “Kinrowa woovekelelani, Wayne. Muluku ooreeriheni.” Nto miyo kiira kooonwe-ene vooviraka, oh, kinoona wira vooviraka, khino mwaakha ntero.

<sup>259</sup> Nto siiso vo, naanaanoru, e—ekaaro, khumana mukhora vate voowiilipiha, nto mutthu omanaka vanci-ene. “Munna Bill! Munna Bill!” [Munna Branham ommana vapulpitu—Mol.]

<sup>260</sup> Kuupuwela, “Wulu, muluku aka, ookhala onookhwa.” Miyo kitupha, mpakha vamukhora; kikuxa etthu aka ya khalayi vale, kiriha epicama aka, *siisa sa*; kimukhuneela Wayne. Kitthimaka kirowaka vamukhora.

<sup>261</sup> Iiweya ntoko muthiyana. Miyo kihula mukhora, vano mwali ula eemenle vamukhora. Owo khwira, “Oh, pooti ovolowa?”

Miyo khwira, “Nvoloweke.” Vano miyo khwaapattiha aluuxu.

<sup>262</sup> Nto vano owo aamunla paahi siiso, nto owo khwira, “Oh, Munna Billy, miyo koo—miyo koo—miyo koomalamala! Miyo koomalamala!”

<sup>263</sup> Miyo khwira, “Exeeni eniiraneya, Nellie? Muniwe—muniwereiwa murima?”

<sup>264</sup> Owo khwira, “Nnari.” Owo khwira, “Munna Bill, miyo kaamweetta mphironi Spring.” Owo khwira, “Ohimya exariya, Munna Bill! Ohimya exariya, Munna Bill, nkaalakenle wira yootakhala. Nkaalakenle wira yootakhala.”

<sup>265</sup> Miyo khwira, “Exeeni eniiraneya?” Miyo kuupuwela, “Kinrowa omwiiriha exeeni ula vano?” Miyo nkaasuwela etthu yo wira. Miyo, kiryeene mmiravo paahi. Vano miyo. . .

<sup>266</sup> Khwira, “Oh, Munna Bill,” khwira, “Miyo kihanle—miyo kihanle—miyo kihanle onyohowa.”

Miyo khwira, “Vano, nkamaalani, munna. Mukileele sothene siiraneye.”

<sup>267</sup> Nto owo khwira, “Ahe,” owo khwira, “Miyo kaamukhuruwela kittharaka ephiro, nto Esaala Redman. . .” Vano awo yaanikhalanaka wiina wa Saapatu ohiyu weiwo. Vano owo khwira, “Kaahikhalana itthu kamosa—kamosa, kaarowaaka ottotthela evestiitu owaani.” Nto owo khwira, “Miyo khwiwa esipo ele.” Nto owo khwira, “Moosuwela,” khwira, “Miyo kirimweemela minuutu mmosa paahi.” Vano khwira, “Owo



waamutthikela oreeraka. Vano miyo kuupuwela, ‘Moosuwela, khenrowa onanara keemela-ru vaava.’”

268 Ti vaavo owo aavonny’awe, aarimweemela okathi vakhaani. Owo aarimwiiwelela paahi.

269 Khwira, “Ahe, kinrowa wuupuwela.” Khwira, “O Pwiya, Nyuwo moosuwela wira kinnoophentani, nnakhala vo.” Khwira, “Nyuwo moosuwela wira kinnoophentani, Pwiya. Masi kinniweya vekeekhai wuupuwela okathi Lee ni miyo naaphwanyak’ahu i—itthuvo, ni sikina.” Khwira, “Wulu, kinnuupuwela esipo eyo ya khalayi yaanikivara murima. Eyo khenikivara vano.”

270 Uh-oh, uh-oh! Nyuwo munimuupuwela paahi wira khenoovarani. Eyo ehoovarani, vaavo vo. Ti yeeyo tu owo onthun’awe, vaavo vo. Munnona?

271 Akavi atonko omusuwela Nellie Sanders? Ahe, kinoona wira othene anyu. Ayo. Vekeekhai. Vano awo—awo yaarisa—awo yaarisa. . .

272 Khwira, owo khwira, “Ahe, moosuwela?” Khwira, “Khino kawela-ru ixikatta osulu iwe,” khwira, “khino kinoowerya waahimeerya onamoona amosa-amosa a yaawo.”

273 Oh! Moone, muri vapuwani vene va xetwani. Mukhume-vo. “Mutthyawe eyooneleyo ene ntoko etthu yootakhala.”

274 Masi owo aaroowela, mpakha osulu wa ivitto, khukhala weiwo minuutu vakhaani paahi. Nto naanaanoru, owo aari mmoononi mwa mmiravo mmosa, vathi vale.

275 Vano owo khwiisuupuwela. Vano owo aaphwanyaneya vale, onlaka ni orowaka, khwira, “Oh, koopweteya vano, khuluwi. Miyo. . .”

276 Miyo kuupuwela, “Ahe, nkimmusuwela sana Bibilia, masi kookupali wira Yesu oohimya ela, ‘Mwa Nsina Naka anoowoomola axetwani.’” Miyo. . .

277 Nto Wayne yaahimuukuluwa, vakhaani, vano aakilanthi vale, owehaka. Munnona? Vano miyo khwira, “Vano, xetwani, miyo nkinsuwela nyuwo mw’ani, masi miyo kinimooleelani naanaano, ola ti munn’aka, ni nyuwo khamurina naata yo omuvara ola. Owo kholakenle wira siisaale. Owo arimweemela minuutu mmosa paahi.” Ti vaavo owo vavonny’awe, nnakhala vo. Miyo khwira, “Masi nyuwo muhaana omukhuma ola. Munnikiwa?”

278 Nto vano mukikhaliherye, Muluku, Opwaro Woolamuliwa, osuwela. Mukhora ole wa nlaka khupacerya ohuleya n’uwaleya, mmansaya. “Plampity, plampity,” vaavale vamukhora. “Pamp, ka-plamp, ka-plamp.” Miyo kuupuwela.

Vano owo khwira, “Bill, nkawehani vale. Nkawehani vale.”

Vano miyo khwira, “Ayo. Exeeni ile?”

Owo khwira, “Nkisuwenle.”

Miyo khwira, “Nnakhala miyo.”

279 Nto mukhora khwira “pampty-pump, ti-pamp,” owaleyaka siiso. Miyo kuupuwela, “Exeeni eniireya va? Exeeni eniireya?”

280 Miyo kiweha-tho, *siisaale*. Nto miyo khwira, “Mmuhiye, Satana! Mwa Nsina na Yesu, mmukhume!”

281 Vahimmy’aka yeeyo, aakhala ntoko mulema muulupale, oorakama so, aakhumme ottuli wawe, ni maihi oorakama emorelaka mapupha awe ni inawu sawe, *siisaale*. Khurowa iiraka, “Oooooh.” Khukivira owiitho waka, ni ikuru sana okathi waakhum’awe.

282 Miyo khwira, “O Pwiya Muluku, Ephome ya Yesu Kristu ekaakiherye etthu ile.”

283 Nto Wayne khitupha voolilini, khuweha. Vano owo aari va, ntoko eruku yuulupale, khurukurerya, nto khurowa khuvolowa vathi ottuli w’olili. Wayne khikhuma voolilini khurowa, ekatthi yootharelana, voviiliphaxa ntoko saawerya’awe. Vano hiyo . . .

284 Miyo kimukuxa Nellie kimuroiha owanny’awe. Nto khutthika, nto miyo nkaawerya . . .

285 Amaama khuvolowa memme khutatha mikhumi ni itthu sothene. Khiyaakhanle hat’etthu voolilini vale. Yaari exeeni? Xetwani aaroomukhuma. Exeeni yiiraneieye? Owo aarimweemela okathi vakhaani. [Munna Branham ommana vapulpitu imaara piili—Mol.] Ti yeeyo tu.

286 Muheemele, nnakhala. Muluku aakelihaka Masu Awe mmurimani mwanyu, mmukuxe Xoowa owo mpacerye ohoma n’uthikila. Aleluya!

287 “Nkirina okathi wo owehererya hat’etthu ekina. Koolapuwa tu, nkirina okathi hata w’okhurunuwa.”

288 Owo khwira, “Ahe, mmukuxe ttootto aka mwampweherye mwaana. Nto akhala onlavula ni nyuwo, hata muhilavule n’awo.”

289 Xetwani iira vale, “Eyi, nyuwo moosuwela etthu enoowereyani?” Hata muhilavule ni yoowo. Mukhale murowaka paahi.

290 Xetwani, moosuwela, xetwani oniira, “Masi nyuwo moosuwela? Nyuwo moosuwela, *Lexe ni lexe*, okathi awo yaakhenly’aya Eroho Yowarya, munnuupuwela wira awo—awo yaahala ovahuwa.” Hata muhilavule n’uwo. Mukhale murowaka paahi. Nyuwo khamummusuwela *Lexe ni lexe*.

291 Ti nyuwo ni Muluku. Ti yeeyo. Mmukhalane Muluku. Owo onnaarehererya arumeyi Awe. Kihaana waakuva. Muluku onnaarehererya arumeyi Awe. Munnona?

292 Vano kihaana ohiya soolempwa kamosa-kamosa va, masi kaatthuna kihimye ela. Va, nwiriyane oratta-ene, vano.

293 Mwaamuthiyana, nwiriyane oratta-ene vano. [Munna Branham onlavula-tho ni munna muthiyana onwereiwa—Mol.]

294 Va hiyo ninnoona iyiirelo sa xetwani. Hiyo nniira sai? Vano, kihaana Soolempwa sinci-ene va, sa maprofeta ni itthu siiso, vatthu owo aarweenly'awe, ni atthu oohiyana-hiyana muhina mwa Bibilia, khwira etthu emosaru. Ti mwiirelo awe okathi wothene, oneererya owiiriha atthu ohaamini Masu a Muluku. Nwiriyane, nyuwo anakhotto a vamwiikimanyo. Nyuwo mwaahaaminiru Nuulumo nimoso na Bibilia oolempwa a Muluku, muhaakhiwa ikaruma.

295 Munnaamini yeeyo, oophentiwa? [Munna Branham onlavula-tho ni munna muthiyana onwereiwa—Mol.]

296 Muhaakhiwa ikaruma sanyu. Moohokolowa, nyuwo mwa metuusa. Nwareke ikaruma sothene sa Muluku. Amen. Hiyo nri mukhottoni. Ele Muluku ehimmy'awe ti y'ekeekhai. "Khula nuulumo na mutthu woothaa." Munnona? Masi naanaanoru nyuwo...oniwiirihaaweni wiiwelela etthu emosa, owo ti mwiirelo awe, muhaakhiwa ikaruma.

297 Itthu kavi Hawa aakhanly'awe oowiiwelela? Emosa. Owo aahaakhiwa ikaruma vaavo vene. Xetwani iirale exeeni? Oroopuruleya naanaanoru khukela mmpuweloni mwawe, murohoni mwawe, nto vaavo owo khuhononiwa. Eyo ekeekhai? Owo aahononiwe minuutu ene yoowo aakhiw'awe ikaruma, okathi ahaaminni awe Masu a Muluku. Veereera. Va hiyo ninnoona iyiirelo sawe.

298 Anakhotto a Muluku anirummwa "Owara ikaruma sothene sa Muluku." Eyo ekeekhai? [Muthukumano oniira, "Amen."—Mol.] Vano, nyuwo mwatthuna vale olepa Yoolempwe ene, yeeyo eri mwa aEfeso 6:10 ni 13. Munnona? Hiyo noosoma eyo okathi ovinre. Ti yoosoma ahu. Vaareera. Nwehe. "Nwareke ikaruma sothene sa Muluku." Nrowe...Mookhalana minuutu vakhaani? ["Amen."] Nrowe nitthikele va minuutu mmosa paahi. Nrowe paahi noone ele ekhanle ikaruma sothene sa Muluku. Vaareera. Nrowe nipacerye eversiikulu 10. Vano, nwiriyane oratte-ene vano. Nrowe nisuwele ikaruma sothene sa Muluku. "Vookiserya, axinn'aka..." Vano, koosuwela wira kinrowa...Miyoki...

299 Sinihala minuutu miloko miili, naanaano va, wira ephiye ewoora yanamuluko ni piili, enihala vakhaani. Miyomiyo nki...Nkaatthuna owiixuttihani okathi munci-enexa, olelo, masi miyomiyo pooti ohikhalana-tho mukina woohikhala Mutthaka mmosa paahi mpakha onrowaaka weetta mikwaha saka kamosa-kamosa s'elimwe, moone.

300 Nto moosuwela? Moosuwela mwaha wa xeeni eniirel'aka yeela? Kinimooleelani. Nihiku nlo yookhala kaalonh'aka. Nkaarowa othariha, masi eri mmuruni mwaka tu. Kihaana wira nave, vamanly'aya Apwiya okivaha itaphuleliwo saya.

301 Kaalonhe kitthunaka wira kilapuwe muro muulupale, wira kavare muteko wa murummwa. Nto vano, yoopacerya, kaari osulu iwe n'amwaar'aka . . .

302 Nto akavi atonko omusuwela George Smith, Smith a isekuntu thanu na mosa, opooma nno? George Smith, mwana awe ori mmutekoni mwa opiliisa nno. Owo, George oohaawa, namuhapaliwa vano. Masi owo aari mmosa a alipa-oowana ookhomaala. Owo t'okixuttinhe miyo, hata kihinatthi orowa o Y.M.C.A. [Mwiiwanano wa Amiravo aKristu—Mot.] ni vatthu ti vatthu. Owo t'anixuttihaka. Ni owo aari oowaakuva, oowaakuva sana. Owo aari oohirilelexa, aarina iliivura emiya emosa ni miloko mixexe ni thanu [65.7 Kg]. Vano owo t'akixuttihaka. Nto aaneemelaka vale, ni aaniwerya okhuna esooko awe, *siisaale*, n'ukimana miyo mmirimani, n'ukivenxa okiphiteerinhe ene exiri, moone, masi, nto eyo khiyaakihaaxa. Miyo kaakhala ooxuttihiwa tu, vale khiyaari hat'etthu woohikhala oxuttihiwa paahi.

303 Vano nto miyo—miyo khuloha, ohiyu uwo, kimoonne ene Smith uwo a isekuntu thanu na mosa. Vano, eyo khiyaari yoowoona. Yaari yooloha. Miyo khumoonna Smith a isekuntu thanu na mosa, mmiravo mmosa omurweelaka yoowo, ewanasaka ekhotto. Nto owo, mulopwan'ole mutokweene, oophiyaka, oh, kinoona wira . . . Miyo kirina miloko mithanu ni piili. Owo oophiya khino miloko mithanu ni thanu na tthaaru, miloko mithanu na mosa. Khaavo hata mmosa a amiravo ale yaawerya omukwannya owo, mwa khula enamuna. Owo onimwaatthuka paahi vanlutteni, *siiso*, ni waarihela vathi paahi ni waavarelela ni matata awe.

304 Nto miyo kuupuwela, "Ti yootikiniha." Miyo khuupuwela wira amwaar'aka yaari ni miyo, nto miyo khwira, "Ti yootikiniha." Miyo khwira, "Moosuwela, Meda? Ole t'ori mulipa aakixuttihaka."

Awo khwira, "Miyo—miyo kinnuupuwela eyo, nyuwo mukileelaka yeeyo."

305 Miyo khwira, "Ayo. Ni wiixuttiha wawe wooloka, miyo kaahixintta ikhotto muloko ni thanu sa muteko, nto khuhiya mu—muteko owo; wira kilalaye Ehapari yooreera."

306 Naanaanoru vaavo eyo khurukunuwa, nto khunapacerya olapuwa ma—maasi. Masi okathi waarow'aka, kaarowa ni paketi. Miyo khuweha ekhopela ekina, nto yaaphwanyaneya axinn'aka anli ekilanthi ene vale, munikulani, yiiithokihaka wira erowe ni miyo. Miyo khwira, "Muhiire siiso, axinna. Huh-uh. Kihaana orowa meekh'aka."

307 Nto nahota khurwa, nto owo khwira, "Paketi anyu ula va," nikula n'epalaastiku neekeekhai.

Miyo khwira, "Nnari. Huh-uh. Kahi nenlo."

308 Owo khwira, “Ahe, nyuwo munoowerya orowa so ni nenla, imiilya miloko mithanu [80.4 Km] khula ewoora.”

Miyo khwira, “Masi kihaana olapuwela *iwe*.” Munnona?

“Ahe,” owo khwira, “mukele n’aximiravo *ale*.”

309 Miyo khwira, “Awo kahiyo anahota. Awo khansuwela voophiyerya yeeyo. Awo arookuxiwa murima. Awo khanwerya okasula eyo. Awo owanli anoosamihiwa mme. Awo khanwerya tu.”

Nto owo khwira, “Nyuwo mwa...munniwerya ororomela...?”

310 Miyo khwira, “Nwiriyane, miyo—miyo kinnisuwelaxa enihimya ikalawa waavikanasa awo, ni miyo nkaarowa weehererya otthukula ni yeeyo, ni ekaruma ntoko yeeyo paahi.” Miyo khwira, “Ohaana okhala paketi wira mutthu olapuwe eyo.” Miyo khwira, “Enrowa otthuneya etthu yuulupale ovikana nlo.”

311 Nto miyo khumoono owo owehaweha, omuwehaka mmosa w’axinna, nto khwira, “Nyuwo mwa nahota?”

Axinna khwira, “Ayo.” Munnona?

Miyo khwira, “Ti yoovonyeya.”

312 Vano nahota khutthika. Owo khwira, “Kinimooleelani etthu yo wira.” Khwira, “Awo annoophentani. Awo anniwaaminini. Masi,” khwira, “nyuwo mwatthunaru olapuwa mpaketini, awo animweererya woottharani munikulani mme. Awo oowanli animookhwaswa, moone.” Khwira, “Awo khanwerya woottharani.”

Nto miyo khwira, “Ahe, kiireke exeeni?”

313 Nto nahota ola vapatari, owo khwira, “Nyuwo mutthikele *iwe*.” Khwira, “Ori arumasiya mmosa paahi mwaamukhaani elapo ela yothene, arumasiya mwaamukhaani. Ni sookhala-mo solya sinci-ene,” khwira, “nto awo anoohalasa va. Awo ano—awo anoohalasa va nyuwo mu—nyuwo muronwe-ene. Masi,” khwira, “nyuwo muhaana ohela-mo solya.”

314 Nto miyo kaamupakhirela khula mithinto sa rapoyu, ni nampaaphi, ni rapaneeti, ni itthu, wuukela mme siisaale. Nto miyo khuyenya.

315 Miyo nkaasuwela yaari exeeni iyo, masi koosuwela vano. Moone, hiyo nnihela-mo soolyaa, axinna. Ala makhalelo murin’anyu weetta meekh’inyu.

316 Leo, munnuupuwela yooloha ele mwaarin’anyu okathi mwaaruuly’anyu va emaara yoopacerya? [Munna Leo Mercier oniira “Amen.”—Mol.] Mwaha w’epiraamite, ni nyuwo muupuwel’anyu wira mwaamuwela vale. Miyo khwira, “Leo, khaavo mutthu oniwela va. Muluku ohaana omuhela mutthu vasulu va. Nyuwo moowela khula mukhalelo w’erutthu waaweryaneya oweliwa.” Miyo khwira, “Nyuwo khamunwerya

orwa va, Leo. Munnona? Mutthikele vathi. Mwaaleele atthu wira eyo enkhuma wa Muluku.” Munnona? Munnona?

317 Eyo etthu nyuwo—nyuwo muhinlipanaanyu, siiso ntoko axinna alopwana n’athiyana, ni ekereja aka ni itthu sothene, ni yooreera ntoko ikereja sikina sikhany’aya, ni axinna, mapuro othene.

318 Vano, nkinwerya wiirakameliha ekereja iwe. Mutthu oniira, “Ahe, munikhumelani n’atthu ale, ale a Oraaru, yothene *ela*, *ele*, ni *ekina*, ni aUnisista, ni ale Nsina na Yesu, ni itthu iya sothene iwe? Muniitakanxerelani n’atthu ale, namukhuluwiru?” Awo t’awaka. Hata wira yiiranseni, awo t’awaka. Awo ti epulpitu aka.

319 Okathi Isarayeli iiraly’awe etthu yootakhalexa, mpakha Muluku omuleela Moise, khwira, “Mwiivalaanye. Miyo kinoopacerya nsya—nloko nsya ni nyuwo.”

320 Moise aahiikelihla mphironi, khwira, “Nyuwo muhinatthi waakuxa, mukikuxe miyo.”

321 Hata wira awo yiiranse exeeni, ti yaawo oveleeliheriw’akawo. Owo oniveleeliha Muthuko, kahi wira waaryeke vatthu vari Muthuko. Vatthu vari epiphi, ti nipuro na Muthuko. Nto nyuwo muhaana osuwelana n’atthu. Nyuwo muhaana okhala ni yaawo, hata wira vakhanleru siiso, nyuwo muhaana okhala, ni soovonya saya.

322 Isarayeli aahivonya voovonyaxa vaawery’awe okhala. Awo yaahivonyasa mpakha Muluku waahiya. Masi, Moise, miyo khula okathi kinnitthunaka osuwela moota eyo yaatonko aya orwa, voohikhala Erooho ya Kristu mwa Moise. Munnona?

323 Moone, hiyo othene noovonya. Owo oonivilela hiyo othene nryeene mwa soovonya sahu.

324 Hata wira awo avonnye sai, nrowe nihivalaanyane wala omwaramwareya mmansihu ni etthu p’itthu. Naaweryakaru omuruuha mutthu, nrowe nikele—mo ni “oowiikasooa ntoko enowa, omaala ntoko epompa,” moone, ni wiilipiha wira nimukuxe khula mutthu hiyo onwery’ahu.

325 Vano, ela ti etthu enihimy’aka voosiis’ula, ti othukumanya Yolya. Othukumanya Yolya, wira mukhalane etthu y’olya, wira mukhalane etthu yoopaka—no niira. Mukuxe Eyo mufiitani mwanyu. Mukhale nipuro nooriirya na mpaani. Khino, okathi onikhalaaka ottaiwene, nyuwo nlelo munimuupuwela wira itthu iya ti s’ekeekhai. Mukhale mpaani mwanyu ni nwiriyane. Munnona? Nto ela Yolyaa, enithukumanyiwa, vatathani. Nkisuwenle mukwaha ene ti wa woowi. Masi, vanakhaleru nipuro pi nipuro, Owo onnisuwela othu oneettiheryaawe—wo; miyo nkinsuwela. Miyo kinootthara paahi.

326 Vano, exeeni owo onihimy’awe va vano? Nwiriyane oratte-ene.

*Vookiserya, axinn'aka, mwiilipiheke mw'Apwiya,  
n'uwerya wa ikuru saya.*

*. . . mwiilipiheke . . . n'uwerya wa ikuru saya.*

*Nwareke ikaruma sothene sa Muluku, wira nwereyeke  
wiilipiha mwaawanaka n'ulavilavi wa xetwani.*

*Siiso hiyo khaninwana n'erutthu n'iphome, . . .*

Woopaa ipholovolo ni othikila ni miyaalo, moone, eyo kahi yeeyo.

*. . . masi ninwana ni makhulupale, ni ikuru, n'alipa  
anlamulela . . . olumwenku ula wa mw'epiphini, . . .*

327 “Alipa anlamulela mw'epiphini.” T'ani onlamulela molumwenkuni? Xetwani. Vekeekhai. T'ani itthu iya sothene sinkhumelela, itthu iya sothene sootakhala sinkhumelela, mapuro othene mu, ni makuveerunu ala, ni sikina? Sothene iyo ti xetwani. Bibilia ohimnye siiso. Xetwani t'oneettiherya oStadu Unidu. Xetwani t'oneettiherya wAlemaanya. Xetwani t'oneettiherya khula elapo molumwenkuni. Miyo kinoophiyerya yeeyo, muhina mwa minuutu vakhaani paahi, ni hiyo nnoosuwela sinto owo t'oneettiherya, wala nnari. Sinto . . . Khula omwene otonko okhala ni onrowa okhalakhala okhalaka, mpakha Muluku okhaliha omwene Awe, oneettiheriwa ni xetwani.

328 Miyo nkinihmya wira atthu othene ari memmo ti xetwani, vano. Aakhala atthu ooreera murima mu—muskiritooriyo mwa kuveerunu.

329 Onoorowa okhala mmosa va ohiyu kamosa-kamosa, vaava va, wira ooniherye ethoonyeryo va ni Munna Arganbright, nipuro nenla vaava. Owo ookhala tiplomaata a makhulupale oophiyaka athanu oovirikana, Munna Rowe. Ni owo ti . . . Owo onrowa okhala vaava, miyo kinoona wira esumana yaneeili Aprili. Munna Neville onoohimya. Ni owo mutthu ooreera murima sana.

330 Owo ohimnye wira aaniwerya olavula mattaava mathanu na mararu oovirikana, kookupali. Masi okathi waakhenly'awe Eroho Yowarya, owo khaarina hata nntaava aawery'awe olavulano Apwiya, tivo Apwiya khunvaha nimosa, owo khwira, siiso owo onlavula n'Awo ni nenlo. Yaamuvanhe nikina nsya, owo ahaatonko awe olimalela. Vaareera.

*. . . irooho sootakhala siri osulu.*

*Tivo . . .*

331 Vano nwiriyaane, othene nyuwo anakhotto vano, okathi vakhaani paahi nihinatthi opacerya eliinya ya mavekelo.

*. . . nwareke mwa sawinyu . . . mwa nyuwo (s-o-t-h-e-n-e)  
sothene (kahi epante emosa sa seiyo) . . . ikaruma*

*sothene sa Muluku, wira nyuwo nwereyeke wiilipiha  
nihiku nootakhala, . . .*

Nlo ti nihiku hiyo nnikhal'ahu.

*. . . numala wira itthu sothene, mukhale  
oohittikinyeya.*

*Mukhaleke oolikaneene . . .*

332 Amen. Muhiiwa yeeyo? Munnoona, oophentiwa? [Munna Branham onlavula-tho ni munna muthiyana onwereiwa—Mol.] Mmanleene wira sothene sinwery'anyu wira, wiilipiha, nto mwiilipiha. Muhittikinyeya.

*Mukhale oolikaneene nto, mwiitthukele  
muyuununi . . .*

333 Nwiriyaane ela. Nwiriyaane va, etthu ekhanle ela. "Muyuununi mwanyu." Eyo ti epante anyu y'eriyaari, va, moone.

*. . . mwiitthukele ekhulula ni ekeekhai, . . .*

334 Exeeni ekhanle Ekeekhai? Masu a Muluku. Ti yeeyo. "Masu Anyu ti Ekeekhai." Vaareera.

*. . . nwanreene vatthirima nikula n'ekhotto na exariya;*

335 Eyo ti, "Mwiireke ele eri yooloka." Okhalana Masu a Muluku mwa nyuwo, mwiiraka ele eri yooloka. "Nikula n'ekhotto na exariya."

*Nto inawu sanyu nware ixapattho ni wiilikanyiha  
olaleya ehapari yooreera ya murettele;*

336 Orowa khula vatthu, khula nipuro, khula okathi, inawu siwanreene Ehapari yooreera. Munnona? Vano nkawehani:

*Mwa itthu sothene, mwa itthu sothene iyo, nwareke  
nikula noowiisakiha-no ori waamini, . . .*

337 Ti nenlo nimmoroxa mavaka, moone, "Nikula noowiisakiha-no ori waamini."

*. . . nenlo mukhanl'anyu oowerya ottipiha matthere  
othene a mooro wa mutakhali.*

*Ni nware ekapaseeti ya woopola, . . .*

338 Owo ti munepa . . . Muupuwelo—muupuwelo, muhina mu, muru; enikhuneela muru wothene.

*. . . ni xo—xoowa a Erooho, yaawo ari masu a Muluku:*

339 Munrowa ohiya sai ekapaseeti ila, eyo envara exeeni? Owo mwaakiho. Ekapaseeti enipakiwa ni exeeni? Eporonse. Eporonse hata khentotoxeya; yoolipa, ti yoolipaxa ovikana eyuuma. Etthu yammuruni y'eporonse, (exeeni?) woopowa, esuwelelo y'osuwela ela, "Ni ovonihiwa waka onkhuma wa Muluku. Woopowa waka onkhuma wa Muluku. Musuwelelo aka onnilikana ni Masu Awe, kahi ni ankhili a mukereja; Masu!" Amen. Nyuwo muri vo. Ookhuneeliwa, ni mwaakiho, ekapaseeti ya woopowa,



ovuluxiwa. Nwareke yeeyo, vano murowe mweettaka murowaka ohoolo. Oh, vano, vano ti yeeyo entthuneya hiyo wira. Anakhotto a Satana . . .

<sup>340</sup> Vano nwehe, vano, hiyo . . . Kihaana waakuva, masi miyo—miyo kihaana okeliha-mo ela.

<sup>341</sup> Anakhotto a Satana anruuha iretta. Ti yeeyo ekhanle Satana, owo mulipa-oohonona. Satana, omwene wothene wa Satana, eretta, okhwa, ni oxanka, ni mikattyamiho, ni wuukhuwa, sothene mwa Satana.

Muluku ti Ekumi, waamini, ohakalala, murettele, vaava *va*. Munnona?

<sup>342</sup> Vano, iyo ti ikuru piili suulupale sinoorwa vamosa naanaano va. Iyo sinoowana. Iyo sinoowana vaava va mpaani mu naanaano va. Iyo sinniwana, nihiku ti nihiku, ni nyuwo, khula ekuru.

<sup>343</sup> Satana, oottharakani nyuwo, Koliyathi uwo muulupale, oowunnuwa, oomwene, oonamukuttho eereryaka owoopopihani. Owo ookhalana exariya, masi Muluku . . .

<sup>344</sup> Nyuwo muri oolipihwi, amen, ni Ehapari yooreera, ni Masu a Ekeekhai muyuununi mwanyu. Ovuwa! Mulaleyi, ti yeeyo. Ekapaseeti ya woopowa; nikula nowiisaakihano na waamini; ni Xoowa, mmurukunxaka mmatatani mwanyu! “Satana, kinoorwa okumana ni nyuwo. Nyuwo munikirweela mwa nsina na siensiya. Munikirweela mwa nsina na—na ilimalelo. Munikirweela mwa nsina na mutthenkeso. Munikirweela mwa nsina na *ela, ele, wala ekina*. Masi miyo kinoorweelani mwa Nsina n’Apwiya Muluku a Isarayeli. Miyo kinoorwa wa nyuwo. Mukhume!” Hata okhwa wene khonwerya okhala vo. Muttyuule mwiithe nvire. Ti yeeyo.

<sup>345</sup> Anakhotto a Satana anruuha iretta, vano anakhotto a Muluku anirummwa woomola seiyo. Amen. Nyuwo muri vo. Khula okathi Satana onirihela awe emosa, wa nyuwo, anakhotto a Muluku ari wira emoomole. Amen. Mmoomole!

<sup>346</sup> Eyo ti erattelo ene Muluku aarumenly’awe. Satana aarumeenle anakhotto a ohonona, wira ehaaminihe Masu a Muluku, khwiipakela omwene wooreera ovikana ole Mikhayeli aarin’awe, nto Muluku khumoomola.

<sup>347</sup> Enamuna ya Muluku, ti, woomola yootakhala. Woomola waanyiherya. Woomola wiiwelela itthu sa mwiikho. Woomola ivelavelelo. Woomola iretta. Woomola etampi. Amen. Nyuwo muri vasulu vaya, oohihimuwa mwa Kristu Yesu, ookilaathi mapuro a Wirimu, ni khula xetwani vathi va nnawo nanyu. Owo apacerya wookolela muru awe mmo, exeeni . . .

<sup>348</sup> Moosuwela, nyuwo muhookhwa. Ekumi anyu eri yoovithiwa. *Okhwa* exeeni? Muhookhwa wa miyoonelo sanyu. Muhookhwa wa ankhili anyu. Otthuna wanyu w’omutthu waamwiira, “Ayo, kinoona wira miyo . . .” Okhwa wa waanyiherya wanyu. Okhwa

wa itthu sothene iyo. Vano nyuwo moovithiwa mwa Nsina na Yesu Kristu; ni moohihimuwa ni Yoowo. Nto khula nipuro Owo oryaawe, nyuwo muri vaavo nave.

<sup>349</sup> Exeeni yiiraneieye okathi ale, mmosa a anamahoverya ale, aphin'ye aya Wirimu? Muluku aaroomoomola. Nto Owo aahimenrye exeeni anakhotto ale ahihimuxiwe mwa Kristu? "Okathi xetwani onrw'awe, mmoomole. Mmoomole." Okathi Yesu aaxuttinhe awe anakhotto Awe, khwaaruma woomalelani w'elapo, "Murowe mulaponi mothene, mwaalaleerye Ehapari yooreera atthu othene. Ole onrowa waamini khupatisiwa onimooopowa; ole ohinrowa waamini onoolamuliwa. Nto ithoonyeryo iya sinimwaathara ale oowaamini, anakhotto Aka. Mwa Nsina Naka anoowoomla axetwani; olavula ilavulelo isya; anoovara inowa, wala yawurya itthu siniva, khasinrowa waatakhalih; yawiixaathera matata aya aretta, awo anoopenuwa."

Hayani, anakhoto aKristu!  
Nrowaka okhottoni,  
Ni mwiikimanyo wa Yesu  
Orowaka ohoolo.

<sup>350</sup> "Miyo kikhomeliwe ni Yoowo, hata khikhalaka; nkihiyo miyo kinkhala, masi Owo onikhala mwa miyo." Masu erowaka, ohoolo, Muluku ahomaka, ni Xoowa Awe oowiitha ninno ni nno.

<sup>351</sup> Vano, khivanxankiha, okathi Grant aamukunx'awe Richmond, ni mwamuthiyan'ole a okuusini khumoona Grant ovolowaka, muupuxeryo khumphwanya. Nto owo khwira:

Maitho aka ahoona ovuwa wa orwa w'Apwiya;  
Awo annyakela w'ohephani weiwo iwuuva  
sinthukumanyiw'aya ni oviruwa;  
Awo aataphula okukutteya oniiva ni Xoowa  
Aya owoopiha ni oowaakuva;  
Anatoropa Aya animweetta erowaka.

<sup>352</sup> Amen. Grant aamukuxe sai Richmond? Omalakaruru okela mwa yoowo tu. Amen. Ti siiso owo aamukunx'awe Richmond.

<sup>353</sup> Ti siiso anakhotto a Muluku anxintt'aya etampi, eretta; awo aphiyeryaka-ru paahi. Amen. Ti siiso awo anxintt'aya ohoverya waya, ni woova, ni itthu siiso. Mmosa avenyaru, awo anoomuhoma khummoroxa. "Khumani mphironi mmo!" Oh, wulu! Ti yeeyo. Muluku onoowoomola, ntoko Owo siiraly'awe Wirimu. Mukhulupale ahu Oomalela oonooniha moota yiiriw'aya. Amen.

<sup>354</sup> Roy Roberson ni Munna Funk, anci-ene a nyuwo atokweene a khalayi va, munnisuwela ele okhanle mukhulupale a anakhotto eekeekhai.

<sup>355</sup> Emaara emosa miyo...mutthenkes'ola mwaamukhaani w'anamattipiha mooro w'oJeffersonville nno. Empa ya

Pfau yaaroopatta. Nto va waaphwanyaneya mutthenkeso w'anamattipiha mooro w'oJeffersonville weemenle-ene vale, ni mukhulupale aya eettaka aviraviraka, khwira, "Mutathele maasi vakhaani osulu *nno*." "Ps-ps-ps-ps," ntoko mpompe mwaamukhaani va. Va khurwa ale a oClarksville, "Mutathele maasi vakhaani *nno*." "Ps-ps-ps." Empa ya Pfau khuvya.

<sup>356</sup> Awo khwiihana ole w'oLouisville. Va khurwa alopwana ooxuttihiwa. Oh, moota isiinu iye saarumme aya iwe!

<sup>357</sup> Nto va ori mukhulupale oomalela orwaaka va, a mitthenkeso seiya soottipiha mooro, khwira, "Mutathele maasi vakhaani *nno*. Mutathele maasi vakhaani *nno*." Atthu oohixuttihiwa.

<sup>358</sup> Munna, vamanly'aya mutooro ole omaala, t'ani aari osulu w'exikatta? Mukhulupale. Okathi exikatta ele eronw'aya osulu, owo aaronwe ni yeeyo. Okathi omann'awe ecanela, owo khaaphin'ye vacanelani nlelo. Owo aakunxe epaso awe khurihela vacanelani, khwira, "Nrowe, amiravo." Nto mooro waahimala, muhina mwa minuutu vakhaani. Mukhulupale!

<sup>359</sup> Kahi mukhulupale, wira, "Mutathele maasi vakhaani *nno*. Mweehererye vakhaani *nno*."

<sup>360</sup> Masi, "Nrowe, amiravo!" Amen. Owo ooholela ephiro. Owo oonooniha moota eniiriw'aya.

<sup>361</sup> Miyo kaahuupuwela, "Mutthenkeso ole w'anamattipiha mooro ooxuttihiwa sana, awo yaahittipihasa mooro ole muhina mwa minuutu vakhaani." Mwaha wa xeeni? Awo jaarina mukhulupale vale aasuwela etthu iiraawe.

<sup>362</sup> Munna, mmulavule teologia anyu othene mummuthun'anyu. Miromolelo sanyu soopakiwa ni mutthu, mitthenkeso sanyu: Muthweele ni yoowo.

Miyo kihaana Mukhulupale Oomalela okileenle moota wo wira.

Muniira, "Ahe, vakhala-ru wira kinniweya woona wunkhela, waapapela." Oh, ethiru!

<sup>363</sup> Va ti vari moota Mukhulupale Oomalela ohimmy'awe wira t'eniiriw'aya, mwa Luka kapiitulu 4. Nkirina okathi wo osoma. Musome, mmansinyu. Vaareera. Luka kapiitulu 4, opacerya versiikulu 1.

<sup>364</sup> Owo khonahimyeke wira, "Vano Miyo kinimoolelani. Murowe *nno* mwapake mutthenkeso muulupale. Mukhalane ahumu, ni matiyaakono, ni, wala mukhalane makarteyaale, mapiixipu, ni mukhale *ela*." Owo khonahimyeke yeeyo.

<sup>365</sup> Okathi Satana oronw'awe wa Yoowo, owo khwira, "Vano Nyuwo moovoliwa. Mutatuxe maluku ala ekhale mukatthe."

Owo iirale, "Yoolempwa . . ."

<sup>366</sup> Owo khwira, "Osulu *nno*, hiyo nnimoowelihani Nyuwo osulu *nno* niwooniheni etthu."

“Masi yoolempwa . . .”

“Miyoy kinimwiira *ela*, Nyuwu mwiira-ru.”

“Yoolempwa . . .”

<sup>367</sup> Ti siiso Mukhulupale Oomalela aahimmy’awe wira ti yiiriw’aya. Eniiriwa sai, munna? “Yoolempwa, ‘Awo yawiixaatherya matata aretta, awo anoopenuwa.’” “Yoolempwa, ‘Mwa Nsina Naka anoowoomola axetwani.’” Amen. Exeeni iyo? “Yoolempwa!” Iyo ti sikhhanle irumelo sa Mukhulupale. “Yoolempwa, ‘Ole oniiwa Masu Aka ni onimwaamini Ole okirumme, ookhalana Ekumi Ehinimala.’ Yoolempwa! Yoolempwa! Yoolempwa!” Iyo ti—iyo ti irumelo sene. Owo ti nakhotto. Eyo ti ephiro. Iyo ti misika hiyo nneettih’ahu.

<sup>368</sup> Owo iirale exeeni? Owo aaroorowa mpakha osulu iwe, mpakha wa Koliyathi. Owo khooniha e . . . Moota xeeni David aawooninhe awe anakhotto moota yiiriw’aya? Moota xeeni David aawooninh’awe athu a Isarayeli moota yiiriw’aya? *David*, enihimya “oophentiwa, moopoli.” Munnona? Moota xeeni David irralyaawe? Owo iirale, “Ela t’inamuna eniiriw’aya. Muroromele Masu a Apwiya.”

<sup>369</sup> Vano Koliyathi khurwa vale, khwira, “Moosuwela? Kinimootexani okhomoni wa nivaka nla, kinimookhalihani yolya y’axipalame.”

<sup>370</sup> Owo khwira, “Nyuwo munikirweela ntoko mutthenkeso. Nyuwu munikirweela ntoko mulipa a siensiya a naanaano. Munikirweela ni xoowa anyu muulupale a inawu muloko ni xexe [4.27 m]. Munikirweela ni ekapaseeti ya eporonse, ni nikula noowiisakihano kahaaweryaka hata ottukhula vathi. Munikirweela ntoko nakhotto ooxuttihiwa. Munikirweela ni Ph.D., ni L.L.D., ni L.D. a vara vaili. Munikirweela mwa itthu iya sothene. Masi miyo kinrwa mwa Nsina n’Apwiya Muluku a Isarayeli, nto olelo kinoothikila muru anyu mmakhatani mwanyu.” Amen. Epharamela ele yaamukhaani erwaaka vale owanana mutthu oorekama ole, masi owo aanisuwela vaaryaawe.

Isarayeli, athukumelaka paahi ottuli iwe, “Oh, mwammiravo ootakhaliwa.”

Koliyathi khwira, “Miyoy kinoowoonihani enrow’aka wira.” Vano va owo khurwa.

<sup>371</sup> Owo aahikhalana w-a-a-m-i-n-i, moone, m-w-a Y-e-s-u, makotto mathanu, maluku mathanu. Nluku nimoso naamukhaani mme, wira opacerye ni nenlo. Avuraka siisaale, Eroho Yowarya khuvarela nluku, vano nlo khurwa. Koliyathi khurwa vathi. Ti siiso eniiriw’aya.

<sup>372</sup> Ti siiso Yesu ohimmy’awe, etthu Owo ohimmy’awe. “Vano, vakhala wira nyuwu axinna munrowa vapuwani, mwaatthunaka

osuwela moota wo waaxintta axetwani ala, kinoowoonihani moota eniiriw'aya."

<sup>373</sup> Satana khwira, "Kinimoorweelani." Koliyathi, "Kinoowooniheryani etthu enwery'aka wira. Nyuwo moovoliwa. Nyuwo Mwaari Mwaana a Muluku, miyo kinimootharimulani. Nyuwo muniira wira mwa Mwaana a Muluku. Miyo kinimootharimulani. Nyuwo mwaari Mwanna a Muluku, mutatuxe maluku ala ekhale mukatthe. Mukhuure; Nyuwo moovoliwa. Nto Nyuwo mwaari Mwaana a Muluku, mookhalana owerya wo wira eyo."

<sup>374</sup> Owo khwira, "Masi yoolempwa, vano, 'Mutthu khonkhala mukumi ni yoolya paahi.'" Oh, eyo ti moota Mukhulupale Oomalela iiraly'awe.

Khimukuxa Owo khunweliha nipuro noorekamexa n'empa y'olompa. Owo khwira, "Nyuwo mwatuphelaru vathi vale," khwira, "Nyuwo moosuwela wira yoolempwa-tho. . ."

<sup>375</sup> Owo khwira, "Ayo." Khwira, "Yoolempwa-tho, wira, 'Muhaatthatehe Apwiya Muluku anyu.'" Munnoona etthu Owo iisiihanne awe Mwaneene? "Apwiya Muluku anyu." Uh-huh. "Muhaatthatehe Apwiya Muluku anyu,' yoolempwa-tho, wira, siiso." Munnona? Oh, wulu!

<sup>376</sup> Owo iirale exeeni? Owo aahimuxintta, ni Masu a Muluku. Mwiirelo wa xetwani onthuna wira oophiyeriheni nyuwo ohaamini Masu a Muluku. Vano Mukhulupale Oomalela ohimnye wira, "Mukuxe Masu a Muluku mwiire Yeeyo. Mwa Nsina Naka awo anoowoomola axetwani."

<sup>377</sup> Oh, Satana, mukhulupale aya oomalela, oh, ayo, moosuwela, miromolelo iya kamosa-kamosa sineererya woophiyerihani nyuwo waamini wira owo orina ettotopwa, moosuwela, ni mwiila wookawanyeya, ni itthu sothene iyo. Muhaamini iyo. Owo khori siiso. Nnari, mulopwana, munna. Owo namathepyaa. Muhaamini wira orina yeeyo. Awo aniira eyo paahi wira ewoopopihekeni. Owo kahiyo xetwani. Xetwani khorina ettotopwa, opacerya wene; miyo kinnihoverya eyo vanci-ene. Owo eroohoo paahi. Xetwani eroohoo. Owo khorina ittotopwa ni itthu siiso, ntoko nyuwo muneerery'anyu omupaka elatarato. Nnari, nnari.

<sup>378</sup> Masi, owo musuwelii. Munna, owo vekeekhai mutthu musuweli, oosomihiwa sana, khula okathi t'onikhal'awe, mwa osuwela wa molumwenkuni. Oh, ayo. Owo tooreera. Ootthokiha muttitthi awe w'anakhotto ni osuwela wa molumwenkuni, mpakha, munna, muheererye o—muheererye olavula moolumo anyu. Vanreerela musuwele etthu enlavul'anyu mwakumana ni mmosa a aximiravo awo, yiiraka, "Mahiku a miiriirya aamala." Nnari, owo khorina—owo khorina ettotopwa yookawanyeya. Owo ori, oh, owo ori—ori—owo onikhuma oseminaariyu. Owo t'oxutthiwa, munna. Miyo kinimya, owo t'ocencerya, Ph.D.,

L.L.D., Q.U.S.T., ni sothene sikina. Munnona? Sothene memmo, owo t'ocencerya sinwery'awe okhala. Musuweli, vekeekhai, owo ti enowa, ootakhala mwa othene aya. Ikharari soovaseliwa vathi, munna, nto, miyo kinihimya wira, oowara, ni oohikhala hata nlepa vakhasakoni. Oocencerya, mulavilavi ni oowaraala sinwery'awe okhala. Ti yeeyo.

<sup>379</sup> Muhimuthweelihe woohikhala wira munoosuwela etthu enihim'y'anyu. Ti yeeyo. Oh, masi hiyo ninnisuwela iyii—iyiirelo sawe sa khalayi. Hiyo ninnisuwela etthu owo oneerery'awe wira: oniphiyereriha hiyo ohaamini Masu a Muluku.

<sup>380</sup> Vano owo khorina ittottopwa. Nnari, nnari, nnari. Vano, hiyo ninnoona wira vakhala wira owo khorina ittottopwa, vano ohaana okhala etthu ekina. Owo namathepyaa. Owo t'osuwela, oosoma, oowiithokihla. Munna, owo ookhalana anakhotto awe siiso.

<sup>381</sup> Nkawehani, emaara emosa, oSuwiisa. Nkinwerya ophwanya nipuro noomaala-vo, mwaatthu. Yookhala e—e...Osuwiisa, yaahirwa anakhotto ala a wAlemaanya, mar-...ni atthu a ilapo s'okhopela erwaaka. Vano, yaakhala ntoko exiri ya itixolo; khula mutthu ooxuttihiwa, khula nivaka nivenxiwe-ene so, na inawu thanu na ttharu wala muloko [2.4 m ni 3 m] ohoolo. Nto awo khimurweela muSuwiisa mmosa namuhawi mwaamukhaani iwe, awo yaarina exeeni? Yaari ni ikaruma ni i—ni maino a ecikweya yooneyaka, ikopo ni maluku, nto awo khweemelasa vale. Awo yaamurowa waavirela. Wiithela wa mwaako saari ipa saya. Va anakhotto a Osuwiisa khurowa okumana ni yaawo. Awo khiyaawirihanse hat'etthu. Awo yaarimoorwa paahi khuwaakha elapo aya.

<sup>382</sup> Exeeni mwaan'ola otthenk'awe, mwanamwane paahi? Satana, ti yoowo, aamukuxa ekumi awe vaakhanle wira aaniwerya. Vekeekhai. Owo ori vo; ohinnunwe. Munnona?

<sup>383</sup> aSuwiisa khayiirale hat'etthu. Awo yaari atthu ooreera murima. Awo yaatthuna waakherya ipa saya, masi awo yaarisa vale wira yakiheryase. Nuvira okathi vakhaani, aahikhala mmosa iihaniwa Arnold von Winkelried. Va anoorwa anakhotto ala. Awo othene khikutteleliwa. Khwira, "Niireke exeeni?"

<sup>384</sup> Mapuro othene, atthu ntoko ephareya yuulupale, ooxuttihiwa oratteene. Ti siiso Satana oniir'awe. Ooxuttihiwa oratteene, nivaka nawe nimuthoonyaka, khula mutthu onvira: mmosa, aili; mmosa, aili; aapurulelaka paahi mmuttitthini yoola mu mwaamukhaani. Paahi—mukhale mweettaka paahi, ti yeeyo tu awo yaarin'aya wira, ni waahoma paahi, khula mmosa, muxoowani. Mavaka anlukama waahoma yaawo. Eyo yaamwaamaliha anakhotto a oSuwiisa. Yaarowa okhala yeeyo tu. Wiithela wa mwaako yaari ipa saya ni atthu aya yaaphent'aya. Axithiyana aya yaamurowa otupheliwa ni orupihwiwa, ni axaana aya aximwali, ni anamwane yaamwiiviwa,

ni ipa saya saamupahiwa, ni itthu sothene, soolya saamukuxiwa, mihuwo ni itthu siiso, saamurowa. Awo yaarisa vo.

<sup>385</sup> Exeeni yiiraneieye? Muupuxeryo khimurweela mmosa aahaniwa Arnold von Winkelried. Owo khwira, “Atthu a oSuwiisa, olelo miyo kinookhwela muttethe w’oSuwiiisa.” Amen. “Olelo miyo kinookhwela muttethe w’oSuwiiisa.”

Awo khwira, “Munrowa wira exeeni?”

<sup>386</sup> Owo khwira, “Nyuwo mukitthareke paahi ni nwaneke ni sothene murin’anyu.” Owo khweemela vale; khuriha nivaka nawe, ekopo yaamukhaani owo aarin’awe mmatatani, *siisaale*. Nto khikhuwela, ovenxaleene matata, *siisaale*, khutthimakela weiwe, onyakulaka, “Mpake ephiro yo otaphuwa!” Otthiyawa woviihipiha ntoko saawery’awe orowa, orowelaka muttitthi w’anakhotto. Nto, vairaly’awe siiso, khikuxa khula nivaka owo aawery’awe, khurihela vathirima vawe *siisaale*, vano khukhwa.

<sup>387</sup> Owo aahaaleela, ’ohinatthi orowa. Khwira, “Yookhala empa yaamukhaani okhopela iwe, amwaar’aka ni axaana kamosa-kamosa kinaahiy’aka, empa yaamukhaani kinoomalaru othuma.” Ni khwira, “Miyo—miyo kinnaphentasa, masi, olelo, miyo kinookhwela muttethe w’oSuwiiisa. Owo khukivaha yawaka...” Owo khwira, “Miyo kinoovaha ekumi aka wira koopole elapo.” Nto owo aari mulopwana ooviivaha. Awo khiyaakhalananse ekhotto okhuma vaavo. Eyo, eyo yaahimaliha.

<sup>388</sup> Yaahaaxintta anakhotto ale, ni wiivaha iwe wo wooniheriwa siisaale, mpakha yahaakhanly’aya... Ana—anakhotto yaari ootikinihiwa sana. aSuwiisa khwaapirikixela maluku awo, khuwoomola muttethe ole; nto khanahokoloweke okhuma vaavo. Soovira miyaakha imiya imiya sene. Munnona? Mwaha wa xeeni? Ole waari muteko muulupale.

<sup>389</sup> Masi, oh, munna, nihiku nimosa, okathi ohisuwela, wiiwelela itthu sa mwiikho, ohoverya, ivelavelelo, ni woova, saakuttelenly’aya atthu a Muluku vanlothoni, aahikhala Mmosa onihaniwa Yesu Kristu: “Olelo kinimwaakhwela atthu.” Ti yeeyo.

<sup>390</sup> Exeeni owo aahimenry’awe anakhotto ala? “Mukitthare ni nwaneke ni sothene murin’anyu. Mwaarineene nvoxolo, nwaneke ni nvoxolo. Muhoove. Mwaarineene ekopo, nwaneke ni ekopo. Mwaarineene nluku, nwaneke ni nluku, etthu p’itthu murin’anyu.”

<sup>391</sup> Ti yeeyo Mukhulupale ahu Oomalela onihimy’awe olelo. “Miyo kaakunxe Masu a Muluku, khimuxintta xetwani n’ikuru sawe.” Owo aahimuthikila kapatti kapatti, amen, ni Masu yaawo. Vano, etthu p’itthu murin’anyu, vakhala wira murina Nsu nimosa paahi, “Apwiya Muluku anyu anoovonihani,” mmuthikile. Mutthare. Amen. Mmutthare Mukhulupale ahu. Ayo, mulopwana. Owo aahimuthikilasa.

<sup>392</sup> Satana, ni omwene awe, muulupale ni wooreera, ni woophwaneliwaxa, ni itthu sothene, sothene sa naanaano. Khasirina hat'etthu yo wiirana ni hiyo. Ti yeeyo. Owo nlelo t'ule oomalela olavilavi ovikana inama sothene sa mmatta. Ayo, mulopwana. Yesu ohimnye wira aana a molumwenkuni mu ti yaari oosuwelaxa waavikana aana a Omwene wa Muluku.

<sup>393</sup> Vano, ikottho iya piili suulupale. Hiyo ninrowa...Miyi kihaana...kihaana omaliha. Ikhotto iya piili suulupale sinoorwa vamosa naanano va. Naanaano va p'ukathi eretta ni itthu siiso siruuly'aya molumwenkuni, mpakha siensiya a mameetiku oryaaya ootikinihiwa, ni itthu sothene ti sootikinihiwa. Khiyaavo hat'etthu, ni—ni hiyo ninrowa paahi... Nto anakhotto, anakhotto vakhaani a Muluku, ankutteleliw'aya vanlothoni ni itthu sikina. Munna, ola okathi wa Arnold von Winkelried mukina. Ola okathi, okathi wa mutthu mukina a Muluku ovenya ohoolaka. Ola okathi wa Eliya orwa. Ola okathi wa etthu wiiraneya.

<sup>394</sup> Anakhotto a Muluku, mutthuke muupuwelo anyu. Muheemele hata minuutu mmosa, wuupuwelela etthu p'itthu xetwani orin'awe wira oovaheni muhina mwa miyoonelo sanyu. Masi muupuwele, Masu a Muluku khanikhalakhala evonyeyaka.

<sup>395</sup> Mittitthi iya miili suulupale s'anakhotto! Okathi nwanani onirwaawe ntoko maasi oosarya, ntoko sinrwaawe olelo, exeeni Muluku aahimmy'awe wira onimwiira? "Eroho ya Muluku yaamurova ovenxa epantera emuvirikanyaka." Nyuwo mwa mmosa a yaawo? Ayo, mulopwana.

<sup>396</sup> Hiyo ninniixuttihiwa mwa Yakopo 4:7, nkirina okathi wo osoma, Yakopo 4:7, wira, "Mmukhootteke xetwani, ni," owo khonrowa okhuma paahi, masi, "owo onrowa otthyawa." "Mmukhootteke xetwani." Mummukhootta sai xetwani? Enamuna emosaru Mukhulupale ahu Oomalela onihimny'awe wira niireke. Okuxa Masu a Muluku. Ti siiso ommukhoot'anyu xetwani, enikhala ni Masu a Muluku. Mukhulupale Oomalela oonileela paahi moota yiiriw'aya. Vaareera.

<sup>397</sup> Vano, kimalihaka, kintthuna kihimye ela. Xetwani uwo ootakhaliwa, vano, nyuwo munuupuwela wira t'ohuuliwa muru. Nyuwo munuupuwela wira owo onimutuphela mwaana? Owo onootuphela etthu p'itthu. Owo aahimutuphela Yesu Kristu. Owo aamurweenle Owo, ni ituphelelo tthaaru sootakhala. Mwaanisuwela eyo? Satana khaatuphenle vaara vamosa paahi. Owo onimootuphelani ni eretta, nto va owo onootthika ni wootuphelani, wooleelani wira, "Mahiku a miiriirya aamala. Nyuwo khanvonihawe. Khiyaavo hat'etthu mwa Yeeyo." Moosuwela wira eyo ekeekhai?

<sup>398</sup> Owo aamutuphenle Yesu vaara vararu. Itupheleleo tthaaru sootakhala, owo aarimwiikelihwa wa Yesu, ni ohaamini wawe Masu a Muluku. Yesu aari Masu. Vekeekhai, owo khaamini.



“Nyuwo mwaari...Nyuwo mwaari...” Ola onoorwa va, ituphelelo sootakhala, ntoko imaara sikina nwanani olelo. Awo anoorwa va, khwira, “Nyuwo mwaari Mwaana a Muluku, mukoonihe mwiiriirya mmosa. Mukoonihe wiiriwaka.” Munna, ituphelelo tthaaru sootakhala owo aakelann’awe, “Nyuwo mwaa...Nyuwo mwaari...”

<sup>399</sup> Vano, Yesu iirale exeeni? Yesu aari Masu a Muluku. Owo aari Masu. Owo aatuphenle Masu. Ovuwa! Miyo—miyo koopacerya okhala paahi...woona oreera paahi, olaleerya vano, ohimya exariya kookhala. Ti yeeyo. Yesu ti Masu. “Wopaceryani naari Nsu, nto Nsu naari ni Muluku, ni Nsu naari Muluku. Nto Nsu khukhala, kwiipaka erutthu, nto khukhala...” Yesu aari Nsu. Owo iirale exeeni? Owo aaroomuthikila kapatti kapatti. Oh, wulu! Kinrowa omaliha. Yesu iirale exeeni? Owo aari Masu. Tivo, ni Masu, Owo aahimuthikila Satana ni otuphela wawe wootakhala. Owo aaphin’ye vale ntoko na para-, anakhotto a ettheke yuulupale oosuwela sana ekhotto, wala etthu ntoko yeeyo, khumwaattamela Yesu, Masu, siiso. Nto Yesu aakunxe Masu yaawo, nto khimuthikila kapatti kapatti. Aleluya! Vekeekhai, khimuthikila kapatti kapatti, khimuxintta ni Masu.

<sup>400</sup> Munnoona etuphelelo awe? Nwehe, nwiriyane oratteene, omaliha nno. Etuphelelo awe exeenii? Ohaamini Masu a Muluku, eyo ti etuphelelo awe. Vo, munniwerya woona ekhotto yuulupale yaatonko owaniwa? Siri ikuru piili paahi: Satana ni Muluku. Vano kaphwitti a Satana t’uvi onoothoonyan’aweni? Ti weererya woophiyereri hani nyuwo ohimwaamini Kapwitthi anyu. Owo onoowaakhani nyuwo. Nrowe—nrowe niwiriyane oratteenexa vano. Nwiriyane. Owo awerya-ru woophiyereri hani ohimwaamini Kapwitthi anyu enikhala yoolikana, awerya-ru woophiyereri hani nyuwo waamini wira Kapwitthi anyu khorina ikuru voophiyerya, owo oowaakhani.

<sup>401</sup> Oh, Munna Neville, miyo kinroromela wira khaninnaamini eyo. [Munna Neville oniira, “Miyo kinniroromela ni ohilompa.”—Mol.]

<sup>402</sup> Nkawehani. Owo oowaakhani okathi onoophiyereri haweni ohimwaamini Kapwitthi uwo. Nyuwo mwamuhiyaru Uwo vathi, enoomaliha ekhotto anyu. Moomalamala. Mmuvarele Kapwitthi uwo. Muhimpwehe vathi. Hiyo ninnoona ohaamini wawe. Nrowe...

Etthu emosa tho entthun’aka ohimya vano, minuutu mmosa.

<sup>403</sup> Ruusiya. Kintthuna kihimye ela wa mureerelo w’atokweene, ni akina, mu, ni nyuwo asomi a Bibilia. Munuukhuwelani n’ulavulasa mwaha wa Ruusiya? Huh! Nyuwo khamunikiiwa miyo kooleelakani wira mpake mwaakiho wa musika, munnikiiwa? Munuukhuwelani mwaha wa Ruusiya? Ruusiya kahiyo hat’etthu. Awo khanrowa oxintta hata ekhotto.

Awo khanrowa oxintta hata olumwenku. Komunismu khonrowa oxintta hata olumwenku. Exeeni eniwiira atthu? Vanniweryaneyya Masu a Muluku ovonyeya?

<sup>404</sup> Nwiriyaane, ela mufiitani vano. Mpakha molumwenkuni, miyo kinoolavula, ahiso nipuro pi nipuro ifiita iya sinrow'aya. Ni nyuwo atthu mu, hata wira enikiira exeeni, nyuwo mwaamini ila.

<sup>405</sup> Ruusiya, komunismu, khonixintta hat'etthu. Masu a Muluku khanivonyeya. Romanismu t'onrowa oxintta olumwenku.

<sup>406</sup> Nrowe nikuxe yoowoona ya Daniyeli. Awo ti Masu a Muluku. "Nyuwo, O Daniyeli..." "Nyuwo, O Mwene Napukutonosoori, ti muru ula wa eweero," Papilooniya. "Omwene mukina onimooranttelani nyuwo, yoowo okhanle eparatha," moone, yoowo waari Meeto-Peersiya. Mukina waari Kreesiya, Alexantere Muulupale. Woottharelana, onoorwa, Rooma. Ni khiyaakhanle hat'etthu yaahimmwe ya komunismu. Rooma t'axinttale olumwenku.

<sup>407</sup> Yesu Kristu aayariwe okathi wa omwene wo oRooma, khulupatthiwa, emaara Awe yoopacerya orwa mu, ni omwene wo oRooma. Nto Erweelo Awe yaneeli, enoorwa vano, Mutthaka Awe onlupatthiwa ni miromolelo s'oRooma, yoowo ori maama a sothene iyo. Nto okathi Owo onihokolow'awe, Owo onihokolowa wira omalamalihe omwene ole w'oRooma, okhala wira aYuta khula okathi aninwehererya Yoowo wira orwe omalamalihe omwene w'oRooma.

<sup>408</sup> Etthokiheryo ya oruma wa Katolika ni miromolelo sothene mulaponi, naanaano va sikkhalaka vamosa ntoko mutthenkeso, mwaatano wa ikereja siitthokihaka vamosa. Kahi Ruusiya. Ti Rooma. SIISO ANIHIMYA T'APWIYA. Ayo. Mukoonihe Yoolempwa emosa vaavo komunismu, wala etthu p'itthu ekina woohikhala Rooma, enrowaaya oruma.

<sup>409</sup> Meeto-Peersiya yaahimuranttela Napukutunosoori? Vekeekhai. Kreesiya aaharanttela awo? Ayo. Rooma ooxintta iyo, okhuma vaavo? Iyo sookawanyeya khukhala omwene ole muloko wa Otomaano ntoko sirin'ahu vano?

<sup>410</sup> Soo... *Eisenhower*, yeeyo enihimya "eyuuma." *Khrushchev* enihimya "oloko." Awo yaahikkhalana muthukumano aya iwe? Vano *Khrushchev* khurula ixapattho sawe, [Munna Branham ommana vapulpitu—Mol.] wira okhalihe yoowooneya, otthukula etthu ene, omana vameesa, *siisaale*, wira owoonihe atthu. [Munna Branham ommana vapulpitu.]

<sup>411</sup> Ahe, mulattu ene xeeni n'atthu olelo? Waamini ophiyenrye vaavi? Vano, khamunaamini wira Masu a Muluku t'ari Ekeekhai? [Muthukumano oniira, "Amen."—Mol.] Nto etthu iyo khekhanle muhina *Mu*. Mulattu ene xeeni ni alaleyi olelo? "Komunismu!" Khula mulaleyi ori nno eereryaka owanana komunismu. Komunismu, hat'etthu!

412 Etthu ene, xetwani onoothava eyo vathi v'ephula anyu, ni khamunsuwela; ti Romanismu, ekhalelo ya miromolelo. Vano Rooma ti maama a miromolelo. Bibilia ohimmye wira, "Owo aari namuttompe, ni an'awe yaari anamararuwaa," oowanana Muluku, oowanana Masu Awe.

413 Anakhotto, mukuxe Masu. Malaikha a omoriwa ikharari, mukhale ni Masu yaawo. Miyo kinoopweteya nihiku nlo, masi Masu ala khanipweteya. Ni nyuwo atthu amwaavano, yaahiraneye muhina wa nloko naka, munimoona. Vo ti vari etthu ene.

414 Muhiiwa ihapari voosiis'ula? Muhano Kennedy orowaka, omoona paapa, ni etthu paapa ohimmy'awe. Moone, itiini sothene sa mulaponi! Oh! Ahe, khino hiyo nnoophiyerya yeeyo voovikana vakhaani, Ettiminku enirwa.

415 Moone, muhixanke mwaha wa Ruusiya. Ruusiya nikhomo naamukhaani ophareya. Muhixanke mwaha wa komunismu. Mmuweheke Romanismu okathi onaataan'awe ni ikereja. Khiyaavo hat'etthu elempwe mwa Yoolempwa enimuhimya komunismu ohoolela elapo.

416 Nto miyo kinrowa kittharihaka Masu, voohicala ele etthu ekina enttharih'aya. Ti Masu kinaamini aka. Ti Romanismu onkuxa elapo. Ni Romanismu ti mai a mutthenkeso. Khonakhaleke mutthenkeso mpakha okathi Rooma, ni khula mmosa a seiyo sikhummy'aya memmo. Ni Bibilia ohimmye siiso, "Owo aari mai a anamararuwa." Kaamuwerya okhala nihiku nuusu mwa yeeyo, tho, masi kinoona wira kinookelela ohoolo.

417 Okathi nwanani onnituphel'awe, nto, "Oh, kinimoolelani, nyuwo muhaana orwa wiitakaniha yawihu..." Exeeni enrowa'hu wira, oleva, wiisakaleliha? Kahi nakhotto eekeekhai, khoniira. Nnari, mulopwana.

418 Nniira exeeni okathi ene yoowo? Muupuwelo, "Muhiye muupuwelo waari mwa Kristu..." Ti yeeyo Bibilia ohimmy'awe? [Muthkumano oniira, "Amen."—Mol.] "Muupuwelo waari mwa Kristu, okhale ni nyuwo." Enamuna xeeni ya muupuwelo Owo aarin'awe? Mukhale ni Masu. Ti yeeyo. Mukhale ni Masu, Masu a Atithi, ni aanimuxintta nwanani khula okathi. Vano okathi nwanani onootuphel'aweni ni weererya ohimya wira muhaana wira *ela* ni wira *ele*, munrowa wira exeeni? Mukhale ni Masu. Ti yeeyo.

419 Muntthuna wira exeeni nto? Mukuxe Masu. Masu ti Exeeni? Bibilia oohimya va. Hiyo nnoomalaru osoma. Maana Eroho, ni ya Muluku, ti Masu. Munnona? Nkawehani va. "Ni nware ekapaseeti ya woopowa, ni Xoowa, Xoowa a Eroho." Xoowa a Eroho! Exeeni? Eroho envolowa eviraka mmuupuweloni mwanu n'ukela mwa nyuwo, nto Xoowa a Eroho eyo ti Masu a Muluku.

420 Eroho eyo enwana ni exeeni? Eroho Yowarya eyo enwana erineene exeeni, miyoonelo, iyaapapelo? [Muthukumano oniira, “Masu.”—Mol.] Masu; murima! Wau! Ovuwa! Awo anwana arineene exeeni, moonelo? Masu! Masu! Nrowe nihimye yeeyo, Masu! [“Masu!”] Masu! [“Masu!”] Masu a Muluku t’itthu Eroho enwan’aya erina.

421 Eroho ya Muluku enimweetta erwaaka mpakha wa xetwani, ni wira, “Yoolempwa!” Amen! “Yoolempwa!” Nto xetwani onoohiya khurwa.

422 Hiyo nniira exeeni? Mmukuxe Xoowa, akhanle Masu a Muluku, mmupurule Yoowo ni (exeeni?) ntata na waamini, ntata na ikuru na waamini, Xoowa oniitha ninno ni nno. Bibilia ohimye wira, mwa aHeperi 4, “Ti—ti Xoowa oniitha ninno ni nno,” onthikila soopiili orwaaka ni orwaka.

423 Munna, owo oniira exeeni? Mukuxe Masu. Mukuxe Eroho, muhiye Eroho ekele mmurimani mwanyu. Mutthukule muupuwelo anyu, mwiire, “Masu Anyu t’eekeekhai.” Vano, mwiire yeela, munna. [Munna Branham onlavula—tho ni munna muthiyana onwereiwa—Mol.] “Masu anyu ti ekeekhai.”

424 “Pwiya, nkinrowa wiiwelela moota xeeni sinoonaaka, etthu mutthu ti mutthu, mmansawe enihimye’awe. Miyo kinoottiya, kinimwinseelela khula emosa wa iphiro saka, wuukhuwa wothene, ni ohovela, ni ohaamini otonko aka okhalana. Khula moonelo otonko aka okhalana, iretta sothene kitonko aka okhalana, itthu sothene sikina kitonko aka okhalana, kinimwinseelela sothene iyo. Kinooxerekela sothene iyo. Kinimoorwa kilukamaka erooho aka. O Pwiya, mukhuruwe. Nyuwo muhimye wira mukikhalinhe mutthu ootaphuwa vootthuna.”

“Nyuwo mwa, mwan’Aka.”

425 “Vaareera, kintthukula murim’aka ni muupuwelo. Mukele, Pwiya Yesu.”

426 Ni mukuxe Waamini, Xoowa owo a Eroho, SISO ANIHIMYA T’APWIYA. Mukhuwele, “Aleluya!” Amen. Nto mmuhome khula nwanani ori ohoolo wanyu. Amen. Eyo eri vo. Mmuthikile khula nwanani. Vakhala wira e—erooho ele yoowoopopiha ya khalayi enimookhalihani woona sothene. . . Muthikile etthu iyo murihele, ni Masu a Muluku.

Masi ikuru sahu, t’ila, “Otteeliwa murima onrwa w’Apwiya ti ikuru saka.”

427 “Mukikhume.” Mummane! Mmuthikile owo ni Masu. Hata wira ti xetwani, hata wira ti nwanani, hata wira owereiwa, hata wira erettaa, etthu p’itthu, mukuxe Masu awo nto mpurule ni Xoowa. Nto nyuwo mwamanaru emaara yoopacerya, enakhala ntoko ohittikinyeya, mmmane—tho, vano mmmane—tho, vano mmmane—tho. Vano mmmane mpakha ottyuula mwiithe,

ntoko mwalyakhu mwaamukhaani oninla wira okhumele ota; ahiso xawawe, yeeyo nyuwo mukhanly'anyu. Munle nviraka nikatamphe nlo na khalayi n'eretta. Mutthukule ephiro anyu y'okhuma, nto mwiire, "Aleluya! Eri vai ele enttharelana?" Amen. Eyo ti ekhotto. Owo ti nakhotto. Owo ti nakhotto a vamwiikimanyo. Ayo, mulopwana. Mmuhileihe khula nwanani.

428 Mwaha wa xeeni? Mwaha wa xeeni? Hiyo, Osuulu wootthommwa, wo omwene wa Abrahamu. Okathi Abrahamu aakhontty'awe itthu sothene saari soovirikanyiha Masu a Muluku, owo aahitthukula ephiro awe khuvikana khula ekhoottiheryo jaarwa ohoolo wawe. Awo yiira, "Amwaar'inyu vekeekhai khareere wuuluvala." Owo aamuhoma etthu ene eyo akumihaka mphironi. Xetwani khwira, "Nyuwu khamunwerya wira *ela*. Khamunwerya wira *ele*." Abrahamu aamuhoma khukumihya mphironi. Owo aammaana eyo, khumana, mpakha eyo ophova mmansaya.

"Eri vai enttharelana, Pwiya?"

429 "Muruuhe muxaaxa anyu osulu *nno*." Owo aahirowa khwaatekela Awo altaari osulu iwe.

430 Nvenye vo, nto Satana khurwa, khwira, "Vano, kinimooleelani, nla khanihiyo nipuro nooreerela."

"Miyo kinookhala vaava. Mukhume vapuwani vaka." Owo iirale, "Aleluya!"

431 Lothi khwira, "Vanreerela murwe ohitto nno. Hiyo nniviriha okathi wooreera ohitto nno. Hiyo othene nookhalana mutthenkeso ahu ohitto nno. Vano, amwaar'aka t'anihoolela nloko n'atthu na itthu soosommwa ni itthu sothene sikina, oopoma. Kinimooleelani, nyuwu muhaana orwa ohitto nno."

Sara khwira, "Abrahamu . . ."

432 "Mmaale, Sara." Aleluya! "Mukhale vaava. Ti vaava Muluku okikhalinh'awe-vo. Vaava va ti vatthu onikhal'aka."

433 Va ti vatthu Muluku okikhalinh'awe-vo.

Atthu othene ankhomasa Nsina na Yesu!  
Malaikha ekokhore;  
Niruuhiwe nleha na omwene,  
Nto ninwarihe Yoowo Pwiya a sothene.

Mwa Kristu, Mwala woolipa, kinookhala;  
Itthaya sothene sikina mihaava sinkomowa,  
Itthaya sothene sikina mihaava sinkomowa.

434 Hata okhwa wene, itthu sothene sikina, mihaava sinkomowa. Mwa Kristu, Mwala woolipa, miyo kinookhala.

435 "Osuulu w'omwene wa Abrahamu." Osuulu w'omwene! Vano, anakhotto oothanliwa oratteene a Inglateera ti omwene wa Inglateera, ephome y'omwene, itthu sothene. Nto Osuulu w'omwene wa Kristu ti Ekereja yoosareya Eroho Yowarya,

yoosareya Eroho Yowarya. Exeeni? Osuulu w'Omwenene, mwaha wa natiri, kahi mwaha wa miyoonelo. Masi, mwaha wa natiri a Muluku, awo anlipa ni Masu a Muluku, ni otthukula ephiro aya yoovira, enyakulaka, "Aleluya!"

Hata okhwa onoorwa ni wira, "Onimoorwa woowelakani moonoo anyu."

<sup>436</sup> Mwiire, "Mukhume, Yordani. Miyo kinoolapuwela okhopela." Mutthukule ephiro anyu yoovira, mpakha Muttetthe wa natiri. Amen.

<sup>437</sup> Exeeni enikhumelela ekhotto yamala vale? Kinoomaliha naanaano, vekeekhai. Yamala vale ekhotto, nto masantu eneetta erwaaka Owaani, kinthuna kookoheni etthu emosa, exeeni ekhumelenle?

<sup>438</sup> Exeeni yaakhumelenle Hitler vaaronwe awe oFransa? Vano, yaahimmwa wira khivaaweryaneya hata woona osulu, m'okathi uwo, matteeke. Mavalo a marattha a mmuro a wAlemaanya. [Munna Branham oneetta mavalo a marattha a mmuro vaplataforma vaara vaili—Mol.] Moone, awo yaarimweemela, evirasaka, etthapelaka oxintta.

<sup>439</sup> Okathi Stalin orwiyy'awe oRuusiya, otthariwaka imiilya sene, khula etanki ettharaka saana ekina, khoopelasa oBerlin mpakha vahaakhanly'aya hat'etthu yaahanle. Ti yeeyo tu. Nto okathi arowans'aya, nto atthu ala a wAlemaanya... Anakhotto ala a oRuusiya etthapaka, awo yaakenle ni yeeyo, moosuwela, etthu ile yaamukhaani yootheiha awo aniiiras'aya. Miyo kaahoono valataratoni, emara emosa oLontre, moota yaavolowans'aya, elatarato yeekeekhai ya etthu vaavo, etthu yiiraneieya, evolowasaka, etthapaka. Oh, wulu!

<sup>440</sup> Vaiwaly'ahu wira ekhotto yaahimala, hiyo khikhuwela, naahoopa mituri. Okathi anamwiiwaha ahokolonw'aya, hiyo khikumanana weiwe. Awo yaamunyakula. Yaamukhuwela. Kaahikhalana munna mmosa aari memmo, iirale wira, okathi ohokolonw'awe, othene a khalayi. . . Atokweene ale yahaareere ovulalasa, awo khiyaawerya okhuma voolilini, tivo awo yaamwaapirikixa vasulu va paketi okathi yaavolow'aya, wira yoone Etthontto ya Otaphuwa evenyaka. Khwira, "Axilopwana ale aalupale yeemelanseene vale, awo yaamunla paahi, n'umorasa vaavale *siisaale*, okathi yoonans'aya Etthontto ele ya Otaphuwa." Yaarakamenly'aya owaani miyaakha mixexe, ewanaka, oovulalasa okhottoni, ni itthu sothene sikina. Masi awo yaanimusuwela mwaara ole, oophentiwa, ni maama, ni tiithi, n'anamwane, ni othene ale yaaphent'aya, yaari ottuli wene wa Etthontto ya Otaphuwa. Yooniherya etthu awo yaawanel'aya. Oh, maturi yaamuruma, nto Nova Yorke khupacerya okhuwela, ti yeeyo tu, okathi atthu aya oowiiwaha aruuly'aya yeettaka. Eyo enrowa okhala etthu yaamukhaani.

441 Okathi mmosa Kesari, vaamanly'aya ekhotto yuulupale, owo iirale, "Miyo kintthuna wira nakhotto aka oosuweleyaxa eette ni ekhavallo vakhiviru ni miyo mwa otthapela nno wuulupale w'omuxintta nwanan'ihu." Nto khula mmosa a makhulupale khuphwaneliha mapururu aya khwaaryiha makula aya owiisaakihano, khuneetta vale, moosuwela, siisaale, ntoko—ntoko anakhotto eekeekhai siisaale. Okathi vakhaani, mutthu mmosa ookhoveya ooyeva, khuvira vale, oothikilaseya. Wulu! Owo khukhala ntoko oweha osulu, nto khupacerya orowaka, *siisaale*. Kesari khwira, "Nwehererye minuutu mmosa. Nwehererye minuutu mmosa. Nyuwo," nnakhala khaawanre ntoko m—mukhulupale, khwira, "murwe va." Khwira, "Mwakhwatta awo mphwannye woowi?"

Owo khwira, "Opuwani iwe w'ekhotto."

442 Khwira, "Nwele va. Nyuwo ti mutthu onimutthun'aka wira okilaathi vakhiviru ni miyo." Mwaha wa xeeni? Owo aarimooniherya wira aahikhala okhottoni.

443 O Muluku, mmumorele ikharari mutthu oniithikila ntata vanlaathani va sartiinya n'ukhala oottotopeliwa. Miyo kintthuna kivulale okhottoni. Ntoko Paulo sihimmy'awe, "Koothhitiwa mw'erutthuni mwaka mirala sa Yesu Kristu." Tivo miyo kintthun'aka owana vapuwani.

444 Nihiku nlo, Mukhulupale ahu Oomalela onrow'awe orwa, Yoowo oniwarinhe ikaruma, Yoowo onivanhe ikaruma sa Muluku, Eroho Yowarya, onivanhe Masu Awe wira niwaneke ni seiyo, khweemela vale; okathi Mukhulupale ahu Oomalela muulupale onrw'awe eettihaka ekhavallo, miyo kintthuna kiwele vakaaroni nto keettihe kirowaka Owaani ni Yoowo. Khamunthuna? [Muthukumano oniira, "Amen."—Mol.] Nto kaavara—ru amwaar'aka akhaani moonoo, kiwehaweha va ni owoona axinn'aka ni axaar'aya, ni an'aya, okathi onrow'ahu opacerya weetta niviraka muparatiiso mme mwa Muluku, nto Malaikha esarihaka ephoyo ni isipo, osulu siisaale, elavulaka mwaha w'otthapela!

445 Nto ekhotto yamala vale, hiyo nnoorowa owara nleha. Oh, wulu! Oh, anakhotto a vamwiikimanyo, voosiis'ula, mukumihe moonoo owo wa waamini va, nto mmuvarele Kapwitthi ula.

446 Ankhi ila, munna, moolikana? [Munna Branham onlavulatho ni munna muthiyana onwereiwa—Mol.] Mmukumiherye Kapwitthi uwo ota, mwiire, "Muluku, khenikicala etthu—etthu xetwani okileeny'awe, moota xeeni mutthu mukina ohimmy'awe. Voosiis'ula, miyo kinimwaamini." [Munna muthiyana oniira, "Miyo kinnaamini, nave."] "Miyo kinimwaamini."

447 Ntoko saahimmy'aka nihiku nlo, mukhaani. . . Kookupali wira Ittiminku vakhaani sivinre, aahikhala mulopwana mmosa aarina yooloha emosa. Owo aalonhe wira xetwani aari etthu

yaamukhaani, yaatthimanke mpakha wa yoowo. Owo khwira, “Bu!” Vano owo khutuphela ottuli, nto xetwani uwo khunnuwa. “Bu!” Vano owo khutuphela ottuli, nto xetwani uwo khunnuwa. Vookiserya, xetwani khukhala muulupalexa ntoko saaryaawe, aarowa omuxintta. Owo aanisuwela wira aahaana owanana orineene ethhu, vano owo khuwehaweha. Owo khaawerya ophwanya hat’ethhu wira onwanane ni yeeyo. Owo khimukuxa Bibilia paahi. Nto xetwani khwira, “Bu!” Owo khwira, “Bu!” ottuli wawe yoowo, vano xetwani khukhala ooyeva, oyevaka, oyevaka. Nto, vookiserya, owo khummana mpakha okhwa ni Masu.

<sup>448</sup> Nyuwo mwa nakhotto, khamuhiyo, munna? [Munna Branham onlavula-tho ni munna muthiyana onwereiwa—Mol.] Mukuxe Masu awo mwiire, “Yoolempwa.” Amen. “Nkinrowa okhwa. Kinoorowa okhala mukumi. Kinookilaathi mutapernakulu muumu kimuttottopele Muluku mwaha w’oreera Wawe murima, n’awo akina.”

<sup>449</sup> Munnaamini yeeyo, masantu? [Muthukumano oniira, “Amen.”—Mol.] Amen.

Nrowe nuuramihe miru sahu.

<sup>450</sup> O Pwiya Muluku, Mpattuxa a wirimu ni elapo ya vathi, muhiye esuweliwe olelo wira Nyuwo nlelo mwa Muluku. Hata wira kaarowa olaleya moota xeeni, itthu kavi karow’aka ohimya, Pwiya, Nsu nimosana nnikhuma wa Nyuwo ninnimaliha mwaha.

<sup>451</sup> Maleso ala amphwanyaneya va, yooniheryaka atthu anwereiwa. Miyo kinvekela, Tithi a Wirimu, wira iparakhya Sanyu ni owerya sikhale mwa khula nimosana a yaawo, okathi oniixaathi aka matata aka mwa yaawo. Muluku, mwa Nsina na Yesu Kristu, miyo kinvekela wira Nyuwo mureeie maleso ala ni Mukhalelo Anyu woowaarya, maana yoolempwa muhina mwa Masu. Kehiyo hat’ethhu enivirikanya Masu. Masi yoohimmwa muhina mwa Masu, wira, “Yaanikuxiwa v’erutthuni va Paulo, maleso ni ikuwo. Irooho sootakhala saanaakhuma atthu, ni yaanivonihiwa iretta soohiyana-hiyana.” Vano, hiyo khanihiyo Paulo Oowaarya, masi Nyuwo nlelo mwa Muluku, ni Nyuwo nlelo mwa Eroho Yowarya yeeyo. Miyo kiniixaatherya matata aka maleso ala, mwa Nsina na Pwiya Yesu, ni woovekelani Nyuwo wira mureerihe ni mmuvonihe khula mmosa a yaawo.

<sup>452</sup> Nto, Muluku, ommaathale va voolilini, ommanthi va, hat’ethhu woohikhala mwaana, mwaana mwaamuthiyana ooreera tu. Owo khonwerya okhala mukumi, Pwiya. Satana oomwiiriha yootakhala. Ni mameetiku oophenteya a mulaponi mu ahiilipiha, vekeekhai, wira emoopole mwaan’owo. Awo khanwerya tu. Awo aaphiya okhomoni wo owerya waya. Awo khansuwela hat’ethhu ekina yo wira. Masi, Pwiya, miyo kinnitthapa wira yookhala ekapiitulu ekina elempwe. Hiyo nnoowerya okhunla nikukhu nikina, nto vanikukhuni va hiyo



ninnimoona Meetiku Muulupale ovolowa. Hiyo nnimwiihana Yoowo wira onilapelele voosiis'ula.

<sup>453</sup> Vano, Pwiya, khelempwe eyo mu muhina mwa Masu Anyu, wira, "Ithoonyeryo iya sinimwaatthara ale anaamini"? Pwiya, kaahikhale mulipa-oowaamini, mukikhalihe vano. Mwaamuthiyana'ola aahikhale mulipa-oowaamini, mmukhalihe vano. "Ithoonyeryo iya sinimwaatthara ale anaamini; yawiixaatherya matata aya aretta, awo anoopenuwa." Yoolempwa-tho wira, "Mwa Nsina Naka anoowoomola axetwani." Pwiya, awo—awo ti Masu Anyu. Awo t'Awinyu. Awo ti Masu Anyu. Nto vano ntoko murumeyi Anyu . . .

<sup>454</sup> Ntoko Nyuwo sihimmy'anyu, "Mwathukumana aili wala araru a nyuwo, Miyo kinookhala eriyari anyu; ni nyuwo mwaakhulelihana, mwaha w'etthu, khuvekela, munimwaakhela."

<sup>455</sup> Muluku, mwanamwan'ola khino ti mutthu oomalela owereiwa mpaani mu voosiis'ula, okhala wira owo khonwerya okhala mukumi okathi munci-enexa, ehikhanle ni Nyuwo, ni owo t'omalenle owereiwa. Vano, hiyo othene nri, hiyo nnimwaakhulelihana, ntoko khula nakhotto oniphwanyaneya mu. Ni mwa nikhuru nla oniphwanyaneya Osuulu w'omwene wa Abrahamu.

<sup>456</sup> Hiyo nnimweetta nimurowelaka Satana vano. Ni vanreerela wira mwiilikanyihe wira murowe, Satana, 'okhala wira ikaruma sahu sinimwaarya, ipantera sinoovenya; alopwana n'athiyana yaavarenleene Axoowa, aneetta vano erwaaka wa nyuwo, mwaha wa mwanamwan'ola mwaamuthiyana. Mmukhume, Satana. Mmuhiye mwanamwan'owo. Ntoko anakhotto a Muluku mukumi, hiyo ninnootharamulani. Mmuhiye, mwa Nsina na Yesu Kristu.

<sup>457</sup> Kinrowa omwiixaatherya matata. Nto, Satana, nyuwo muroomutthukwa mwanamwan'ola, nyuwo muhiira yootakhala ela. Koosuwela wira nyuwo moomuvikana mpale wa mutthu, masi khamuhiyo mpale wa Pwiya aka, vano miyo kinoorwa mwa Nsina Nawe. Mmuhiye ola, nyuwo erooho ya xetwani. Nyuwo xetwani a eretta, mmukhume mwanamwan'ola, ni wira owo otaphuwe, okhuma olelo mpakha ohoolo. Miyo kinihimya ela, mwa Nsina na Yesu Kristu.

<sup>458</sup> Vano, Pwiya Muluku, Nyuwo mwaahihimunxe alipa-ookhwa khooniherya wira Nyuwo mwaari Muluku, mmuvenxe mwaamuthiyana'ola atthikele-tho ekumi awe ni ikuru, wira owo ovenye mpani mu. Xetwani oomukhuma! . . .? . . .munoorowa onvoniha. Wira owo okhale mukumi wa ovuwa ni nttitimiho wa Muluku.

Eyo—eyo yoolavuliwa, vano yiiriwe.

<sup>459</sup> Aakhala akina mu muntthuna ovenxa matata anyu wira, "Kintthuna kivekeleliwe. Kinoowereiwa. Kinnimutthuna

Muluku”? Nkisuwenle okathi xeeni orin’ahu. Nihaana okathi oniphiiyerya wira naahiye atthu ale ovira va. Vekeekhai kinnoona ohakalala sana voosiis’ula vano. Ayo. Ayo. Kintthuna wira murwe vathi va, Billy, ni mukuxe paahi khino epantte emosa ela nno, mpantte *ola* nno, meekh’aya. Muhiye paahi epantte ela epacerye toko, nto ninookuxa epantte y’ottuli numala eyo, osulu iwe paahi mpakha mukoti *ole* vale. Nto hiyo nnimwaakuxa awo siiso, nto awo khani. . .

<sup>460</sup> Nto vano kintthuna Munna Neville n’axinn’aka amosa-amosa anihooolela yeemele va vakhiviru ni miyo, vaava va, wira mwaaroihe-tho mpakha vathi mmukotini. Vaareera. Vaareera. Vano miyo. . .

<sup>461</sup> Akavi a nyuwo awanre ikaruma saya? [Muthukumano oniira, “Amen.”—Mol.]

<sup>462</sup> (Enrowa okhala yoovirikana vano. Muroweke owaani, mukhale mukumi naanaano va, mukhale mukumi.)

<sup>463</sup> Amen. Oh, wulu! Othene nyuwo anakhotto, mmukumihe Xoowa. Mmukumihe Xoowa, anakhotto a vamwiikimanyo, mweettaka, mweettaka.

Mwa Kristu, Mwala woolipa, kinookhala.  
Itthaya sothene sikina mihaava sinikomowa.

<sup>464</sup> Vaareera, murwe nno, vaava va epantte ela nno. Atthu othene evekeleke vano, okathi awo anviraaya.

Mwa Nsina na Yesu, munvonihe muthiya’ola. Amen.

Mmukumihe Xoowa anyu vano. Mukhale vakhukuluni vanyu vaavo, mukhuwelaka.

<sup>465</sup> Mwa Nsina na Yesu. . . ? . . . mwa Nsina na Yesu. . . ? . . . mwa Nsina na Yesu Kristu. . . ? . . .

Hayani, anakhooto aKristu!  
Nrowaka okhottoni,  
Ni mwiikimanyo wa Yesu  
Orowaka ohoolo.

<sup>466</sup> “Muhiye, Satana!” Exeeni eniiraneya, anakhotto? Khamunuupuwela wira hiyo nnoowerya oxintta? [Muthukumano onoothapa ni wira, “Amen.”—Mol.] Owo ooxinttiwa. Hiyo nootepa oxintta mwa Kristu Yesu. Khula xetwani ohoomoliwa, itthu sothene sikina. Amen.

Murwe va, axinn’aka! . . . ? . . .

Kinvekela wira mwaavonihe. . . ? . . .

Munvonihe munn’aka, Doc; munvonihe, Tithi, mwa Nsina na Yesu.

Mwa Nsina na Yesu Kristu, munvonihe muthiyan’ola. Murwe. . . ? . . .

467 Vano, owo okunxe...Kaahaana waavekela axinna ottuli. Mapuro othene, Apwiya...?...

468 O Pwiya Muluku, Mpattuxa a wirimu ni elapo ya vathi! O Muluku, Nyuwo moosuwela eri mmurimani mwawe. Nyuwo moosuwela sothene wa yeeyo. Miyo kinaavekela mai ni tithi. Mwa Nsina na Yesu Kristu, miyo kinaaavahererya...?...

Mwa Nsina na Yesu Kristu, miyo...?...

Mwa Nsina na Yesu Kristu, miyo...?...

469 Muluku, mukhale ni murokor'aka. Hiyo noosuwela, miyaakha sinipacerya orwa n'uruuha okhwa wira sitthuneke ovarela erutthu ya muthiyan'ola. Vano, mwa Nsina na Yesu...?...

470 Mwa Nsina na Yesu Kristu, mmureerihe mwaamuthiyan'ola, Pwiya. Ikhotto sahu oxikola iwe, miyo koosuwela itthu sinvir'awe-mo. Miyo kinvekela wira Mmureerihe. Wira owo omukumihe Xoowa owo, voosiis'ula, eetteke orowaka ohoolo!...?...Mmureerihe mwammiravo ola, Pwiya; owo onoorwa, iihanaka Nsina Nanyu, voosiis'ula; miyo kinvekela wira Nyuwo murowe...?...

471 Muluku, omureerihe muun'aka, omuvahaka sooveka sawe. Mwa Nsina na Pwiya'ahu Yesu, miyo koolavula!...?...

Mwa Nsina na Yesu Kristu, hiyo ninvahererya nivekelo nla.

Mwa Nsina na Yesu Kristu, hiyo ninvahererya nivekelo nla.

Mwa Nsina na Yesu Kristu, hiyo ninvahererya nivekelo nla.

Mwa Nsina na Yesu Kristu, hiyo...?...

Mwa Nsina na Yesu Kristu, hiyo ninvahererya nivekelo nla.

Mwa Nsina na Yesu Kristu...?...

Mwa Nsina na Yesu Kristu...?...

Mwa Nsina na Yesu Kristu, munvonihe munn'aka.

Mwa Nsina na Yesu Kristu...?...

Mwa Nsina na Yesu Kristu!

Mwa Nsina na Yesu Kristu!

Mwa Nsina na Yesu Kristu!

Mwa Nsina na Yesu Kristu!

Mwa Nsina na Yesu Kristu!

472 [Ookhala mutthu oniira, "Atithi aka ahookhwa"—Mol.] Muluku, mmukhaliherye, mwa Nsina na Yesu.

Muluku, mwa Nsina na Yesu Kristu, hiyo...?...

Muluku, mwa Nsina na Yesu!

Mwa Nsina na Yesu Kristu...?...

Mwa Nsina na Yesu Kristu, munvonihe munn'aka.

Mwa Nsina na Yesu...?...

Munniwa sana vano?

O Muluku, etthu ila ekhume mwa...?...

473 Mwa Nsina na Yesu Kristu, hiyo ninvekela!...?...Mmuvahe munna...?...

474 O Muluku, kimusuwelaka mai ule oottittimiheya, orina mikattyamiho iya sotheene, miyo kinvekela, Muluku, wira Nyuwo mu...?...mwa yoola.

Mmukumihe Xooowa owo, Ed, nto murowe ohoolo, mwa Nsina na Yesu.

475 O Muluku, munvonihe muthiyan'ola. Munvahe yoovekela awe. Wira omukuxe Xooowa owo ohoolo wawe, okathi w'ovelavela.

O Muluku...?...voosiis'ula. Miyo kinvekela wira Nyuwo mu...?...

476 Tithi Muluku, miyo kinvekela wira Nyuwo munvonihe munn'ihu ni mmukhalihe mukumi. Ni mwa Nsina na Yesu Kristu...?...

477 Muluku, miyo kinvekela wira Nyuwo munvonihe munn'ihu, mmukhalihe mukumi, mwa Nsina na Yesu Kristu.

478 Tithi Muluku, miyo kinvekela wira Nyuwo mun—munvonihe munn'ihu.

Munvonihe munn'ihu, Pwiya!...?...

Tithi, mwa Nsina na Yesu, munvonihe ola, munn'ihu, Tithi.

479 Tithi,...?...hiyo ninvekela mwa Nsina na Yesu. Muluku, munvonihe muthiyan'ola.

O Muluku, miyo kinvekela wira Nyuwo...?...

480 O Muluku, mmureerihe, Tithi!...?...Moota hiyo onaaphent'ahu apatthani ale a khalayi, Pwiya. Ni kinvekela wira Nyuwo munvahe yoovekela awe!...?...

481 Tith'ihu a Wirimu, miyo kinvekela wira munn'aka...?... O Muluku,...?...owo, O Muluku...?...nakhotto a vamwiikimanyo. Nto owo onoomukumiha Xooowa ole, voosiis'ula, ni weetta orowaka.

Muluku, hiyo...?...Munvahe yeela, O Pwiya, yoovekela awe.

482 Muluku, mmureerihe munna...?...Miyo kinvekela wira Nyuwo munvonihe, Pwiya!...?...Munvahe entthuna murim'awe, mwa Nsina na Yesu Kristu.

483 O Tithi a Wirimu, mulaleyi ula mwaamukhaani a Ehapari yooreera, mmilo awe...?...Vatthu owo orapinh'awe miyaapu...?...Muluku, miyo kinvekela wira Nyuwo mu...?...Nto okathi muttitthi muulupale w'anakhotto

a Muluku onrow'aya ohoolo vano, ni Axoowa avenxiwe-ene, munvahe oxintta, Pwiya. Iy'awe mwaamukhaani va, Pwiya, oruuihiwe okumihiwaka voolilini wa kankuru vaavo aammanth'awe-vo, okhwaaka ni kankuru, nto matothoro emuhin'ye-ene, okathi oronw'awe. Nto ola ori va, voosis'ula, nakhotto mwaamukhaani a vamwiikimanyo. Mmulipihe, Pwiya, wira ovare muteko Anyu, hiyo ninvekela, mwa Nsina Yesu.

<sup>484</sup> Kintthuna wira mwaamuthiyano... Yookhala etthu ekina ni mulaleyi ula mwaamukhaani va. Murwe nno, Munna Kidd. Mulopwan'ola aaroihiwe owaani okhuma oxipiritaali, naanaano va, okhwaaka, ookuuriwe-ene ni kankuru. [Munna Kidd muthiyana oniira, "Mwaakha mmosa ovinre."—Mol.] Mwaakha mmosa ovinre. ["Miili."] Miyaakha miili sivinre, ni moomwilimwana. Tothoro awe aamuvanhe mahiku vakhaani wira okhale. Nto voosisu umosa, hiyo khurowa iwe, oxakeene, khuvahererya nivekelo mwaha wa yoowo, nimosaru ntoko nle muvaheriw'anyu, vano awo khanwerya ophwanya hata nlepa naya. [Muthukumano onoothapa.] Owo oovonihiwa. Amen. Owo—owo... [Munna Kidd muthiyana oniira, "Kaahaana okupali."] Owo oophwanya orilelaxa vano ovikana sitonko awe okhalana. Owo ni mwaar'awe mwaamukhaani arisa vapuwani wa Ehapari yooreera, khino kihinatthi oyariwa. Owo ori va vano... [Munna Kidd oniira, "Miyaakha miloko mithanu ni mithanu."] Miyaakha miloko mithanu ni mithanu. Kihinatthi hata orwa mulaponi, awo yaanilaleyasa Ehapari yooreera. Nto owo ori va, oovone-ene, ni miyaakha soophiyaka miloko mithanu na miili ni mithanu ahiso... ["Miloko mithanu na miraru ni mmosa."] Miloko mithanu na miraru ni mmosa. [Munna Kidd oniira, "Hiyo naanikhalana muhakalaliho, muthukumano wa isumana piili, olaley khula ohiyu."] Muhakalaliho wa isumana piili, naanikhalana pahi isumana piili sa muhakalaliho, ni naanilaleyahiyu wothene. Miyaakha miloko mithanu na miraru ni mmosa, oovonihiwa, kankuru, okathi uuluvanly'awe.

<sup>485</sup> Vaareera, munna, ola okathi anyu vano. Munaamini? [Muthukumano onoothapa ni wira, "Amen."—Mol.] *Hayani, Anakhotto aKristu*. Vaareera, munna. Nyuwo, khula mmosa a nyuwo, ninrowa wira exeeni? SIISO ANIHIMYA T'APWIYA. Niniira exeeni, wiithomeya va?

<sup>486</sup> Satana, mooxinttiwa. Hiyo nnimoorwa vano. Hiyo nnimweetta nirowaka Muttethe wa natiri. Exeeni iyo? "Mwaak'ola exeeni, ohoolo wa Soropapeeli? T'ani ula, eemenle ohoolo iwo? Nyuwo munookhala oowaataleleya." Mwaha wa xeeni? Ni Xoowa oniitha ninno ni nno, hiyo nnoomuhoma nimmorozele vathi. Ti yeeyo. Vaareera.

Hayani, anakhooto aKristu!  
Nrowaka okhottoni,

Ni mwiikimanyo wa Yesu  
 Orowaka ohoolo;  
 Kristu, Mwiixuttihi a omwene,  
 Onnihoolela omuvirikanya nwanani; (ni Masu  
 Awe)  
 Orowa okhottoni,  
 Moone, ipantera Sawe sinoorowa!  
 Hayani, anakhooto aKristu!  
 Nrowaka okhottoni,  
 Ni mwiikimanyo wa Yesu  
 Orowaka ohoolo.

<sup>487</sup> Aleluya! Awo yiirale exeeni? Etthu yoopacerya yaakhumme, mukhottoni, wa Isarayeli, exeeni yaari etthu yoopacerya? Alipa-oowiipa ti yaarowa ohoolo, toko. Exeeni yaatthara? Nivuku. Vano ekhotto. Vaareera. Munaamini iyo vano? [Muthukumano oniira, “Amen.”—Mol.] Hiyo nniipa *Hayani, Anakhooto aKristu*. Hiyo nnookumiha ohoverya wothene. Nivenxaka inawu sahu vano, hiyo nneetta nrowaka okhottoni.

Nrowe nivenye vano, atthu othene.

Hayani, anakhooto aKristu!  
 Nrowaka okhottoni,  
 Ni mwiikimanyo wa Yesu  
 Orowaka ohoolo;  
 Kristu, Mwiixuttihi a omwene,  
 Onnihoolela omuvirikanya nwanani;

Hiyo nimmuxintta sai uwo? Ni Masu.

Orowa okhottoni,  
 Moone, ipantera Sawe sinoorowa!

Hayani, anakhooto aKristu!  
 Nrowaka okhottoni,  
 Ni mwiikimanyo wa Yesu  
 Orowaka ohoolo.

Hiyo khanikawanyeiye,  
 Hiyo othene n'erutthu emosa;  
 Nri mmosaru mwa nrromelo ni mwiixuttiho,  
 Mmosaru mwa mphento.

<sup>488</sup> Othene munaamini vano, mwiire, “Amen.” [Muthukumano oniira, “Amen.”—Mol.] Aleluya! Nyuwo munaamini yeeyo? [“Amen!”] Hiyo n'alipa-ooxintta. Ori vai khula nwanani? Vathi va inawu sahu. Hiyo n'ani olelo? Oohihimuwa mwa Kristu!

<sup>489</sup> Vano, yoomala, munna. [Munna Branham onlavula-tho ni munna muthiyana, yoole aawereiwa—Mol.] Munnaamini yeeyo? Rowakani owaani vano. Munoono sana? Owo ohimmye wira onnoona sana vano. Itthu sothene siri sana.

<sup>490</sup> Akavi ota iwo anoona sana? [Muthukumano onoothapa wiituperyaka ni wira, “Amen.”—Mol.] Nto okathi awo

yaanyakul'aya, exiri yaahiphomowa, amen, vano awo yaahikuxa. Amen. Awo yaahikuxa muttethe ene. Amen! Amen! Nyuwo munnimwaamini Yoowo? ["Amen."]

<sup>491</sup> Vano, muhiliyale muteko w'ohiy'ula. Munna Neville onookhala vaava ohiy'ula, ni oniruuhelaka mutthaka wooreera. Ni Ettiminku, Ettiminku enirwa, Apwiya yatthuna vale, mukhale vaava.

<sup>492</sup> Vano nrowe, nikhumaka. Nto vano, okhuma mpaani mu, nrowe, niipaka, *Hayani, Anakhooto aKristu*. Nto okhuma olelo, orowa ohoolo, muhimuhele-tho Xoowa owo munluwoni. Mmukumiherye ota. Nrowe nixintte. "Awo yaahirowasa ohoolo, exinttaka, ni wira exintte." Vaareera, emaara ekina, eversu ile yoopacerya.

Hayani, anakhooto aKristu!  
Nrowaka okhottoni,  
Ni mwiikimanyo wa Yesu  
Orowaka ohoolo.



*EKHOTTO YUULUPALEXA YAATONKO OWANIWA* EMK62-0311

(The Greatest Battle Ever Fought)

Mutthak'ola wa Munna William Marrion Branham, opaceryawene olaleeriwe ni Enkelesi Ettiminku vaasiisu, mahiku yettaka 11 mweri wa Março, 1962, oBranham Tabernacle oJeffersonville, Indiana, w'Amerika, okuxiwe wo okaravariwa mufitani ya makineti khulempwa wothene ni nntaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2020 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)



## Olopolo mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitemihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanelle, xontte mulavule ni:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)